

BARTHOLOMÆI
BOSCHETTI
DISSERTATIO
DE SALIVATIONE
MERCURIALI
Phyfico-Medico-Mechanica

BARTHOLOMEI
BOSCHETTI
DISEASES
DE SALIVATIONE
MERCURIALI

Physico-Medico-Technica



5

DISSERTATIO
DE
SALIVATIONE
MERCURIALI
Physico - Medico - Mechanica
BARTHOLOMÆI
BOSCHETTI VICENTINI,
Phylosophiæ, & Medicinæ Doctoris

In tria capita divisa.

QUORUM PRIUS CONTINET SALIVÆ
naturalis examen. Alterum Caput ejusdem vitia con-
siderat. Tertium Salivationem artificialem exhibet.

*His accedunt Hystoria felici, & leibali experimento
comprobata.*



VENETIIS. MDCCXLIV.
Typis Joannis Tibernini.

Sub Signo PROVIDENTIÆ.

SUPERIORUM PERMISSU, AC PRIVILEGIO.

[illegible]

AMPLISSIMO VIRO
Illustriss. atq; Excell. D. D.
ALOYSIO PISANO
Equiti, & D. Marci Procuratori
BARTHOLOMÆUS BOSCHETTI
Æternam foelicitatem adprecatur.



*Anta est tuæ gloriæ; nominisq; tui;
ac rerum gestarum magnitudo Illu-
striss., ac Excellentiss. Procurator, & Eques, ut
quamvis florentissimi, plurimiq; Oratores usque adeo
prò*

prò tuo bonoris merito concertaverint encomiis , nullus tamen tam æquè dixerit , cui , Tibi in dies germinantibus novis laureis , majora non supersint celebranda . Virtus tua splendore clarissima humanæ quasi capacitatis terminos excedens fama , laudibusq; Gallicum , Anglicum , Italumque Orbem peragravit ; Gesta verò sicuti omnium oculis admiranda exposita immortalitatis splendore coruscant : ità in tui acclamationem dulci impulsu hominum voces alliciunt . Sublimi igitur ornatu quæcumque laudando dicam , factis , tamen minora semper dicam , quod quanto magis à lucri studio remotius est , eò purior erit mea laudes celebrandi cupiditas & veracior reddetur omnis adulationis , & suspicionis expers . Tuarum laudum campus cunctis patet amenissimus , messisque fecundus , in quo exultant Juvenum Modulationes , senum gratulationes , populorumque tum Venetorum , tum exterarum Nationum eloquentia passim tentat inire certamen ; Resonant undique Præfecturæ Venetæ , quas in Gallia apud Ludovicum Magnum Decimum quartum , in Anglia apud Reginam Annam , in Italia apud Carolum Tertium ut Hispaniarum tunc Regem gessisti , celeberrimæ Legationes ; Quas quidem ego nisi ita illustres fuisse faterer , ut eas vix cujusquam mens , aut cogitatio capere possit , amens , nedum cæcus forem . Parcant igitur quicumque hæc legerint parcant ignoto ospiti in laudes tuas ire auden-

ti, qui

ti, qui non alia utique re (licèt ingenio omnium infimus, par autem omnibus obsequendi studio) quam maximo tuæ Virtutis amore allectus ex inconditis Musarum latebris incognitus homo libens erumpo, cum certo sciam, quod est totum mihi solatium, Te mea parva Vota aequè, ac magna Venerantium offitia probaturum. Benignitatem hanc singularem, humanissimamque mentem tibi indidit tuæ stirpis origo, quæ tamquam a summo Jove deducta, tum fortunæ opulentia, ipsisque mirandis gubernandæ Reipublicæ legibus, tum rei militaris ferocitate, ac victoriis omnes Reipublicæ duces æmulatur, qua Romani, qua Cæsares; quorum Tu omnium ornatus non modo omnium Senatorum maximus consequeris, sed mirabili rerum gestarum gloria illos felicitate, ac imperio ità devincis, ut ab omnibus præcantium suspiriis, tot gentium, bonorumque omnium votis sub libra Venetæ Astrææ prænuntiaris fulgentissimum sydus, quod Te vagiente in Cunis conspexere in aurora Proceres, Teque cum virtute infantem ad summa natum prævidere Cives, qui facti adulti Herois ambitione, aut Reipublicæ succiendæ desiderio nihil in Te decorando ommissum intentatum, ut Pisana Fortuna tantis honoribus decorata Veneti Ducis imperium tot Heroum sanguine, tot seculorum Circulis comparatum nancisceretur. Si enim vitæ, tuarumque actionum stadium percurramus, omnia absque obstentationis genio Principe digna in te

conspiciuntur ; hoc unum in primis pro ingēnita lege Tibi sancitum proposuisti , ut a Deo Reipublicæ gubernationem auspicato , nihil Tibi sine omnium Regum Dominatoris patrocinio agendum foret , cum innata quadam Morum supereminētia optimè tibi innotescat , illius Reipublicæ regimen proximius felicitati accedere , quod in omnibus Religionem intuetur , quod exemplum sicuti omnium civium commodo adimpletum nullibi gentium , aut antiquius invaluit , aut stabilius constitit , quam in Venetiārum Urbe , Cujus Respublica Cunctis temporibus securus portus dirēxatis Romanis Pontificibus extitit ; itā firmissimo bonarum artium , omniumque scientiarum fulcro , quod est unice Tuo excelso animo condignum Italarum Nationem ditare satagis . Temporum injuria excultæ Musæ procederent , nisi ameniori splendore , majoriq; diligentia excultæ sibi altricem Patriam Patavinas Athenas recepissent , ut jure merito dicendum sit , quod quibus quondam Græcia , nunc litteris Te Mecenatē Italia storeat , qui Sapientibus in toto Orbe Professoribus nullis parcendo sumptibus tanta præmia impendis , ut ad publicum commodum publica scientiarum litigia & ingeniorum acumina exerceantur . Hoc nobilissimum impendii genus ad educandam disciplinæ juventutem erogatum Cives nobilitat , Nobiles divitiis exornat , & in publicæ rei incrementum & in donantis gloriam cedit . Sed quid innumerarum scientiarum

tiarum utilitates in medium affero, si Tu Senatorum Sapientissimus Scientiis pariter, ac litteris longe Cunctos antecellis? & hic prolixius sacundie flumen desideraretur, quod per singularum Virtutum Viridarium expatiaretur, sed Modestia Tua ceteris virtutibus par, mihi, credo, subirascitur; onerari enim se potius, quam ornari laudibus hisce arbitrat. Interim ceteris inter se virtutibus de imperio digladiantibus principem sibi locum deposcit innata illa Bonitas Tua, quæ facem præfert fulgentissimam, ut quæ cura, quæ mentis vigilantia, agendarumque constantia rerum in inclytæ Reipublicæ regendis habeas tuam mensuram adimplere, toti orbi innotescat. Sic ubique tibi similis, ubique admirabilis persurgens omnes amore prosequeris, Magnanimis Regibus sanè semper opus laudabile; at amant Te pariter omnes, amant singuli lumen Curie Propugnatorem Reipublicæ, Patronum ne dicam, an Patrem Bonorum omnium? Hisce virtutum cumulis, dum provida Factorum indulgentia in bello, ac pace Rempublicam exornas, subditorum scilicet animos, & exterorum benevolentiam, quam nulla unquam ætas oblitterabit, consequeris, quibus tam præclare actis, & ausis non tam Patria, quam publica confessione Æmulorum Magnus appellaris. Hæc igitur accedant omnes artium labores, ingeniorum Curie, & lucubrationes, ut sudato studio tuorum partium magnitudines æternitati consignent,

*

signent , quos serio mecum ipse perpendenti , illosque dicendi ornatu attingere desperanti gloriosi vindicis auctoritatem implorare posse , magnum mihi fuit beneficium . Hinc factum fuit , opellam , quam publicæ luci primò concedo , ut jure tuos antè pedes sisterem Vir Excellentissime , quæ tuum enuixè expostulat præsidium , ut ad præsentēs , & posteros æquè benè transire permittatur . Tu , quem excelsæ Reipublicæ Venetæ adorant Lycea , ut litterarum Principem , & Mecenatem , benignum indulgeas obtutum , præcor . Non enim alio affulgenti Sydere mihi rebus meis Vela danda sunt , quibus incerto Reipublicæ litterariæ Oceano me committere non dubito , si opusculum hoc meum ad Tuae Clementiæ Patrocinium , tanquam in sacræ Anchoræ axillo innixum , Tui Nominis in fronte gerat insculptam immortalitatem . Vale igitur Senator Eques , & Procurator amplissime , ut publica Scribentium salus incolumis sit , longiorique lucis usura dignus , quam Mortalibus Tuae auctoritatis præsidiis , Tuique amoris vinculis continuò elargiris .

Dabam Venetiis pridie nonas Julii 1722.

Umilissimus , devotissimus , & Obsequiosissimus servus
Bartholomæus Boschetti.


AD LECTOREM.

UT solertiæ meæ qualis, sit, innotuit primos Medicinæ Parentes, tot, tantosque viros ad culmen artis evectos, indefesso contemplationis genio, & philosophandi instituto, illam Medicinæ partem, quæ ad hominis morbos profligandos, vitamque tuendam maximè conducit, phlebotomiam nimirum, & purgationem, ut universaliora magis sedula diligentia, improboque labore adamûssim illustrasse, & enixè addictos in universali corporum purganti, sicco pede salivationem transegisse, nihilque in hoc pulvere desudasse, licèt fortassis salivatio in purgantium censu reposita magis universalis eluceat, jam quatuor circiter labuntur anni, quibus accuratis morborum observationibus in hac Sparta exornanda occupatus castra sequor celtica lue denatorum, quorum gratia luci publicæ exponendi succinum salivationis specimen antè oculos mihi constitui. At circa hujus operis editionem diù du-

bitabundus hæsi, itidemque prono ad cursum
impetui frænum inieci, quia *qui benè latuit jux-
tà adagium benè vixit*. Nunc tandem laxam de-
di habenam, quamvis id felicitatis fastigium
me attigisse minime opiner, ut opusculum
meum ad palatum tuum delineasse credide-
rim, cum hoc nostro felici sæculo nobiliora
extent ingenia, & uberiora nunc vivant, ut
tot disciplinarum inventa in rerum abstruso
latentium reperta, antiquorum mentibus in-
cognita, huc usque in naturæ magnificentia
latuisse, ut in posterorum industriam, & glo-
riam cederent: quorum cætus concordēs,
quid curiosi, quid novi natura parit aliorum
oculis adhuc non animadversum vario ad-
discendi studio incitati vitam per pericula
non sufferendo labori commisere. Quid igitur
divitiis alieno partis labore, & aliena indu-
stria repertis non fruimur? si nimia primi
ævi ubertate defatigata natura nostris uni-
versum tradidisset Parentibus, antiqua nova
rerum accessione illustrata, nuperisque expe-
rimentorum inventis suffulta non cernerentur.
Quod ad meum dicendi, & philosophandi
genium spectat, nemo mihi vitio vertat, si
non adamussim hîc omnia conscripserim, cum
semitam ferè nullis calcata vestigiis, nullo-
que

que afflante lumine pergere cogar, ubi novam mihi sterno viam; si igitur ab æquo deflectens semitam non agnoscam, cui trito insistere possim, conatus meos, quantum fas erit, in viam reducere defatigabor. Non ergo cum Seneca *sequor priores, facio, sed permitto mihi, & invenire aliquid, & mutare, & relinquere*. Quomodum enim extensis ventorum flatibus velis sublata temonis directione navis incerta via syrtes impingens, undisque obruta dehiscens casu salutis asylum offendit: ita mihi fortuito continget, si primis initiatus Medicinæ meandris, & ut homo in arte novus opellam hanc meam ad utilitatem ullam revocavero. Præclarum hoc opus ausus sum tentare, non ut exercitatis facem præferrem, sed ut magis expertos medicæ artis Heroas ad perficiendum hoc opus exemplo meo stimula-rem, & si alios excitavero ad salivæ morbos venandos, qui labores meos fugerunt, benè jacta erit alea, & frugem carpisse, metamque attigisse mihi videbitur. Cæterum feliciora ingenia intima quæque, & abscondita scrutantia vident, ubi nobis non ultrà progredi liceat. Non enim inquit Cicero *parum cognoscere, sed in parùm cognito stultè, & diù perseverasse, stultum est*. Tu interim, amice lector, hæc
habe,

habe, quæ si placuerint, lege, ut noster omnis
non sit irritus labor, in quo si erravi, huma-
num scias esse labi, Vale, & me amare per-
ge.



<i>Pag.</i>	<i>Lin.</i>	<i>Errata</i>	<i>Corrige</i>
12.	17.	vessiculares	vesciculares
12.	27.	vissiculam	vesciculam
13.	37.	secernentia	secernentia
15.	15.	meseriacas	meseraicas
16.	35.	crassiore	crassiores
16.	34.	a crassiores	a crassioribus
17.	36.	cæleri	celeri
20.	13.	sanguinis	sanguini
28.	37.	pressionis	pressionis
45.	9.	attropha	atrophia
48.	11.	acriæ	aerææ
48.	22.	æexternum	externum
57.	14.	laticæ	latice
69.	12.	vendicat	vindicat
70.	36.	præssionis	pressionis
77.	29.	præcipuæ	præcipuè
89.	36.	illinitationibus	illinitionibus
97.	28.	afocciatas	associetas
118.	6.	acidis	acida
124.	21.	Crassitiæ	crassitie
126.	13.	crassitiæ	crassicie

NOI REFORMATORI DELLO STUDIO DI PADOVA.

A Vendo veduto per la Fede di revisione,
& approbatione del P. F. Tomaso Maria
Gennari Inquisitore nel Libro Intitolato: *Differ-
tatio de Salivatione Mercuriali Physico-Medico-Mecha-
nica Bartholomæi Boschetti Vicentini*, non v'esser cos-
alcuna contro la Santa Fede Cattolica, e pa-
rimente per Attestato del Segretario Nostro;
niente contro Principi, e buoni costumi, con-
cedemo Licenza à Giovanni Radici Stampa-
tore che possi esser stampato, osservando gl'
ordini in materia di Stampe, e presentando
le solite copie alle Publiche Librerie di Vene-
tia, e di Padova.

Dat. 23. Maggio 1722.

(Francesco Soranzo Proc. Ref.
(Zan Pietro Pasqualigo Ref.

Registrato

Agostino Gadaldini Segret.



DE SALIVATIONE.

C A P U T I.

A R T I C U L U S I.

De Saliva naturali.



Uencumque opinor libenti animo latu-
rum, si ego ad salivationis historiam gra-
phicè pertractandam posthabitis tot eru-
ditorum conatibus, & studio accuratè
pro virili perpendam, quibus hæc viribus
innitatur, quibusve mediis illustretur, ut
illa ea contrahatur industria, atque bre-
vitate, ut non inultum possem inutili-
ter impendere tempus, si ulteriori in-
quirendi labore sollicito nova fortè mihi contigerit compre-
hendere experimenta, quicquid in hac mea disertatione po-
terit in dubio latere, ad eruendum accessita. Ea enim est re-
rum natura, hominumque peritorum fertilis industria, & in-
quirendi libido, ut argumenti ad historiam spectantis notitia
in dies priùs illustretur. Itaque ut augeatur ipsa, & eluceat
historia, (si fortè unquam omnibus absoluta numeris futura
sit) necessarium, aut perquam utile judicavi naturalis salivæ
artificium, ejusque morborum causas, qua fieri poterit dili-
gentia mea, non inani, ut spero conatu, ad trutinam priùs
revocare.

Inconsultiùs facere ratus sum, si proprietates, & salivæ usus
consti-

A

constituerem ; antequam ejusdem qualitates , & affectiones sub examen vocarem , quod ultimò alatum , ut concipiàm modò , satis ducor enumerandas eas esse maximè generales affectiones coactionum ; quæ ex diversis materiæ particulis in cujuscumque salivæ naturalia corpora abeunt . Atque ea propter operæ prætium fore existimo affectionum causas inquirere , antequam saliva ad ejusdem naturam solertiùs indagandam me alliciat .

Salivæ corpus itaque fluidum esse videtur eò in primis , quod consistat ex particulis , quæ dum se invicem in exiguis componentium corpusculorum superficieculis lubricis , atque lævibus tangunt , inter se invicem reptatum promovent : hinc indè agitatæ juxtà suas superficies adeò volvuntur , ut sui motus momento se diffundentes , aquæ ad instar liberè quaquaversum ferantur . Et sanè non negandum orbicularem molecularum figuram ad corporum fluiditatem plurimùm conferre ; interim verò cæteræ dantur qualitates salivæ , quæ diversas particulas arguere videntur , variè admodum , & aliquandò irregulariter figuratas , dummodò ingredientibus partes in corpuscula satis exilia dividantur , atque ad eam levitatem , & volubilitatem redigantur , ut ob molem suam fluidorum corporum particulis liber inter se ipsas motus non intercipiatur ; proindeque sint non tantùm volubiles , sed actu motæ , ut corpus fluidum reddatur , non quidem solo aggregato talium corpusculorum , quæ sphærica sunt , aut alia regulari forma prædita , verùm sola dumtaxat vehementi , & varia particularum illud componentium agitatione ; Quæ quoniam tactis corporibus adhærescunt , vel saltem partibus quibusdam turgent , quæ molecularum congruitate , ad particularium , quos tangunt , corporum poros relata , firma adhæsiōe per superficiem corporis labentes humiditatem impingunt , fluidus , & humectans liquor dici merentur . Si verò notionem humiditatis hæctenus explicatam sequamur , supererit adhuc unum quid , quod circa naturam fluiditatis nos instruit ; id verò est discrimen , quod fluido corpori , & humectanti liquori intercedit , quæ cum in multis conveniant , confundi perperam solent : cum omnis humectans liquor sit fluidus , non tamen quodve corpus fluidum humectet . Aer enim , æther , & ipsa flamma corpora fluida vocantur , atque

atque nitrum fusionem passum verus liquor est, hæc tamen corpora ea, quæ tangunt non madefaciunt; ex hoc deduco salivam aqueis corpusculis hæc illæc motis abundare, quibus exterior corporum superficies guttulis ipsius liquidis irrorari tota conspicitur. Si externi aeris contactu partes exiguum salivæ corporum in novum motum cieantur, quo volubilia illa corpora reciprocam ipsorum adhesionem impediunt, in rariorem seriem disponantur, & in aliud adhesionis genus, & partium complicationem ob quamdam viscositatem mutantur, ut in suarum superficierum lateribus se invicem tangant, facile in tenues illas membranas, quas bullas appellamus, contextuntur, adeo ut per crebras evolutiones, quas aer inter eas invicem partes ciet, sibi mutuò ita applicentur, ut super suas invicem superficies labantur, tandemque ob superficierum congruitatem in arctiori partium contactu mox evanescant; Qua ratione numerosæ declinantes superficies salivæ in multitudine parvulorum in convexo sphericorum, adeo contrahuntur in convexo plana aquæ superficie, ut superficiales earundem particulae nullis cavitatibus repletæ, aut sulcis divisæ plurimum lucis refrangent, ob quam radiorum lucis refractionem diaphanæ apparent, in quas vicissim aere subtiliori, & radiis solis coniectis, pellucidum satis corpusprehenditur. Verum quamvis minimæ huiusce liquoris particulae sibi invicem commisceantur, tamen aliorum corporum particulas facile admittunt, & cum duobus, vel pluribus junctæ non refugiant misceri absque fluidæ molis incremento, inter ipsas parvula inania intercedent, adeoque sub magnâ mole parva materies ita coalescit, ut corpus leve constituat. Præter aqueas partes lenitè juxta se invicem labentes adsunt moleculæ in saliva viscidiusculæ, quæ in illius substantia natantes coitum, & unionem quasi moliantur; unde ob irregularem agiliū illius partium vagationem hæc illæc incessanter dilabentium, & ob crassiusculas ejusdem moleculas aliarum celerem, & intestinum motum agrè ferentes, si non compacti, lenti corporis saltem naturam æmulantur; & cum salium ramenta sint in aqueis moleculis ad minima soluta, & intimè commixta, insipidi corporis succus salivaprehenditur.

Saliva igitur cum sit corpus humido, aqueum-tenue pellucidum,

cidum, lento-fluidum; insipidum distinguitur à pancreatis succo, qui humor tenuis aquæ fontanæ ad instar offenditur; cuius qualitates gustu perceptibiles juxta experimenta, & observationes Listeri, D. de Graaf, & Verheyenij falso acidæ plerumque attinguntur. Hinc differt pariter saliva à lymphâ, utpotè humor saliva tenuior, cum sit planè aquosus. Unde à salivæ commercio maximè excluditur crassum illud, viscidumque liquamen, quod à tonsillis, vel tussiendo, vel screando exprimitur, quodque extrâ orbitam sanguinis secretum in cavitatibus glandularum, palati, faucium, & narium abundantius accumulatur, ubi ab aeris perenni affluxu subtilioribus particulis, magisque mobilibus dicti humoris abreptis, crassior, magisque tenax portio relinquitur. Hic viscidus humor in narium cavernulis interioribus obductis membrana crassa vasculis sanguiferis densissimè referta, pluribusque obsita glandulis jugiter transudat; delatus ille per ramos arteriarum carotidum membranæ insertos ad glandulas omnes, à quibus cum recensita membrana suos processus extendat ad os cribrosum, & cuneiforme, atque illorum cavitates undique cingat, potest per cavitatem sphænoidis in fauces descendere, & à glandulis in nares copiosius emitti; cum membrana, quæ nares obducit crassior sit, magisque glandulosa, adeoque abundantiori humoris separationi magis apta. Huius muci pars magis aquea confertim extillat à punctis lacrymalibus, quorum ductus aperto orificio ad os turbinosum nasi exonerantur.

A R T I C U L U S II.

De causa materiali salivæ.

CUm igitur existimem salivam esse chili liquorem, ingenuè fateor, quod dubito; at cum magis sollicitè opiner, ut maiorem rationem reddam, cur modò non acquiescam in asserentibus à sero oriri salivam, nec in aliis docentibus à lymphâ; faciet illud fortassis ad hanc meam opinionem excusandam, si in virorum diversimodè sentientium congressu liber detur philosophandi locus. Ut itaque liberè loquar, quæ sentio, videtur mihi salivam generari potius à chilo, quam à sero, vel lymphâ succo chilofo restaurata: Quod fortas-

fortassè elucet ex animalium duorum, vel trium dierum inedia, quo temporis spatio nullus salivalis affluxus in glandulas confluit, in sanguinem non irrepente chilo, latice, non deficientibus interea in massa sanguinis, imò seroso aqueis plurimum auctis particulis. Quod si sanguis fame extinctorum spontanea analysi oculis subiiciatur, ostendet quidem partem gelatinoso nutritiam, & fibram sanguinis in auras evolasse, & consumptam; sed aqueo serosa pars in ratione quantitatis crassamento sanguinis quasi æqualis erit: quare multiplicata causa salivam fovente, in ductus glandularum confluat necesse esset salivalis humor, qui tamen in fame confectis, arescentibus glandularum folliculis omnino evanescit. Quippè serum sanguinis, & globuli sunt veteres, atque ægrè dissipabiles humores, qui à principio vitæ sanguinem conficientes usque ad ultimum senium vix mutationem suscipiunt; humorum itaque materia non sunt attritæ seri particule, & immutabilia fluida, sed sanguis chilo saturatus, qui simplici contactu sanguini commixtus universas glandularum, & viscerum lacunas alluens, solum in vasa excretoria impellitur, & peculiaribus suis officinis accommodatur. Sanctoriani statuta huic assortioni applicata, dum mensuram evacuationum exhibet, illam miris modis illustrat; inquit enim diligentissimus sanctorius non qualibet hora corpus eodem modo perspirat, quia ab assumpto cibo quinque horis circiter libram ex magna parte exhalare solet; à quinta ad duodecimam tres libras circiter: à duodecima ad decimam sextam vix libram. Unde maximum chili dispendium fit, cum totus chilus in sanguine recipitur, minima à duodecima ad decimam sextam, quia parum chili remanet dissipandum; at hyberno tempore quoniam hebetatur transpiratio, adeoque insensibilis dissipatio chili per poros cutis, augetur salivæ affluxus ad glandulas, igitur chilus est immediata causa salivæ. Nec dicatur cum Dimerbrokio chilum virtute quadam peculiari cor ingressum subito, ac vehementer rarefieri, ut in eo instanti vertatur in sanguinem, cum chilus eò diù cum sanguine circumferatur, ita ut tandem sub eadem chili forma extrà sanguinis orbitam extrudatur. Chilus in sanguine recenter cibato diligenter à Listero observatus, & ad multos dies custoditus sero licet ab ipso pluries commixtus non potuit adhærere, nec ut serum concreescere, sed tanquam

tanquam oleum ex aqua emerfit ; Sanguis inquit ex vena cuiusdam viri missus ad libram , ex toto albus instar lactis inventus est , ad hebdomadas integer mansit , nec fractus ut lac , nec in superficie florem , aut membranam habuit , aut acridinem contraxit , tandem in ampulla vitrea diu servatus putredine resolutus est . Sic in anse saginato animadvertit Steno succum nutritium in orbe sanguinis diu permanere chilum . In anse autem ad plures dies largo passu saginato super eius sanguinem missum rubentem , & in fundo vitri concretam candidus chilus fluitabat absque ullo aquosi feri inditio hæc Auctor ; Unde chilus dum in orbe sanguinis toties , & ad tot horas circumfertur , sua integritate conservatur , donec tandem in salivam confectus transmitti possit . Deindè cogitas vellim cum Listero quanta sit sanguinis in Ictero cum flavo colore affinitas , idest serum à quo alluentes humores bile infecti conficiuntur , tamen saliva nullo virore lutescens à naturali colore non deflectit ; porro quæ ab aqueo serosa sanguinis parte ad glandulas continuò ruentia , & rapidè discurrentia faciliùs in uberes excretiones facescunt , cum flavescente sero flavescent .

Verùm enim verò ejusdem salivæ principia examinaturus , nescio an fas mihi sit suspicionibus meis indulgere , ut cum aliqua certitudine gradus , & status salium determinentur ; quod ut dubiis fiat satis , cum multò majorem deposcat experimentorum laborem , quam nunc mihi vacat , invitat me ad analyticam Chymicorum diligentiam per ignem salivæ principia eruentium , rimandam .

Hæc enim immissa retortæ vitreæ non ægrè ostendet leni igne commota aquei vaporis prædominium , qui in auras per retortam ascendens , vel per alembicum expulsus , ab ignis calore dissitus , in fine vasis non coit , & insipido aqueum liquorem pressius unitus exhibet : Aucto exinde igniculorum gradu sequitur liquor tenuis , & magis spirituosus , qui est sal volatile in fluorem spiritus evectum , & oleo volatili intimè associatum , quod inertem , & viscidam massam in fundo vasis relinquit : ex cuius calce , ac lixivio sal fixum educitur , terrestrioribus remanentibus particulis , caput mortuum nuncupatis ; ut inde si qualia in mixto miscibilia existunt , educret ignis , saliva partibus aqueis magis saturata sulphureo salinis , terreisque particulis tantùm coalesceret , in qua aqueæ molecu-

moleculæ super alias prædominio potiuntur, & minima salium ramenta, oleosa, & terrestria corpuscula æqualibus mutuo nisibus licet quantitate, ac mole non æqualia invicem irretiuntur.

Varii generis salium particulas continere salivam, acidas nimirum, salino oleosas, insipidas deprehendit, qui maturitate consilii, constanti probata experientia à veritatis scopo minimè aberrat, dum investigandam solertiùs ipsius naturam sibi proponit, cum clarissimo Nuchio ab observationibus naturam petente in cap. sialographiæ, post earundem levem inter se commotionem cum alkalinis, cum acidis, tum spirituosus liquoribus salivalem laticum associari percipiet.

Paulò verò examinata, atque perpenſa maxima illius dissolvendi vi duriorẽ quoque corporum compagem, coalescat oportet activioribus salium principiis, salinis nimirum, sulphureis, urinosis volatilibus aquoso latice dilutis, quæ si Chymicis Paracelso, Ludovico de comitibus, Helmontio, Basilio Valentino sit præstanda fides, comparantur liquori alchæst, qui corpora in minima, seu prima entia resolvit; & ex eo liquore de universali menstruo participante, acidum, cui par in natura rerum difficile invenitur, solvens elicitur; quod licet insipidum videatur, mirè penetrans ita contactu suo ferrum corrodit, massam triticeam fermentat, tincturam Hellitropii rubeo colore tingit, ut obvium sit concipere salium quoque acidorum prædominium. Farina triticea cum aqua communi subacta in massam redigitur ponderosam, instar luti viscidam, saporis ingrati: Sin saliva inter subigendum adhibeatur, massa protinus effervescent mole intumescit.

Salis enim, ac sulphurum portiones in farinæ massa subsidentes ita viscosa humiditate obruuntur, ut se invicem non exigitent. Dùm verò acidæ salivæ particule in salia, ac sulphura impingunt, eadem in motum concitant: hinc aliæ ab aliorum motu exagitatæ longa subactione totam massam penſitantes, partes terreo-viscidas attenuant, & subtiliant, adeoque tumultuantes farinaceæ moleculæ incalescentiæ, & fermentationis motum suscipiunt.

At si compressis corporibus, & inertibus stimulum addit, summè mobilibus frænũ imponit, eaque coercet, ut in hydragiro longè patet. Quotiescũque igitur salivæ spicula salina aci-

na acidorum rigida, & acuta vi suæ gravitatis, & figuræ subeunt Mercurij infinita interstitia, exorta à solidis exilibus, & partibus sphæricis in puncto contactus se invicem attingentibus, earundem positionem, & in contactu directionis nisum dimovent, atque cunei vim in sphæroideas partes exercendo illas exacuant, fit ut pessundatæ globorum figura, & positione contactuum, diversæ resultent oblongæ, & ramosæ, ex quorum ad mutuos sui, arctosque amplexus dispositorum unione motus ipsius hydragiri obtunditur, & in corpus veluti fixum resultat. Quod si permirum fortè tibi videri possit salivam cunei vim exercere in Mercurij particulas, cogites vellim ab earundem ramositate; & figura, moleculas sibi mutuo irretiri posse, ut difficillimè sese extricare queant: quo à ratione minimè alienus videbor, si hoc ritè perpendens suspicabor, ob salinas salivæ moleculas oportunà sui interpositione Mercurij partes in crassiora longè corpuscula redactas secundum latiores suarum superficierum portiones sese contingere, quæ tangentia corpuscula variè hùc, illuc, hac, illac volutata ad totalem divisionem, aut divulsionem minus saltè, dùm apta redduntur, post varios occursum, & recursus, superficies ob latitudinem, & figurarum congruitatem ad cohæsionem mutuam uniuntur, quæ ubi semèl hunc in modum cohæserint, majoris contactus secundum superficierum proportionem rationem habebunt; quorum coalescentium corpusculorum partes, cum à gravitate aeris premantur, urgeanturque, nec à vi ætheris intus utprius agitentur, mutuo sibi adeò adhærent, ut licèt specificæ gravitatis proportionabiliter minores sint, ex grandioribus quidem ob molis suæ crassitudinem corpusculis constant, quibus major superficierum scabrities eas adeò adunat, ut totali divisioni resistent, donec intensior ignis, aut vehementior agitatio hanc mutuam partium cohæsionem dissolvat.

Quoniam saliva cum solutione Mercurij sublimati, & Jovis mixta ceruleum colorem ad album tendentem acquirit, ut idem prorsus efficit aqua fortis, inducitur clarissimus Balgivijs, ut credat salivam continere in se sal nitro salinum universali analogum, quo potenter sublimati chrystallos penetrando eosdem fundit, ac exolvit; sed hic non desinit actio salium salivali liquore inhærentium; nam non minus dissolvendo

vendo sulphura instar alkalium, quam in modum aquæ salia eliquando illum dices cum Taury, Helmontio, & chymicis menstruum universale, cum quibus si aliorum auctorum effata circa materialia principia salivæ in unum cedere fas sit, ex omni genere salium conflatum, quod intra reclusos corporum meatus, omniumque alimentorum poros coercitum, valeat omnes resistentias, & partium cohesionem tollere, quæ aquoso tantum menstruo reluctarentur.

Statuto salino principio per stultorum æquè, ac sapientum magistram experientiam tandem sapere disco, & serio iterum cum Dolæo, Sylvio Deleboe, & aliis in saliva multum aquæ, parùm spiritus volatilis, & minimum salis lixiviosi cum olei, spiritusque acidi tantillo mixti, temperatique considero, à quibus non discrepantibus Balgivio, & Gugelmini nitro tartareas moleculas in recessu constitutas ulterius addo, ex quo licet plures salium particule in salivali fluido innatantes mixtura una coeant: salina tamen corpuscula ita intrà semet complures exiguas aquæ particulas intercipiunt, ut proportio salium ad aquam sit minima. Hinc à varia utrinque corpusculorum allisione inter sese mutuò molant, atteruntque, ut in tam exiguas comminutæ particulas, in tam tenuia latera, angulosque adeo levi acutie donatos ab aqueis linguam humectantibus dissolutæ, ita agitari possunt, ut licet pluribus salibus refertæ ob summam exilitatem in ipsos organi poros insinuando se se angulorum acuminibus, membranosas partes juxta variam salinorum miscibilibus, figuram, & molem variè, leniterque titillent. Hæc enim mixtura à salibus diversi generis in aqueo serosis moleculis intimè dissolutis conflata nullum saporem habet, ut intrà nexus corpusculorum saporum excepta diversas saporum percipiendas sensationes gustus organo exhibeat, quo medio saporum demulcedine, suavisque saporis substantia oblitus, & asperioribus salibus collisus, mollis texturam, ingrati que saporis impressionem comprehendit.

ARTICULUS III.

De causa efficiente salivæ.

IN tenebris latitabant lymphæ ductus ob subtilitatem aciem oculorum eludentes, quousq; benignioris auræ afflatu contigit summo Anatomicorum Bartholino, adeò tam lynceo, ac manus adeò agili orbi erudito illos patefacere; at primo intuitu ignorata eorundem mechanica structura ob tenuem substantiam araneorum telas emulantes, sancitum fuit, vehi lympham à corde, tanquam à centro per lymphaticos canales ad partium circumferentiam, cui errori quam plurimi innixi salivam emanare à rorifero quodam succo per lymphatica vasa ad glandulas trajecto, commenti sunt; sed Bilsii dogmate de hoc motu lymphæ à Ruyschio expulso, ipsique valvulas pertinacissimè neganti ad oculos demonstrante, quæ ubique geminæ, & semilunares situ suo impediunt, ne lymphæ per eorum meatus ad glandulas excurrat, canuit hoc apud homines commentum. Anathomiconum diligentia per cultrum adeò Anathomes culmen pertingit, ut insudandum non sit pensitandi viarum ambages salivæ ductuum, cum hæc vasa cuicumque in Anathome initiato se se manifestè declarent. Fluit saliva à diversis glandulis, tanquam totidem vivulis in oris cavum, quæ indiscriminatim, & variè implantantur. Primi generis sunt glandulæ buccarum, & labiorum, quorum ductus excretorij intervenientibus fibrillis à membrana buccas succingente emanantibus arctius conglomerantur, quibus in superficie tunicæ compressis humor salivæ in os exprimitur. Addit hiis Steno sublinguales, ad utraque ligamenti latera linguae sitas, quorum excretorij canales ab exiguis radicibus enascentes haud in truncum coalescunt, sed tractu parallelo à lingua versus gingivas tendentes ad digiti transversii ferè à dentibus distantiam ostiis exilissimis in oris tunica exonerantur; accuratior nihilominus Gasp. Barthol. investigatio ostendit vasa hæc non à sublingualibus, sed ab aliis glandulis, illisque aditis germinare; à sublingualibus verò ductus binos nasci, qui in ductum communem coalescentes propè ductus VVarthofiani ostium in os hiant. Hinc

occur-

occurrunt palatinæ, quarum glandulosa productio mediantibus exilissimis, & innumeris excretoriis ductibus palati tunicam perforat, & quasi cribrosam reddit in postica parte palati occurrentibus. Accedunt tonxillæ in faucium extremitate sitæ, quarum sinus ex canaliculis minoribus coeuntes in os hiant, quibus annumerantur uvula, columella, & gurgulio. Quæ verò extrâ os, sunt parotides conglomeratæ circâ auricularum radicem implantatæ, quarum excretoria ex pluribus glandulis, & ramusculis in unum coeuntia obliquè descendunt, & osculo satis amplo propè labrum inferius terminantur. Adjungitur glandula maxillaris interna sita interiùs sub maxilla inferiori, cujus ductus musculos ossis hyoidis ingreditur, & desinit propè dentes incisores inferiores inter gingivas. Hiis subnectitur ductus salivalis à Nuchyo divulgatus, qui glandulis in orbita oculi ex pluribus furculis in unum truncum coalescentibus emergit, & non procul à Stenonis ductus ostio rectè descendendo super os maxillare in os dehiscit. Infinitæ aliæ extant glandulæ in toto palato per compressionem conspicuæ, quas hic recensere operæ prætium non est.

Qua lege salivalis humor per recensita vasculorum excretoria in os eructetur, res est summa opinionum controversia exagitata, sed nondum fortassè juxtâ naturæ leges explicata. Ut res hæc secretionis dignitate amplissima, explicatuque difficillima à minus incerta hypothesi sibi ex necessario ordine succedenti deducatur, animus est spectare oculis externam, internamque glandularum habitudinem, mihiq; constitui occasionem ultrò obvenientem arripere, ut illa saltem indicarem, quæ à peritis rerum Anatomicis intelliguntur, quæque earum existimatores explicantes, in glandularum structura penitus fidem meam extorquent. Ruyschius in prodromo sui thesauri Anatomici sexti opinatus est, cui consentit Heisterus cum Verheyenio glandulam esse congeriem vasculorum, arteriarum, venarum, & nervorum inter se certo ordine circonvolutorum, cum ductu excretorio conflata, & quorum extremitatibus, lateribusque alia minima vasa ortum ducunt, quæ ita inter se implicantur, intexunturque, ut explicatis pluribus ramusculis in glandulosum corpus efformentur. Hæc vasa tandem infinitis revolutionibus invicem coalescunt, quæ secretoria nuncupavit, quæque omnia una cum

nervo peculiari membrana induuntur, ut secundum positionem dictorum vasorum membrana ipsa accommodetur, ne vasa dimoveantur à debito situ ad humoris secretionem necessario. Dicta vasa secretoria in unum truncum coalescentia excretorium vas efformant. Diligentissimus enim Anathomicus docet illud esse merè vasculosum, quod glandulosum ab Anathomis nuncupatur, tali experimento innixus, videlicet particulam corticalem cerebri accepit, quam postea capillo suspendit in aqua modicè calida, digitis illam cerebri corticalem particulam sursùm deorsùmve dimovens, donec laxatis inter se vasculis conspicerentur filamentorum ad instar. Qua propter juxtà Ruyschium glandulosum corpus nil aliud est, nisi vasculorum congeries, quorum ramorum series glandulæ fabricam indigitantium fuit clarissimo Stenonio ante Ruyschium indicata. Malpighius verò in sua epistola ad societatem Anglicanam de glandularum structura differens statuit glandulas conglobatas vesiculares esse, annuens dictas glandulas cavitatem membranofam manifestè habere; Unde tam in humano corpore quàm in diversis brutorum corporibus periculum faciens, glandulosum corpus simplici membrana compingi testatur, intra cujus cavitatem retis ad instar vasa sanguinea vagantur, quæ cum non parva nervorum ramificatione glandularum structuram efformante contorquentur, revolvunturque, à quibus vasculorum convulsionibus glandulæ cavitatem efformantibus aliorum canalium ramusculi hiant, ex quibus demùm canaliculis aptè in unicum spatium confluentibus deducit Malpighius glandulam nil aliud esse, quàm visciculam quamdam membranaceam, intra cujus cavitatem vasa sanguifera reticulari modo unà cum nervis locantur. Viscicula hæc glandularis fibris carneis consistit, quæ postea orizontaliter ipsam penetrant, tandemque cum sanguiferis vasis, nervorumve filamentis amiciuntur, ut surculi variè contexti in debita crispatione, & necessario tono detineantur. Cavitatem in dictis glandulis viscicularibus premissa priùs harum partium maceratione se vidisse testatur ipse Malpighius, & præcipuè in glandulis præternaturaliter constitutis, quam pluriès vidit glutinoso humore, & interdùm tartarea materia refertam; ex hoc statuit provenire diversum glandularum colorem, ex diverso humore in ipsis glandulosis cavitatibus stagnante, quod

quod confirmat se secùs vidisse in sanis corporibus, ac in cadaveribus præcipuè hydrope correptis; indè diversitatem coloris in glandulis minimè arguere diversam glandularum substantiam, sed ex humoris diversa natura in ipsis glandulis morantis potiùs oriri ratus est. Bellinus autem naturæ forsan exigente necessitate putavit formari glandulam posse si à summo ramo arteriarum, vel etiam à quacunque parte ramorum aut trunci deducatur canaliculus non conicus, nec emittens ramos, sed cylindricus vel advolutus in spiram, vel plicatus in plicas, tum etiam neque intortus, nec plicatus, sed extensus per longitudinem, per quam sive plicatus sit, & intortus, sive explicatus, & directus, sit ejusdem amplitudinis, & sine ramis, at demum abeat in canalem ampliorem cum vena continuum. Insuper influat per ejus longitudinem sanguis de more, & ex universa interna superficie canalis originem ducant canaliculi alii hiantes in cavitatem ejusdem canalis, quales ab interna superficie intestinorum originem ducunt venæ lacteæ hiantes in cavitatem eorundem: & quemadmodum hæc per totam longitudinem intestinorum feruntur ad exteriora, & intrà intestinum per mesenterium ducuntur, quo usque confluant omnes in unico alveum lumbarem: Ita canaliculi illi hiantes in cavitatem arteriæ intorta extrà membranas ejus feruntur per pelliculam aliquam quæ & ipsa, & canalem ex quo derivantur, aptè liget, & sistat, & in communem aliquam cavitatem deducat. Hoc glandularum artificium per Bellinum totum consistit in quodam textu arteriarum, qui circa singulas quasque glandulas admirabili revolutione sibi millies occurrenti invenitur, prodigioso quodam modo implicatum, & veluti reticulatum opus constituens, quod innumeris filamentis in modum retis consutum post infinitos fibrarum intersecationum occurfus in glandulas facescit.

Ego tandem opinarer cum Ruyschio, & Bellino glandulas esse vasculorum complicationem, certo ordine dispositorum, quarum reticulares contextus sint plexus canalium sanguinem vehentium, sed ita coordinatorum, ut sanguis post superatis plexibus retiformis, antequam infinitis ramulis corpus glandulæ penetret, dividatur in tenuissimos canaliculos, à quibus protuberant oscula sccernentia in ipsius glandulæ cavo hiantia, qui postea inflectuntur, & demum curvatura superata sese contorquentes in venarum ramusculos facti majores abeunt. Fateor enim circà glandularum structuram, earumque excretorium ductum non adeò datum esse labores impendi, & ita
obscu-

obscure patet cultro Anathomico via in dissecandis glandulis, ut minimè negotio adiges si cultros utaris; unde sciendi infortunio inter partes nostri corporis glandulæ tantum cultri Anatomici dexteritatem eludere videntur. Interim verò minimè perterriti, illarum præparationem mihi licuit maceratione cum diligentissimo rei Anatomicæ Amico, quasi ad finem usque rem perducere; at nec ipsa certioribus factis alicujus tincturæ immixtione per vasa arteriosa obvium nobis fuit aliquid de earum structura percipere. Reposito autem pancreate in aqua per plures dies, illud maceravimus, postea deducta ipsius peculiari succingenti membrana, iterum in novam aquam reposuimus, quod tandem intra aquam agitavimus, & postea bacillo ligneo supra tabulam ipsum percussimus, donec intra aquam denuò agitatam perpulcrè oculis exhibuerit tot filamenta variè contorta, quot obtutum effugere potuere. Simili ritu periculum fecimus de pancreate aselli, nimirum de glandula illa magna, quæ in mesenterii canini centro tantum reperitur. Hæc glandula elegantiori spectaculo sua innumera filamenta patefecit, non secus ac testium fibrillarum, contorsiones, quæ propter suspicatus glandulas compingi ex vasculorum congerie, à qua dicta filamenta ortum ducunt, instituta denuò glandularum Anathome ulterius indagando animus fuit, arteriæ progressum in corpore glanduloso expiscari, & per quantum datum fuit observare, arteria in plurimos ramulos scindebatur per totum glandulosum corpus simul cum nervo, qui majori largitate se expandebat in infinitos ramulos, donec oculorum aciemprorsus eluderet. Vena pari incessu vagabatur sicut, & arteria, è cuius lateribus infiniti surculi exoriebantur, qui vario modo, & ordine invicem contorquebantur, donec amplius minimè licuit observare, an dicta filamenta sint vasa distincta ab arteriis, & venis, an arteria ipsa degeneraverit in tot illa filamenta, quæ jucunda admiratione spectabantur. Attamen suspicor facillimè arteriam in filamenta degenerasse, ut penitus ab arteria ipsa in infinitos ramulos divisa illa filamenta tubulosa extenderentur, vel à lateribus vasis arteriosi proficiscerentur, à quibus filamentis tot efformantur arteriolæ tam exigui diametri, & ita tenues, ut inspicientes oculos effugiant. Igitur à vasis arteriosis filamenta illa, sive arteriolæ enascuntur, à quibus

quibus variis circumvolutionibus corpus glandulosum compingitur, nimirum arteria primò scinditur in plurimos ramulos cum nervo comite, & vena, indè ab arteriosis ramulis filamenta illa minima protuberant, quæ post varias revolutiones in alia vasa minima degenerantia secretoria vasa efformant, è quorum indè coalitu commune secretorium fulcitur. At mirum est quomodo filamenta locentur, quem ordinem servant in eorum circumvolutionibus, quo itinere nervus per dicta filamenta se explicet; decussantur enim invicem in suis flexionibus, & nervus semper arteriam comitatur in ingressum glandulosi corporis, & in primis arteriosis divisionibus ingreditur, ultrà quam partium exilitatem minimè licet oculo intueri.

De hujus filamenti vasculosi contemplatione, ut certior fierim, in arterias meseriacas per aliquot dies maceratas croceam tincturam injeci, & statim illa, quæ filamenta nuncupavi, flavo colore tingi conspiciebantur, quod fieri non potuisse videtur, si filamenta illa ob arteriæ meseriacæ ramulos tinctura inflatos non flavescendo turgerent: ex qua eleganti meditatione fateri egor filamenta illa ab arteriis enascentia totum quasi glandulosum corpus efformare. Hæc omnia fideliter observata Ruyschianis experimentis maximè conveniunt. Quantum autem ad ea, quæ spectant ad observata Malpighii, timeo clarissimum virum in lapsum humanitatis incidisse, scilicet intra vissiculam membranaceam vasa retis ad instar locari quidem, annentem; at id quod vissiculolum nuncupavit Malpighius, membranam, vasa, & filamenta intelligerem; cavitatem verò & interstitia ab ipso Malpighio observata, suspicor ipsa glandularum inania præternaturaliter, seu morbosè fuisse constituta; ex quo cum Pitcarnio deduco inter arteriam evanescentem, & nascentem venam, nullum intercedere spatium, quod possit aut pro partium poris, aut pro glandula haberi, nec interjacet glandula media inter venam, arteriamque, orificiis, aut poris, figura diversis instructa: sed glandula illa secretionibus dicata, est pars eorum canaliculorum, qui nervum, venam, arteriamque efformat: idcirco ab arteriarum ostioli oscula venarum protuberant cum arteriis continuata, quarum venarum furculi arteriæ flexu versus cor replicatæ videntur.

Inve-

Investigatis instrumentis, in quibus elaboratur animalium secretio, excogitandum est naturæ artificium, quo illa utitur, ut secernibiles humores à sanguinis consortio, extricentur. Steno salivæ à sanguine secretionem explicaturus, fingit venarum contractionem glandulis inhærentium à nervis hac ratione datis, ut in contractis venis sanguinis motu moram trahente serosior ejus pars in glandulas transcolaretur. At hanc mechanices disciplinam non curans, aut contemnens doctissimus vir curiosam investigationis ideam, nullæ tamen ni fallor demonstrationi innixam pensitavit, cujus ingeniosissima opinio illis placuisse videtur, quibus explicandi ratio juxta mechaniciæ leges non arrisit. Si attendatur cum Borello venam arteriæ comitem esse duplo majorem secundum diametri dimensionem, concipietur fieri oportere, ut à nervis non possint ita coarctari oscula venarum, ut evadant arteriarum diametro minora: unde influat necesse est dato impetus momento sanguis per ora venarum non tanto obice restrictionis contrahente, ut retrò urgeatur. Immo si arteria cum comite vena sit continuatus canalis, ut demonstrant cum Pitcarnio ingeniosissimi Anathomici fieri non posset, ut nervorum filamenta per venarum tunicam distributa continuatis fibrillis per arteriam non dispergantur (si septum aliquod interfinientem arteriam, & incipientem venam non intercedat, quod secet fibras arteriarum in longitudinem extensas) quibus brevioribus factis; & in contractione detinentibus venam, simul arteria constringitur, quo vel nulla fit secretio, vel minimè hac ratione major.

Alii ut facilius ineant negotium, fermentum in glandulis intus hærens salivales humores elaborans somniant. Namine fermenti hic intelligitur motus intestinus particularum mixti, quæ propria vi motiva in motum concitæ, vel alterius corporis advenientis impetu rotatæ sese mirè exagitant, ex quarum mutua turbinatione subtiles, & minus inertes sese quaquaversum explicant, quæque tamen à crassiores implicatæ usque adeo detinentur, donec crassior res partes à subtiliorum nisu plurimum subactæ, singulæque ad gradum exaltationis evectæ dissolutionem, alterationem compleant. Hanc actionem fermentativam clarissimi viri mordicus defendunt in glandulis operantem, & ut facilius in
 curam

tutam semitam inciderent, cuicumque glandulæ peculiarem liquorem ingenitum assignant, qui in animali primo nascente in diversas glandulas fertur, insitæque vi ratione suæ congruentiæ jugiter in iisdem glandulis permanens sanguinis partes per has glandularum angustias delatas confestim immutat in suæ indolis fluidum; quam opinionem convellere oportet, atque aliam in re rationem, si theoriâ secretionis per se nobilem, & philiatris necessariam ab abjectis conjecturis, foedæque hypotheseos inconstantia vindicare exoptamus. Actio fermentativa si in homine detur, potest quidem motu illo intestino, remota particularum cohærentia, mutatisque gradibus nifuum diversum cohærendi modum producere in mixtis, partiumque ætherogenearum unionem dissolvere, ita ut corporum minima componentia non nisi in simplici contactu se tangant; atamen hoc pacto fluidorum subactæ particulæ, ut deferant contactum aliarum molecularum, quæ secernendæ non sunt, & in unum coeant (cum in fluidorum natura non ita facilis excogitanda sit attractio, ac electrica vis) nova causa diversa à succo fermentativo requiritur, quæ esse non potest nisi determinatus impetus sanguinis, & gravitas specifica fluidorum cum solidorum viribus, & consisu proportionata, à quorum mutua vigoratione ab invicem rotatæ particulæ separari possunt. Non exigui sunt momenti, quæ Borellus de motu animalium contra hanc fermentativam secretionem adducit. Quoniam sanguinis moles non coalescit ex indivisibilibus, sed molecularis quantis figura diversis, oportet, ut ex intestino mixti motu & vertiginosis motionibus agitata, atque contrariis rotationibus concussæ ebulliant, rarefiant molecule ipsius mixti, utque loco cedant advenientibus particulis, & motu contrario rotatæ accurrant ad replenda loca ab exeuntibus relicta, qui vertiginosi motus ebullitionis, commotionis, & expansionis in fluidis fieri nequeunt, nisi aliæ particulæ super alias excurrant, quod certè, natura licet subtiliter agat, in minimis, & subtilissimis arteriolarum filamentis in circinos glandulosos convolutis fieri non posse videtur. Quare absonum est sub rapido, & cæleri motu, quo sanguinis massa per fistulas glandulosas propellitur, ejusdem moleculas ab insito glandularum fermento subreptas ebullire, atque rarefcere.

Concesso hoc fermento urget Mechanicorum decus Bellini

C

Si

Si una quæque solutio fieret per peculiare fermentum suum; hoc ipsum fermentum vel repararetur ab aliquo liquido animalis, vel non: si ab aliquo liquido, cum à se ipso reparari non potest, indigeat oportet alio fermento, & hoc ipsum altero usque in infinitum: si verò non reparatur ab aliquo fluido, erit igitur insitum momento generationis in aura seminali contentum, quod cum per totum vitæ spatium absumi non potest, erit per illud tempus ingenerabile incorruptibile; sed alteretur fermentum glandulis peculiare, uti in læsis secretionibus sæpè videre est, cum à se ipso in naturale fermentum restitui non possit, ab alio reparandum erit, & hoc ipsum ab alio reficiendum: ecce infinitas fermentorum. Si verò per totum vitæ spatium alterari non potest, antequam moriatur animal nunquam vitabitur perluentium humorum secretio, quorum immutabilitatem observatio practica redarguit.

Verum qui hanc de fermentis hypothesim amplexi sunt, ultrà quod in circulationem sanguinis blaterant, cum ab insito glandularum liquore sanguis præterfluens aliam induat naturam, coguntur re ipsa profiteri, corpora fluida in contactum nitentia, sibi que cohærentia in alium abire compositum non posse, nisi mutetur partium se invicem involventium cohærendi modus, ut à primo contactu removeantur, vel in prima positione obliquè vel perpendiculariter posita per directiones suorum motuum non sistantur, ex quibus demùm fit, ut (nisi in contactum determinati gradus, & determinata positione particularum in lineis suarum directionum plurimum mutata) dicendum sit cohæsionem primam eorum corporum in aliam cohæsionem à prioris cohæsionis vi diversam abiisse: Nam eorum directiones sunt ab invicem variatæ, nec ipsa corpora persistunt ad contactum in ipsum primò nitentia, non solum per lineas motus, eodem modo, ac primo ad invicem positas urgentia. Quoties igitur liquidum immutandum erit in aliud liquidum, fermentum, ut cohæsionis vis mutetur, debet directionum motus, & nisus in contactum imminuere, vel augere, nec poterunt partes cohærentes momentum suæ cohæsionis mutare, nisi præstò sit corpus ferrenti, quod intimè sese partibus in contactum nitentibus, & inter se cohærentibus immiscendo, easdem à linea suæ directionis,

nis, à gradibus nisuum in contactum urgentibus, atque à contactu primo dimoveat, ut in majorem, aut validiorem quocumque modo diversam cohæsiõnem illas urgeat, quod cum requiratur admixtio fermenti in particulas fluidi, per illa vascula se rapientis, nisi determinetur à diversis solidorum, & pressio- num momentis à circumpositis fibrillis in motum constitutis, fermentatæ molecule eodem directionis motu in glandulas sisti, itant in ipsas particulas allidens mutuo cum impetu facultas non sit major illarum momento, non poterunt licet in fermenti naturam mutatæ in glandulis sequestrari.

Quod si sufficiant solidorum impulsus, & diversæ circumpositarum fibrillarum pressiones, ut cohæsiões particularum occurrentium mutantur, qui fiat, ut tanquam necessarium constituatur ad animalium separationes fermentum ? sufficere autem ad cohæsiõnem partium removendam suadet facultas illa, qua mutuo invicem cohærent miscibilia, quæ licet contrarietens cordis impulsui, solidorum oscillis, fibrarum circumprimentium connisi, cum tamen sit minor illorum momento, non poterit in eadem positione, & contactu fluidi corpuscula detinere.

Ut evidentiùs ratio mechanica pateat, qua cohæsiõnis mutationi, & contactus remotioni facultatem illam contrariantem viribus impellentibus, & atterentibus resistentem ab iisdem superari ostenditur, inquirenda est causa illius resistentiæ, quæ à corde superatur, cujus vis motiva musculi cordis juxta celeberrimi viri Borelli calculum, cum superet suo momento resistentiam totius sanguinis arteriarum, & fasciarum, earundem dilatationem impredientium, non solum major est vi ponderis 18000 librarum, sed ejus absoluta vis musculum constringens, in quo à fibris cordis quasi ad mutuum contactum devenientibus compressa fluida ad minima dividuntur, atterunturque, ad totalem vim, qua sanguis in arteriis expulsiõni resistit, eandem proportionem habet, quam unitas ad sexaginta; cujus demonstrationis calculus, licet non evidenti demonstratione ostendatur: tamen si mensurentur resistentiarum aggregata, quæ sanguis patitur, dum fluit per angustissima capillamenta gracilescentium canalium, in quibus nulla serè pars contenti liquidum est, quæ non per-

veniat ad usque contactum superficiei canalis, quæque per brevissimum canalis vectem dimoventur cum maiori resistentia, quæ crescit tum quia liquidum fluens per angustiores canales plures contactus invenit, cum ut constat ea Geometricis superficies minoris canalis major sit, quam superficies maioris pro ratione molium, tum quia sanguis fertur per mille flexiones varias canalium, qui illic texuntur in rete, hic in spiram circumvoluti incurvantur, mirisque modis implicantur, in quorum singulis flexionibus novam semper patitur resistentiam, exerat cor oportet tot vires in singulis contractionibus suis, quot sufficiunt ad superandum insignem resistentiarum cumulum, quæ cum iisdem arteriis contrariantibus sanguinis à vi cordis superentur, dum sanguis per exilitatem, & ramificationem vasculorum suprâ omnes resistentias à cordis contractione truditur, facilius me allicio quamquam tædii, ac laboris impatiens, magis diligentia, atque aliorum industria, quam mea instructus ad internam cordis fabricam perpendendam, quod perinde est, ac naturam, & vires causarum, quæ ventriculorum contractionem producunt ad examen revocare: in quorum constrictionibus cum actio cordis tota consistat, sufficiat ventriculorum nisus considerare, qui dum contrahuntur sanguinem eorum constrictione prementes partem eorum motus ipsi communicant, ob quam impressionis, & motus communicationem sanguis movetur, urgeturque in circulum. Impressionis igitur motus integris cordis viribus debetur, quæ ventriculorum viribus separatim sumptis debent esse æquales: at ventriculi sinistri vires, ni fallor, ut inquit M. Furin in Biblioteca Anglica Gallico idiomate conscripta, vim ponderis novem librarum æquant, illæ dexteri sex; igitur integræ cordis vires minores non erunt vi ponderis 15.^m librarum; igitur sanguis licet non propellatur, & urgeatur à vi juxtâ Borellianum calculum determinata, movebitur tamen à vi 15. libras æquante, qua pressionibus cordis subiicitur, & à vivido fibrarum suarum elatere ad partes propellitur.

At quoniam cordis vis quæ determinata est nequit impetum illum sanguini imprimere, quo ipse sanguis superare omnino possit tot implicatorum vasculorum resistentias, per quas canalium circumvolutiones perpetuo fluit, refluitque, nisi pre-

stet.

stò essent aliæ facultates motrices, quæ novum suprà fluidas particulas momentum exercerent: Proinde in cordis subsidium omnes fibræ ut parui vectes syltaltico motu, & pressioibus liquida in gyrum pellunt, & ulteriùs urgent; ab hoc igitur tum solidorum, tum fluidorum impulsu, & connisu poterit cohæsionis vis immutari, aut nîsus particularum in cohæsi-
nem nitentium planè tolli, & si non admittatur imaginari-
um, atque comentitium chymicorum fermentum.

Verum quàm dubio, & infirmo fundamento innitatur quis-
quis fermentis hisce suffultus secretionis opificium enucleare
satagit, concipitur à sanguine in motum agi ulla fermenta-
tione non posse. Quod autem sanguis à fermentatione non
moveatur, ex eo evincitur quod spiritus ardentes in distilla-
tione non exhibet, acres quidem, & urinosos, sed oleosos,
atque ardentes omninò nullos. A solo itaque aeris elatere,
& spirituum animalium irradiatione cor excitatum in circular-
rem motum cum pulsu arteriarum sanguinem exprimit: at
non intestino motu ebullitionis, & effervescentiæ illum exa-
gitat, si nomine ebullitionis non intelligimus motum illum,
quo sanguis ab axe ad latera, à parietibus allisus ad axem va-
forum repellitur, ut sus, deque in vertiginem agatur, quæ
sanè ejus incallescencia, atque ebullitio si intrà vasculorum
ductus ob fermentationem excitaretur, ab incisa vena protin-
ùs emicaret. Quod si sulphur inesse aliquod sanguini innuas,
ut unum ejus fermentationis principium, cujus particulæ sul-
phureæ indefinenter in corde accensæ totius vitæ nostræ curri-
culo effervescentias renouent, utque in tenuissimum spiritum
dissolutæ cum aliis liquoribus exaltentur, aliqua febrili in-
flammatione, ubi sanguis ex toto accenditur, enormiter exal-
tatæ, immò ab ista conflagratione in undequaque gliscentem
flammanì adactæ, si per biduum pabulum nutritium huic
flammi deficeret, cum quod semel fermentavit, fermentatio-
nis motum non ineat amplius, deberent spontè quiescere,
quod cum non contingat dubietatem fermentorum prorsus de-
monstrat, & eorundem utilitatem pulcrè convellit.

Explosa ut minus rationi consona fermentorum hypothesi
in medium producta, nec illa vetus scholarum sententia,
qua glandulæ per facultatem attratricem secretiones à sangui-
ne promovent, vel per electricam vim humores separant, ad-
mitti

mitti potest per saniozem philosophandi rationem ; nam sanguis à partibus non attrahitur , sed vi cordis contractili , & vasorum ressilitione compressus ad partes propellitur .

Pitcarnius. verò cui nec chymicorum fermentum , nec mechanicorum cribrum arrisit , sed mechanica magis , & Geometriæ nuper recepta conformior explicandi ratio , secernendum liquorem à sanguinis consortio , hac arte contrà cribratores directâ determinatam in glandulis exposcentes figuram expedire conatur , quæ ferè tota in hoc sita videtur , quod si fluidum vi impetus gravitatem ipsius fluidi superans in cavitatem tubi adigatur elastici , & facilè cedentis , orificium ipsius tubi in circulum abeat : cum impetus fluidi æquali vi per lineas longitudinis tubi , & ad latera ipsius perpendiculares expellat parietes ad æqualia undique à dato axis puncto intervalla , quæ æquale impetus momentum sustinendo paria evadunt . Si fluidum magna vi hoc est fluidi gravitatem multum superante in cavitatem tubi adigatur manifesta ratione evincitur , & multiplici experientia confirmatur , motui tubi in longitudinem coniungi semper impetum in tubi latera perpendicularem , qui ipsa ab axe motus undique nititur extorsum propellere , idque vi æquali : quia nulla fingi potest ratio , quare maior esset versus unas partes , minor versus alias , nisi quæ à partium fluidi gravitate peteretur , quam nullius momenti assumpsimus præ magnitudine alterius vis fluidum impellentis , & si latera sint flexilia , elastica , & facile cedentia , tum fieri non potest , quin effectus suos consequatur impetus , expellatque latera ad æqualia undique à dato axis puncto intervalla , eaque tantæ longitudinis , ut diductorum laterum tensio , & elasticitas sustinendo impetus momentum jam pares evaserint , quo casu quam primum induisset figuram tubus , & postmodum in aliam mutabitur , cuius sectiones omnes ad axem perpendiculares necessariò erunt circuli maioris vel minoris diametri , prò maiori , vel minori fluidi impetu , laterumque maiori , vel minore flexilitate in diversis tubi locis . Tales verò flexiles tubi sunt vasa corporis animalis universa per quæ cordis machina fluida omnia propellit ea vi quæ propulsorum gravitatem longè superat hæc Pitcarnius . Cum igitur sphæra sola sit inter figuras solidas , quæ datum orificium pertransit quolibet situ ad illud delata , & solus circulus sit inter figuras planas , qui admittit cuiuscumque figuræ corpus , dummodo diameter corporis non sit maior diametro circuli , deducit fluida , quæ separanda sunt nullam deposcere figuram sibi propriam , & constantem ,

stantem, cum glandulæ circulares ex se cuicumque figuræ fecernendæ accomodentur, dummodò vires cordis impellentes ad occursum orificii collesionem partium fluentium tollat. Expendamus modo ingeniosissimum quidem tanti viri ratiocinium. Quoniam impetus fluidi in aliqua cavitate contenti, ad hoc ut ab ipsa axe æquali vi undique nitatur extrorsum propellere tubi latera, exigit, ut motus fluidi, quo impellitur per longitudinem tubi, æquet impetum ad tubi latera perpendiculararem, qui impetus ab axe ad parietes tubi perpendicularis æqualis esse non poterit motui tubi in longitudinem, quotiescumque motui fluidi in longitudinem opponuntur, & hiant ductus aperti (quos Pictearnius in demonstratione non supposuit) qui fluido concepta vi in cavitatem tubi adacto egressum cedant, sit ut dempta plenitudine, & totali inflatione ipsius tubi, impetus fluidi ad latera nitentis eludant; ex quo colligitur in glandulis nullum fieri à sanguine impetum, ut diducantur latera earundem in circulum æquali motus rectæ vel obliquæ directionis momento: Cum fluidum in cavitatem glandularum propulsum transeat per diametrum orificij non majorem diametro canalisi excretorij, non erit majoris molis, quàm quod poterit perductus illos eliminari. Verum licet corpus glandulæ, ejusque orificium ex tunicis distractilibus, & facile cedentibus fibris coalescat, ut possit, si cæteris datis, in circulum abire: nihilò tamen minus si ductus excretorij oscula non conniveant, aut obliterentur, glandula non migrabit in sphaeram, cum pressio liquidorum ad latera minor sit quam eorundem nisus recta incedens, nec sanguinis impetus infringatur ab hiantibus ductuum excretoriorum oris in glandularum corpore sitis, ut illius imminuta rectæ directionis velocitate ad parietes angeatur impetus, non fiet ut æquali nisu diductilia latera undequaque premantur à secernendo liquido, quod sese prius ejaculare conatur linea recta ad perpendiculum per tuborum oscula aperta, antequam ab axe ad angulos rectos momentum in glandulæ parietes æquale exerceat. Igitur ab impetu sanguinis ipsius gravitatem superante nulla in glandulis figura sphaerica evincitur. Ut autem in dubium non revocetur ostensio propositionis, sufficit aciem intendere oscula glandularum hiare, nec hiare solum postquam fluidum fecit impetum, sed hiare ipso momento temporis,

poris, quo fluidum impellit. Hinc licet nifus villorum osculi glandulofi nullo contrapondio impeditus fit continuus ad contractionem, & nifi extendatur à fluidis currentibus, aut in eo contentis, ob preffionem cuiuscumque liquidi ad contactum suarum fibrarum carnearum excurrentium perpetuò ad contractionem tendat: Tamen fluidorum motus omninò directus à perpetua solidorum oscillatione, dum urgendo extendit fibras cavitatis glandulosæ & in illas æquale momentum impulsionis exerit, quia æquales resistentias non invenit, in fibras minus contranitentes, quæ sunt illæ orificij glandulofi, primò in easdem propagatur ejusdem impetus, qui cum in illas propagari non possit nisi dilatetur diameter osculi, fit ut simul, & semel ab eodem urgente fluido extendatur cavitas glandulæ, & excretorij ductus osculum, antequam diductilia latera eodem nifu urgeantur, quæ cum premi non possint ab eodem impetu, primò aperietur excretorij ductus orificium: & licet non aperiat ipso momento temporis, quo fluidum impellit, aperietur saltem, antequam colligatur ille impetus in parietes, qui illos in circulum abire cogat. Partes minus resistentes esse fibras orificij excretorij in cavitate glandulosa ex eo patet, quod non solum à minimis fluidi guttulis, cunei vices gerentibus, & sese insinuantibus inter spatia orificij nullo fibrarum nexu firmata, ab illarum preffione ita urgentur, ut sustinere illam percussionem non possint, sed etiam quia opposita, & se invicem agentia latera orificij nullis fasciarum fibrillis, ut cæteræ cavitatis glandulosæ fibræ, irretiuntur, quæ pluribus fibrarum ordinibus, & fasciculis compinguntur.

Urget tamen Pictarnius si corpus recipiendum sit orisfitio minus, & intra illud possit accommodari, adeòut omnes sectiones per plana orisfitio parallela sint minores orisfitio dato, tum non hoc solum corpus, sed infinita alia cuiuscumque figuræ orisfitium illud poterunt subire; & quamvis maximam corporis sectionem similem ponamus, & æqualem figuræ orisfitij dati, quia tamen diversissima corpora eadem secta nanciscuntur figuram, per idem orisfitium diversissima poterunt transire corpora, siue per idem vas secernens diversissima derivari secretiones. At nonne sagacissimus Auctor exclusis quibuscumque determinatis figuris sphaeram admittit? & tamen secretiones plures, & longè diversas per idem orisfitium celebrari non sinit. Sic inquit per idem orisfitium circulare transit non tantum sphaera, cuius sectiones similes sint

les sunt aequales circulo orisitiij, sed conus, & cylindrus super aequali basi, & per idem orisitium transibit, & pyramis, & prisma, & conus, quorum sectiones maximæ per plana orisitio parallela sunt triangula æqualia, & similia triangulo datum orisitium comprehendenti. Ex quo deduco cum anularis cylindrus solus sit inter figuras, quæ admittit cuiuscumque figuræ corpus quomodocumque situm, modo corporis maxima diameter non sit maior diametro anularis cylindri, multò plurimas, & longè maximas necessariò fieri fatendum erit, quam si glandula determinatæ figuræ admitteretur, quod est contra artificium subtilissimi Pictearnij. Unde licet conus, & cylindrus in æquali basi per sphaeram possit transire, non transibit tamen fortassè, si simplici contactu in cæteras particulas non nitatur, & in minima divisus ut ad secretionis opus requisita velocitate polleat.

Quoniam minima solida diversimodè inter se complicata, & motu intestino agglomerata fluidum constituunt, hæc ipsa juxta molem, gravitatem, figuram & cohæsionis momentum vibrationem suscipiunt. Si V. G. supponamus in eodem fluido particulas corporeas non omninò dissociatas, sed concate-natas inter se, sive propter varias figuras sese mutuis amplexibus tenentes, sive quia anguli unius corpusculi inter cavitates alterius insinuati non possunt, liberè vagari, ita ut concipidebeant veluti vectes, qui ab una parte impelluntur à premente, ex altera retardantur à resistantia, quæ contrario nisu resistit impulsui ipsius prementis, tunc quidem particule illæ in spatio fluido actione contraria adhæsionis retardatæ, prementis viribus impulsæ imperus à premente impressos successivè retardant; & hoc pendet ex lentore, quo colliguntur prædicta corpora, atque resistantibus viribus, quæ imminuendo vim ipsius prementis particulas à contactu non dimovent, & prædictas machinulas à secretionem divertunt. Quia verò corpus ictum suscipiens pro diversa situatione ejus diversimodè impulsui illato resistit, fit ut actio percussiva varietur pro diversitate resistantiæ à situs variatione procreata, & hæc est secunda causa, à qua imperus energia ipsius percutientis, & resistantia corporis diversificatur.

Si postea impetus graduum impressorum inæqualibus corporibus ab eodem corpore percutiente; & ejusdem viribus mensurentur, erunt quidem eorum velocitates quodammodo pro-

D

portio-

portionales magnitudinibus corporum impulsorum, sed corpora illa inæqualia, quæ impelluntur ab æqualibus viribus motivis inæquali velocitate movebuntur, & velocitates illæ duorum corporum inæqualium eandem proportionem habebunt, quam unum corpus habet ad aliud in ratione gravitatis, & molis. Hinc evidens est, cum corpus fluidum variè contextum diversisque particulis combinatum transferatur à virtute communicata, & propagata à proiciente, dum modò per medium fluidi ab impulsu fertur, modò revolvitur orizontali vertigine circa suum centrum, modò particule centrifugæ excurrunt contra directionem motus ejusdem fluidi, non posse æqualiter impelli, ut æquales sustineat impetus, sed longè diversas minimorum solidorum solutiones sub re, ut in plurimis particulis sit in minima divisum, alias simplici tangens contactu revolvatur; & hoc est prior ratio, quæ ope determinati motus secretionis leges observat; sed ajunt canalis omnis suo liquido plenus cum contrahatur à facultate posita ad contactum laterum omnium nitente intra contentum liquidum, & exerceat sua momenta in canales animalium villis circularibus in superficie eorundem canalium dispositis, contextos, qui villi circulares æquè distantes canalium orificiis contrahuntur per illam ipsam aream circuli, ad cujus circumferentiam ponuntur, erunt non solum momentorum æqualium, sed series globorum liquida componentium, dum per canalia fluunt, cum æquo nisi villos canalium contractiles impellant, & in ejusmodi circuli diametros æqualiter nitantur, canaliculi illi in conicos, aut cylindricos abibunt, quorum coni, aut cylindri in circinos circumvoluti erunt glandulæ circularis diametri. At licet momenta facultatum contrahentium canales omnes in genere sint æqualia, seu villi contractiles æquè crassi, & dispositi per veram circumferentiam circulorum in fluidum æque nitantur, & liquida solum æquè premant, incredibile est quantum hæc communiter admissa in prodigiosis glandularum productionibus à veritate distent. Artificium naturæ, quo illa utitur ad glandulas producendas subtiliori fortasse mechanica fulcitur.

In summis arteriis protractio cylindrica glandularum inflexa in spiram, & intexta in reticulare opus est filamentorum glomer, quæ flexionibus variis, in quas hujdem rami veniunt,

niunt, per corpora glandularum implicantur in textus inexplicabiles, eorundemque spiræ ob inexplicabilem illam diversitatem positionum innumerabilibus ramorum ramis ad usque ultimas, qui universam arteriarum ramificationem textentem glandulas constituunt, invicem decussantur, implicanturque in mille anfractus ita rotata arteriola, ut filum earumdem quod successivè glandulæ advolvitur, non veniat in eundem locum cum filo jam advoluto, sed ipsum secet in decussim. In hac apta superimpositione filamentorum, & spiris arteriolarum ad se invicem indè decussim positis, atque diversimode se secantibus mirabili artificio villi contractiles advolnti superficiei canalis in mutuuum contactum nitentes contrahuntur premendo in puncto contactus superficiem canaliculi inferioris conici, aut cylindrici; ex horum mutua canalium positione, & nisus directione fit, ut cum momentum, & pressio superincumbentis vasculi non sit minus momento inferioris resistentis, superficies vasculorum conica, aut cylindrica quasi in planam decussata abire cogatur, adeoque fit ut eorundem villi contracti per plana, ut notum est ex Geometricis tangentia planum immissarii glandularum non constituent verum circulare orificium, tam affabrè contextum, ut tota glandula in arteriolarum ramis evadat in figuram exactè sphericam.

Recensita aliorum sententia, & sphericarum figurarum in glandulis necessitate, eaque in dubium revocata, nullas tamen æquabiles, & constantes inter pororum diversitates, vasorumque orientium in animalis contextu ajo esse figuras. Orificia glandularum non solum majoris, vel minoris diametri ratione inter se differre, sed figuris diversis ita efformari, & compingi, ut à diversa fluidorum pressione, à diverso solidorum remisui possint ita distrahi, ita comprimi, restringi, dilatari, convelli, ut si non omnes figuras æmulentur, saltem cuicumque figuræ accedant: quapropter fas sit dicere in separatione fluidorum aliquam proportionem filtri cum fluidis requiri, & vires cordis propellentes cum aliqua ad orificia glandularum pressione, quæ superent ad occursum osculorum cohæsiorem partium fluentium, quod expeditur determinata sanguinis velocitate, quibus omnibus mechanicorum diffidia dirimuntur, ita ut nec cum Borello, & Poristis, nec

cum Pictcarnio integrum litigium habeatur.

Quoniam sanguinem componunt minimæ solidorum moleculæ diversimodè intet se contextæ, certisque miscibilibus præditæ, ideòque nexu, ac gravitate distinctæ, ab eadem vi cordis impressa minima illa fluidi componentia diversum velocitatis gradum, ut superius ostendimus, suscipiant oportet, quo fit, ut à concepto impetu ex fibris contractilibus cordis, vasorumque compressione sanguinis moleculæ mutatis positionum directionibus, vel arcto corporum contactu relicto per arteriarum conica, vel cylindrica canalicula fluant, & per ipsa ad glandulas salivales delatæ, dummodo diameter maxima particularum fluidi separabilis non sit major diametro orificij in obvia glandularum oscula separabuntur. Exigunt tamen, ut sint in minima divisæ juxtà Borellum, Pictcarnium, & nuper virum maxime doctum Michiellotum, quæ non tenaci nexu, sed simplici contactu uniantur, ità ut una quælibet earum possit agitari, fluere, circumvolvi, aliter motis lateralibus, alio enim modo salvare non posset facilitas illa, quæ fluidi partes leviter coherentes, & non determinato impetu allisæ superare possunt orificiorum resistentias, & inter ductos poros sese intrudere; quarum solutiores partes ab axe arteriarum per latera vasorum discurrentes, & non separandas partes simplici contactu tangentes, si arterioli occurrerint glandularum latera nitendo oblique contranitentia, ipsarumque molecularum impetus non erit minor orificiorum viribus, nec major, ut tempus licet indefinitè parvum habeat (ad liquorem enim in aliqua glandula separandum sejunctionis tempus, licet indefinitè parvum; requiritur) in orificia vasorum impingent, & in hiantia oscula intrudentur.

Quodcumque fluidum in arteriis præexistens à sanguine separandum ab ipso fluido abscedere non poterit inductus glandularum secretorios, si sanguinis fluentis velocitas ad ipsas glandulas talis, ac tanti momenti non erit, ut possit glutinamentis associatas moleculas dividere, & partium implicatarum nexum laxare, atque imminuere. Mutuis nifibus igitur sanguinis rotatis particulis, & vertiginosis motionibus agitatis à variis pressionis, & lationis momentis fiet, ut sanguinis solutæ moleculæ modò à pressione fluidorum ad latera vasorum impingentes, modò à lateribus repulsæ per axem revolvantur;

vantur : hinc à tergo supràveniente impetu propulsæ , eundem semper directionis nîsum , & impetus gradus habere non poterunt . Ubi autem canaliculum arteriosum conicum , aut cylindricum cum Bellini plicatum in plicas , vel in longitudinem extensum , fluidum separandum impinget , atque sufficienter vasorum orificia impellendo extendet , apertis osculis applicabitur .

Quod autem quæcumque sanguinis velocitas velocissimè currentis , aut pigrè arterias transfluentis non sit sufficiens ad separationem , non modò se dilatantibus , verum se contrahentibus vasculis , ea ducor ratione , quod corpora diversæ gravitatis vi æqualis pressionis impulsæ sæpissimè velocitates , atque directiones inter se diversas suscipiunt , & conservant . Sic observo dum globulos plumbeos ; vel grana frumenti diversæ gravitatis , ac molis manu proiicio , licèt gravibus motis imprimatur æqualis quantum ad proicientes vires , in eis tamen velocitatem , & impetum primum non conservati , sed alia recta incedunt , alia obliquè vagantur , alia velociùs moveri , alia tardiùs cursu rapi prospiciuntur , servata tamen eorum velocitate reciprochè proportionali magnitudinibus , & gravitati corporum impulsorum . Hinc sicut impetus proicientis diffunditur in alata corpora , & communicatur projectis ; ità eadem in diversis gravitate , ac mole sanguinis moleculis ratione imminuitur , vel augetur . Sanguis igitur cum non uniformis sit , sed constet ex particulis diversimodè figuratis (corpus enim fluidum , simulque continuò fluens licèt in omni puncto divisibile componitur ex particulis terminatis , & quantis) & quamquam infinitè parvis , & divisis , tamen mole figura , & partium cohæsione diversis , ut dubitandum non sit plures fluidorum proprietates , ac naturas pendere à diverso cohærendi modo , à structura , configuratione , ac motu molecularum sanguinem componentium , ità ut particulæ aquam componentes hac ratione similes inter se sint , atque diversæ ab eis , quæ oleum componunt ; harum infinita miscibilia partium parvitate maxima pollentia diverso gradu velocitatis instructa , & diverso nîsu , & causis in projectis corporibus impellentibus æquali impetu inæqualiter operantibus glandulas alluunt , quorum velocitatis momenta debent commensurari corpusculis sanguinis gravitate diversis , & inæqualiter ictui
cordis ,

cordis, & solidorum oscillis resistentibus.

Sanguinis igitur molecule per axem arteriarum fluentes illas partes resistentes non offendunt, quibus allabentes vasorum latera occurrunt. Arteriarum tunica quarta interior tenuissima febrillis in longum protensis, villos, anulares tunice præcedentis ad rectos, angulos, secantibus, contexitur: Hujus fibrillæ non possunt ita concatenari, ut internam superficiem scabram, & parietes, vasorum inæqualiter lævigatos non constituent, adeoque sanguis particulis collateralibus, retentus non poterit excurrere, & extricari, quin miris in modis, per plana horizontalia, vel inclinata, variis ictibus flectatur, indeque circumvolutus minimarum asperitatum confricationibus ita impeditur, ut ictus ilatus particulis sanguinis, in latera nitentibus à corde, & impellentium corporum, impressa, velocitas ratione contactus excurrentis, projecti impetum retardantis debilitetur; quod evincitur non solum in liquidis fluentibus extrà animalium canalia, sed etiam in liquidis per ipsa animalium, vascula fluentibus, quæ dum fluunt per canales in linea, quæ maximè distat à canalium, superficie, majori velocitate rapiuntur, quàm, si fluerent per lineam, quæ magis accedit ad eandem superficiem, in quâ plures adesse possunt causæ, per quas eadem liquida inæqualibus motibus agitantur in partibus, suis. Ex hac inæquali agitatione fit, ut eadem partes, sanguinis nunquam semper sistantur ad contactum, & in aliam lineam abeuntes, mutant positionem, in centris suis, excitanturque proinde non solum in diversam, motus directionem, sed deflectentes à laterum, contactu, majori momento agantur. Unde inæqualitas, illa momentorum à positione seriei globorum liquida constituentium confurgit, ex quo fit ut eadem partes nunquam certo loco, sistantur ad certum semper contactum; ob quam motus inæqualitatem, positionem variam, & vim liquidum perductum ad immixtarium, si ita dispositum sit, ut partes ejus anteriores, in latera trudentur, nitetur quaquaversum in superficiem ejus internam, & in ipsam emissarium incidet obliquè, & separabitur.

Sint ulterius particulæ corporeæ aliæ cohærentes, aliæ sese tangentes ut acervus arenæ (si lubet merè fluidum cum fluidis, & humidis comparare) quæ diversis resistendi modis vim impulsivam proiicientis à tergo urgentis imminuunt, eamque retar-

retardant. Resistencia quæ primis infertur pendet ex glutinosis fibris, quibus implicantur prædicta corpora, atque vis divisioni resistens est illa, quæ retardationem infert velocitati ipsius projecti; posteriores verò si sint talis figuræ, ac lavitatis, ut possit una earum inter alias excurrere, & contorqueri, tunc quidem propulsæ insinuantur inter alias, & exercentes actionem cunei in alias particulas resistentes insinuantur, quæ non solum impetum projecti retardare non possunt, sed resistentias particularum superius expositarum continenter imminuunt. Fit igitur retardatio tardius, aut citius, prout plures resistendi modi in sanguine concurrunt, quæ resistentia constat ex innumeris peculiaribus retardatunculis una post alteram confectis, à quibus omnibus contraria reactione, ac repulso, vis, & energia, ictus, & impetus enervatur.

Ex hoc diù perpendens cum doctissimo Viro Michielloto, quod ut fluidum separaretur, debet esse divisum in partes, quæ non habeant rationem majoris inæqualitatis ad minimam orificulorum orificii diametrum, & quod hæc partium divisiones se in puncto contactus tangentium oriantur ex mutua fluidorum collisione, se invicem atterrentium, & compressivo solidorum conatu, colligo quod hæc partium solutio debet imminui imminuta fluidorum attritione, & solidorum nisu, & cum hæc omnia debilitentur, vel augeantur debilitato, vel aucto motu, patet in debilitato motu, vel aucto imminui, vel augeri liquidorum secretiones; igitur non quæcumque velocitas ad quæcumque naturalem separationem fluidorum, sed determinata requiritur.

Corpora insuper, quæ separanda sunt non solum nitantur invicem in aliorum contactum, sed ipsa se contangant cum nisu, ut repugnent remotioni ab eodem contactu; cum illa determinata positione contactus persistent corpora in eadem cohesionis vi, quorum corporum coherentium directiones à mutua obliqua, vel in directum posita, aut perpendiculari situatione non avertentur, quousque illa corpora eodem nisu in contactum, eodemque directionis momento in eandem positionem nitentia, in eadem cohesionis persistent. Mutatis igitur gradibus nisuum, & variatis positionibus directionum, atque corporibus à contactu cum nisu urgente remotis, non solum mutabitur directio nisuum, & gradus motuum, verum

rum cohæſionis vis plurimum mutabitur, cujus ſimplex in contactu cohærendi modus neceſſarius eſt ad perficiendum artiſitium ſecretionis. Machina autem huius operationis à mutuo niſu in contactum cohærentes fluidi moleculas removen- tis, & impedimenta illa arripientis, ob quæ in canalibus à ſeparatione prohibentur, eſt impuſſus liquorum in ſolida, & ſolidorum niſus, & reſiſtus in fluida, ex quibus omnibus fit demùm in textibus reticularium arteriarum ſanguinis ſolutio maxima, ob quam colligatæ particulæ ab eadem cohæſione ita divelluntur, ut ſanguis ſuperatis plexibus retiformis, non ſolum conſervata ſolutione, quam ſubit intra cordis ventriculos, & pulmones per totam canalium longitudinem, vaſculorum ambagem, & contorſiones ad uſque plexus retiformes, verum eadem ſolutione in huiſdem plexibus plurimum aucta glandulas facilè ingreditur.

Cum autem mutua particularum cohæſionis vis, & unio à parietibus cordis allifa, pulmonum preſſione concuſſa, & ſolidorum viribus, & oſcilli, diffractis vinculis in minutiffimas moleculas dividatur, poterunt mutuis contactibus diverſæ particulæ uniri, & varia filtra prò diverſa indole, ac modificatione, quam ſitus, poſitura, ordo, & particularum combinatio permittit, ſeparari; unde cum cor ſemper eodem gradu niſus, & ſolida quæque non nitantur in fluida, cohæſio illarum partium ob diverſum impetus momentum excurrentibus miſcilibus impreſſum ab occurrentibus reſiſtentis plurimum modificabitur, à quibus ſimul ſumptis immediatè dependet ſanguinis ſolutio major, vel minor. Hinc ſi minuetur ſolidorum impetus, & vires, augebitur niſus partium in contactum, unde ſanguis non ſolum in eadem cohæſione perſiſtet, verum in maiorem, & validiorem unionem promovebitur, & hoc ſubitò fiet, ſi vis illa, qua cohærent partes, ſit momenti maioris, quam momentum ſolidorum atterentium. Poſita autem cohæſionis vi, & plurimum promota, cum ad ſeparationem requiratur ſimplex cohæſionis contactus, evidens eſt vel nullam, vel tenuem admodum fieri ſecretionem. Ex hoc deducitur ad quamcumque ſeparationem non ſufficere quamcumque ſanguinis velocitatem, quia poteſt dari ille gradus velocitatis in ſanguine, qui non ſolum ſufficiat ad particularum cohæſionem divellendam, verum talis gradus niſuum, qui

qui easdem in contactus majores cogat, quo simul velocitatis gradu retardato validior sanguinis coherentia promovetur.

Cum igitur ut ostendit insignis Bellini proposit. 20. de motu cordis, facultates contrahentes moventur, canales figuram mutant ea ratione, quam secum fert proportio velocitatum, quibus eadem facultates intrā canalem moventur, & proportio illa velocitatum pendet à momentis, quibus facultates instructæ sunt, & cum momenta in canalibus pendeant à crassitie villorum, à quibus facultates illæ constituuntur, faciliè intelliges, quo momento contractionis opus est ad hujusmodi velocitatem acquirendam in hac, aut illa arteriarum parte, quo indè adifces qua crassitie villorum opus fuerit, ut tale habeatur contractionis momentum, quod cum determinetur à diversa villorum crassitie, non solum inæqualis habebitur directio motus, tum solutio sanguinis major, vel minor, sed tum figura in glandulis plurimùm mutabitur eà ratione, quam secum fert proportio velocitatum fluidorum, & positio solidorum, eorundemque contorsio, & resistantia. Quapropter sanguis cum juxta majorem, vel minorem divisionem ortam à connisu solidorum & reactione fluidorum particulas conglutinatas dissociante, & inertes atterente, majori, vel minori in glandulas impingat velocitate, fit ut diverso gradu velocitatis instructus per varia viscerum filtra præterfluens congruis vasorum separantium officiiis fluidorum impetum recipientibus apponatur; hinc indè à pressione particularum à tergo urgentium impulsus in dispersis viscerum glandulis substantias deponit; & quoniam ab impetu primo sanguinè à corde impresso, ejusdem molecularum velocitas, atque solutio debilitatur non solum à proportionali arteriarum afferentium, & venarum defferentium resistantia, verùm occursum resistantium varietate, nimirum ab arteriæ spira, & cono, à mole corporum fluentium, pondere, & elatere comprimentium impeditur, promoveturque: ideo per totas animalis lacunas, & viscera sagax natura disposuit filtra, ut disfluentium molecularum impetum, & diversas fluidorum solutiones sibi proportionales reciperent. Hinc quamcumque sanguinis glandulas percurrentis velocitatem ad secretionem animalium sufficere redarguunt partes secernendæ, quæ debent esse actu divisæ

in minima , ut se tangant simplici contactu : repugnat enim sanguinis separandas moleculas esse actu divisas , & simplici se tangere contactu , nisi admittatur illa velocitas , qua conglutinatæ partes diffociantur , quæ debet esse directè quodammodo proportionalis illarum cohæfioni.

Quis inquam est mentis tam præjudicatæ , quod quotidie non videat ab accelerata , vel imminuta sanguinis velocitate accelerari , vel imminui liquidorum separationem ? si quæcumque sanguinis velocitas ad quamcumque humorum separationem sufficeret sine ulla prorsus figuræ diversitate explicari non posse videtur quomodo producatür icterus absque filtri separantis injuria , quem sanè vidit sylvius cap. de Ictero à spiritu volatili , potuque generosiori absque ductus biliarij obstructione productum . Bilis enim à spirituum copia in fluorem nimis evecta ob sui motus accelerationem in accinis hepatis glandulosis minimè coercita , ad vascula majoris resistentiæ , & sui motus impulsui proportionali deffertur , in quorum conis , & spiris retuso impetu , & corporum elatere comprimentium imminuta motus acceleratione ad cutanea loculamenta inficienda sibi viam sternit .

Sic quando sanguis præter rationem tardiùs currit , tardiùs quoque procedit evacuatio . In puerperis observante Balgivio superveniente febre ardente lochiorum fluxus supprimitur , eodemque febris incendio lac evanescit in mammis , redditque remisso calore febris . Igitur cum Pictearnio , & laudato Michielloto à Borello , & cribratoribus Mechanicis glandularum orificia datæ figuræ corpus tantum recipientia admittentibus dissentior , quoniam omnis glandula ex tunicis contractilibus , & distractilibus , & facilè cedentibus machinulis coalescit : Quibus non sufficientibus requiruntur mutati velocitatis gradus , acceleratæ , vel ritardatæ percussionis impetus , qui à corde sanguinis miscibilibus impressus juxtà molecularum ad motum resistentiam , quæ à corporum cohæfione , vel gravitate dependet , augetur , vel imminuitur . Attamen quid curiosi , quid mirabilis natura parit in crassis , tenuibusque liquidis separandis sollicitè inquirentes ingeniosissimi Viri ultimam in hac re mechanici erui non potuerunt . Nec mirum si in re tam ardua , tam difficili in dubium manebit ut Lucretius , quod latet ; Ultimæ enim rerum differentiæ ob datorum deffectum

Atum ad mechanici Doctrinæ leges, methodosque adduci nequeunt.

A R T I C U L U S IV.

De usu salivæ.

SI nulli rei destinaretur salivæ latex ab arterioso sanguine per glandulas in os, & ærophagum eructatus, inanis foret naturæ lusus glandularum illa productio à tota cavitate palati erumpentium: quapropter cognitis salivæ ductibus, & opifitio secretionis perpenso, usus ejusdem in economia animali eruendus est: Qui enim glandularum secernendæ salivæ maxillarium nempe, parotidum, tonsillarum, tyroidearum, buccarum, palatarum, & ærophagæarum numerum, è quibus maxima salivæ copia continuo separatur, serio perpenderit, atque ab eis in ventriculum indefuenter exonerari serio considerans, plurimi momenti esse salivalem humorem à provida natura multis usibus destinatum, animadvertet. Hic enim triturationem alimentorum in ore faciliat, eorumdem deglutitionem promovet, sapidam à cibus tincturam elicit, qua sensus gustus determinatur, fauces, & ærophagum humectat, sitim nimiam compescit, ad vocis prolationem aptiorem reddit linguam, ab ejusdem cum alimentis in ventriculo admixtione inchoatur eorumdem dissolutio ad chyli elaborationem ordinata.

Salivale menstruum quosdam à veritate alienos in tantam sui admirationem rapuit, ut solvens mineralibus indè sibi promiserint, & materiam universalem, in ipso tamen deliramento decepti, quærirarent; horum quamvis figmentis minime subscribam, activitatem tamen illius laticis evincit elicited sapor ex alimentis momenti tantillum in ore volutatis, cujus miscella eorumdem liquefactio, atque dissolutio inchoatur. Dum cibus incisioribus, & caninis diffringitur, in minutas partes subdividitur, qui molaribus commissus, & hinc indè motu linguæ jactatus, undequaque ab effluente saliva irrigatur. Mirari quis desinat separationem salium tunc contingere, qui ab aqueis salivæ particulis eliquari vi suæ gravitatis, & penetrationis vim cunei exerentes in membra nam nervorum.

vorum apices obducentem, papillarumque cupulas efformantem pluribus foraminulis perviam impingunt, & motu linguæ vario undique impulsu, aerisque vi elastica perpendicula-riter, & lateraliter rotati in nerveas linguæ papillas adiguntur, quarum siphunculi linguæ implantati, & apice suo erecti angustissimis osculis occurrunt salibus, qui in nervorum furculis intimius elapsi, aut per organum gustatricis potentiae confestim repentem cuspidulis suis ita titillant, certumque motum directionibus suis nervis gustatorii imprimunt, ut modò constringendo, modò laxando, modo pungendo determinata undulatione afficiantur in nervis contenti spiritus, de quibus motibus anima compos ideam suavis, vel ingrati saporis efformat. Hic salivæ actio non desinit, sed ut per continuam dentium collisionem, mutuamque attritionem chyli rudimenta evolvantur, opus erat menstruo aqueo salino, quod per contractionem muscutorum temporalium, & massæterum potissimum in actu masticationis compressis glandulis, jugiter in os conflueret, quousque salinis moleculis plurimo aere refertis, & gravitate nativis subeundo alimentorum vincula, corundem nexus, cohærentesque particulas vi sui elateris exagitando, cum partium intrâ alimenti poros cohærentiarum exclusionem commodius alimentum ipsum macerare, ac subigere posset.

Cibus ita permixtus, & attenuatus versus fauces protuditur, & prius ore clauso per constricta labia ope labiorum sphincteris, & artactu oris cavo actione buccinatorum, & zygomaticorum, tumque simul motum cibi urgentibus Basio-glossis, & Ceratoglossis unâ expresso succo lubrico linguæ, & palati, juvante ipsius figura, & superficie fertur cibus usque ad linguæ radicem, ubi appulsus irritando convellit musculos Genio hyoideos, Mylohyoideos, & stylohyoideos à quorum vi attollitur radix linguæ, Larynx, & os hyoideos; harum elevatione impulsus cibus epiglotidem deprimit: Hinc relaxato œsophagi spinctere à musculis Genio glossis, & Geniohyoideis ope Myloglossorum, & styloglossorum truditur cibus in gulam apertam, contractisque fibris tunicæ œsophagi muscularibus oblique decurrentibus ad principium ventriculi usque promoveretur. Elapso cibo in ventriculo à liquore salivæ simili, docente Malpighio posth. 28. ex alimentorum distensione, &

com-

compressione tunicae glandulosae ex pluribus ramusculis elicitō, motus intestinalis massae conciliatur, ut facilius liqueſcere, dissolvi, ac subigi possit à fibris muscularibus, aliarumque tunicarum ventriculi attritione, & pressione, quorum auxilio, & diaphragmatis cum musculis abdominis inchoata ingestorum solutiones, ambientium viscerum calore fovente intimius comminutae quasi in partes ultimae compositionis resolvuntur; Vel si Listerum audiamus, ut saliva intrà alimentorum inania coercita virtute septica expeditius alimenta in chylum resolvat, à cuius acri adurenti, & putrescenti natura concoctu difficilia putrescunt, & macerantur.

Sed non solum saliva variae naturae cibos ob salinam, quam habet substantiam, vim cunei exerens omnes penetrando digerit, incidit, ac solvit: Verum perenni hoc fluore irrigatae ventriculi tunicae ejusdem salibus in contractionis motum validiorem excitantur, qua ratione in debito tono cum plicarum crispatione ad facilius expediendam triturationem, detinentur. Perenni hoc salivali liquore humectantur fauces, interiora oris, & ærophagum madore laxantur, irrigaturque lingua, ut assiduo motu vocum exsiccata ne reddatur, alias rigida facta cum faucibus arescentibus, motus flexibilitatis jacturam facientibus anulis Trachae, vocem ederet difficilem, ac raucam; non irrigatis enim fistulae pulmonaris salivali humore fibrillis aer hinc, illinc ab anulis non leviter concutitur, sed in latera illorum impulsus fortiter repercutitur, quod non aliundè videtur fieri, nisi quod rigidae fibrae asperae arteriae, dum vi percussione aeris aliquatenus è loco suo distractae conantur sese restituere, aeri rigidum tremorem imprimunt, adeoque raucus vocis resonat sonus.

Quamquam si gustui credendum insipidus humor videatur saliva, contrario inculcat Galeni experimentum, scilicet scorpionem jejuni hominis sputo bis, terue aspersum protinus interire. *Saliva hominis inquit Aetius tract. primo serm. XI. reptilium venatorum generi maxima contraria est.* Ego enim citrà omnem incantationem ex solo jejuni sputo scorpionem pereuntem vidi. Omnibus hominibus inest venenum, feruntque ictus salivam, ut ferventis aquae contactum fugere, quod si in fauces penetraverit, etiam mori: idque maxime humani jejuni oris. Plinius. lib. 7.º & tamen omnibus contra serpentes inest venenum, feruntque ictus salivae, ut ferventis aqua fugere contactu: At
intel.

intelligenda est illa jejuni hominis saliva, quæ utpote acrioribus salibus referta, veluti aquæ ferventis contactus, serpentes fugat; inflictum quoque à serpente vulnus, si confestim saliva illiniveris non lethali ter sæviet, sed conhibitum venenum, nec ulterius diffusum spontè evanescet: Hinc Lucanus. lib. 9.^o

Nam primum tacta designat membra saliva,

Quæ cohibet virus, retinetque in vulnere pestem.

Venatores serpentum, ut Aldrovandus de insectis lib. 1. statim ac illos decipere, saliva confricant, cujus contactu præeunte Marco Aurelio Severino de Vipera non tantum villescit violentia veneni, sed si in os illorum diductum expuas, saliva in eorum ventrem delata tantæ feritatis illis est, ut sensim contabescant. Hac ratione nimirum partibus suis salinis confricatæ curantur lichenæ. Saliva hominis jejuni est medicamentosa, etenim in saliva adest virtus abstersiva in ulcusculis, licet minori gradu, quam quæ sit in sarcoticis. *Levis papula ait C. Celsus si quotidie jejuna saliva defricetur sanescit.* Saliva cancerum, mammarum ob suas subtiles attenuantes moleculas discutere valet, ut docet Paulus Ammanus Med. Critic. & ratione alkali acido herpetis contrariò addit schenckius herpetem curari. Salivam robur asserre infantibus inquit Matthiolus in 2. lib. Dioscoridis. Pustulas Crato, scrophulas Hildanus salivam resolvere promittunt, & si animus esset mihi referre, quæ apud Auctores perlegi, quos reor, aut decipiti faciles, in quorum re alij decipiuntur, aut denique vanæ gloriæ, atque ostentationis nativa hominum indole affectantes, in multo grandiore admirationem facili negotio rem tumefacere possem. Verum sollicitus fui, non plures narrationes conscribere, quas vel invicta mea ad credendum innata tarditate assensum meum extorquere non sensi, quæ nondum exploratæ non videntur iis probabiliore, quam quæ irritæ jam deprehensæ fuerunt. Quæque hujusmodi salivæ experimenta scrophulas, nodos Gallicos, Cancerum mammarum solventis, nusquam reperire dentur, præterquam in quorundam auctorum vana jactantia, tumentibus libris, atque promissis, ut quisque, ni fallor, experientiis deprehendet, quam parum eventus sui conatus laboribus, & illorum assercionibus responderint.

DE-

DE SALIVA,

ET SALIVATIONE PRÆTER NATURAM.

C A P U T II.

A R T I C U L U S I.

De Vitio salivæ in quantitate.



Actenus salivæ humanæ natura, secretionē, & usu, qua licuit perspicuitate, investigato: proximum nunc est, ut ejusdem statum morbosum soletius excutiamus.

Quando à naturali crasi, & molecularum nexu desceat saliva, humani corporis armoniam subripiens, alienis imbuta particulis, morbolisque infecta miscilibus, à naturali statu recedit, majori, quàm par est, labe sanguinem afficit, cujus varia constitutione fluidorum partibus variè labefactatis cronicorum, acutorumque affectuum luctuosus sæpè panditur numerus. Ut igitur horum morborum idea certior, atque clarior percipiatur, à re longius non erit, vitium in aucta quantitate brevius exponere, quod ad investigandos exactius ipsius morbos, plurimum conferre videtur.

Peccat saliva in quantitate, quotiescumque substracto sanguini nutritio pabulo, perenni fluoris ad salivales glandulas appulsu, confertim è ductibus effluens in ore undequaque exundat: cujus effluxus jugiter profluens nullo gravium symptomatum comitatu, nullaque saporum malitia conjunctus pthyalismus vocatur.

Si alimentum succi gastrici inertia, laxa tunicarum contractione, viscerumque circumpressione ruditer in ventriculo elaboratur,

boratur, non evolutis sulphureo balsamicis particulis in chylum aquosum nimis faceffit : qui in sanguinem delatus, & per omnes cavos fibrarum tubulos cum sanguine circumductus (cum seroso aquosæ ejusdem molculæ à solidorum impulsu ad fibrillas appelli coactæ, ex defectu gelatinosæ portionis nutritione indigis partibus non apponantur) necesse est, ut aqueis particulis turgidus ad superiora trajectus in glandulas salivales transcoletur ; Quæ laticis separatio, cum intra ipsas glandulas subsistere non possit, à pressione particularum confertim succedentium, & jugiter ad glandulas confluentium, retroque urgentium in os indefinenter derivatur.

Porrò mirum est, si orificia, ac tubuli glandularum diametro gaudeant juxtò ampliori, unà cum tumore jugularibus venis incumbente in colli lateribus, reprimente sanguinis refluxum, quantum secretionis penum adaugeant. Hæc pororum compages dilatata, ac tubulorum vitiosa amplitudo à laxa fibrillarum cohærentia exorta, salium nisu, & machinularum terebratione à proprio termino recedentium ità distenditur, ut dehiscantibus glandularum osculis à stimulo solidis inhærente irritativo, & salium cuneis tuborum villos vellicantibus perperam labascant. Harum minimi fibrarum fasciculi ad ampliora spatia reddacti, si impetus sanguinis augeatur, & à consuente humoris copia novi distensis tubulis addantur impulsus, vel si salium spicula stimuli vires exerçant, ab invicem divelluntur, ut conatibus salinorum cuneorum discisis fibrillis cum suo connisus momento non valeant superare fluidorum impetum, ab impellentibus liquidi molculis in nimia distractione coercentur tubuli, & ordinatarum partium mechanismus fatiscet, atque exesis vasculis penè destruetur. Unde denegato in glandulas spirituum animalium affluxu illæ symmetria, tonoque partium attritæ, nec naturali tensione, debitoque elatere munitæ turgentibus particulis aqueo-chylosis ad glandulas appulsis minimè valent contraniti, sanguinisque impulsui resistere nequeunt, ut undequaque non irrumpat salivæ humor, & depluat. Hoc in flaccescentibus glandularum fibris ab infartu, & pressione nervorum cum largiori affluentis salivæ copia, atque in ægris in utroque latere paralyti affectis, sæpè videre est.

In scorbutica diathesi maximè calidiori, quoniam ob salinas in fluo-

in fluorem evectas particulas, quicquid inest sanguini, est acerrimum tenue, atque urens, sanguis non potis est novum chylum sibi assimilare, ideòque quia colliquari cogit, ac fundi quicquid in fluxum agitur, partes chyli gelatinosæ in orbem sanguinis circumductæ à salum cuneis nimium solvuntur, adeòque suo naturali lentore destitutæ liberè vagantes per corpus sanguinis continuo fluxu per glandulas salivales excernuntur. Prænimia hæc salium, & acridinum copia glandularum diametrum distendente, non tantum saburra veteris effeti, & inutilis chyli, verum etiam novi, & oleosi major portio in ipsas glandulas continuo depluit. Irritatis enim villis nervorum tenduntur capillares arteriolæ, undè fit major fluidorum appulsus, quæ dum in distractiles vasorum tunicas impetus faciunt, ex earumdem distractione restitutis villis vigoratur renisus in contenta fluida, quo fit, ut aqueo-serosa portio per validiorem sanguinis motum ad glandulas uberius delata à solidorum pressione, & fibrarum oscillatione magis commota in pervia glandularum ostiola irrumpat, & abundantiorē salivæ excitet affluxum. Hic exprobanda est sputatorum conata consuetudo, qui sola expuendi libidine alliciti, ut vilius facibus cunctis excrementum continenter salivam effundunt; quo spuendi conatu, & perpetua musculorum contractione irritatæ, & compressæ glandulæ sollicitantur jugiter ad novam, & uberius remanentem excretionem.

Causæ externæ, quæ quantitatem salivæ adaugent in sex rebus non naturalibusprehenduntur. Aer enim ut frigidus particulis nitro-salinis segnis rotatis, nec satis evolutis plurimis refertus poros cutis premendo effluviorum corporis insensibilem transpirationem inhibet. Ut humidus aqueis moleculis turgescens lentescens sanguinis solutionem, laxando fibras imminuit, ut inde aquosa portio sanguinis adaucta urinæ, & alvi excretio, & non raro largior salivæ effluxus promoveatur, ut Sanctorius animadvertit: *aer externus per arterias in profundum corporis penetrans potest reddere corpus levius, & gravius, levius si tenuis, & calidus; gravius si crassus, & humidus.* Cibi admodum aquosi, somnus, & quies naturalia excedentes stadia, excretionem aliarum partium imminutæ humoralem massam insipientes, hisce accedentibus animi mærore, & timore diuturno coctionis opus labefactante, ut affectiones cum motu

F

flui-

fluidorum momenti minoris conjunctæ, & constrictivæ vasorum influxum, & liquidorum attenuationem hebetantes, salivæ materiem accumulare videntur.

Cum igitur in sensuum omnium silentio, & torpore cum membrorum illa concidentia, quæ somnus vocatur, necesse sit in decubitu horizontalis situs, ut laxetur fluidorum compages, & remittatur tensus solidorum tonus, nil mirum si laxiori reddita sanguinis cohæsione, ibidemque magis enervata fibrarum elasticitate, licet sanguis in perpetuò sit motus, currat hinc inde, recurratque per membra variò ab inferioribus ad superiora, & contra vim innatæ suæ gravitatis ad superiora peili cogatur, tamen per musculos, viscerum lacunas, vasq; partium obliquas, curvas, & flexuosas tricas languidiùs transcurrit, & filtratur, quibus gravitatis suæ contrariis motibus debilior reddita sanguinis compages minori vi solida impellit, cujus languida vibratione, & diminuta impulsione magis, semperque magis relaxatur partium solidarum robur, ex quo fit plus æquo progrediente somno, ut fluidum ad illam perveniat motus determinationem, quæ ad secretionem singulis in partibus peragendas idonea non est, donec tandem non acquisito à singulis sanguinis moleculis proprio gravitatis centro, nec ad naturale æquilibrium perductis plurima congeratur humiditas, quam, necessarium ad retinendum solidis, & fluidis amissum ob laxatam compagem robur, restituendum ineptam, nimiam salivam inde suppeditantem passum experimur. Hinc solvitur nodus cur melancolici sputatores existant. Quoniam melancolici in vanis cogitationibus defixi, atque inherentes tristitia cogitantes, eaque pensitando timentes, impediunt ne spiritus impetus facientes in fibras cordis contractiles, in easdem motu conciti exarant elateris vigationem, quæ uberiori spirituum affluxu destitutæ debiliori impetus nisu se contrahant, ex quibus languesciente magis sanguinis motu per vasa, imminuitur ejusdem attritio, atque hebetatur per glandulas transpiratio, debilitatur cordis, & vasorum motus, Undè tenues, & sulphureo inflammabiles sanguinis particule crassioribus implicantur, donè humorum illuvie quasi obrute, & veluti carcere detentæ coerceantur. Ob hanc partium cruditatem in fluorem vitiosum evehctus sanguis sæculentias aqueas ad salivales ductus deponit.

Ob

Ob nimium hunc salivæ proventum balbutie plectuntur infantes, quorum fibrillarum tonus mollis, atque raræ texturæ salivæ copiosioris affluxu humectatus sic labascit, ut cum nativa musculorum lingue, atq; palati flacciditate cuicumque sanguinis, & spirituum appulsui facilè cedente, minus concinnè, & serò perfectè enunciare addiscant. Ab hoc vitio affecto Batto Regi, qui Cyrenas in Africa condidit, de sua balbutie Oraculum Delphicum consulenti, Pythia imperavit, ut in Libia Regione calida vitam degeret, sic Herodotus. Ad hunc censum refertur deficientia vocis in aphonis, quorum laryngis muscoli à nimio aquei humoris proventu ita enervantur, ut fibris carneis resolutis flaccidi, & inertes fiant ad motum. His laxatis sonitu per fistulam pneumaticam à motu lateribus annulorum non alliso, nec hinc indè variè repercusso, qua aeris verberatione, & inflexione vox efformatur, æger nullam valet vocem effari. Manifestum hujus rei eventum refert Tulpus lib. 1. observ. cap. 39.

Si verò hæc aquosa salivalis menstrui copia à glandulosa, ventriculi tunica jugiter exprimatur, sua aquositate liquorem gastricum ita inficit, atque inertem reddit, ut chylicationis opus plurimum labefactetur, menstruo particulis aqueis perperam referto alimentorum contextu reluctante. Inde sensim collectis cruditatibus vitiosis fibrillæ stomachi debilitantur, laxatur tonus earundem nimis, obruiturque sanguis, in quo copia humorum aqueorum exundans parum alimenti ad attritos solidorum villos ducetur, quod sit naturali simile, & alendo aptum, sed quicquid ad partes adducetur, erit planè aquosum, cogetque sanguinis massam iter suum lentè per totum corpus absolvere, ut habito respectu ad modum quo sanguis propellitur, ad spatium, & velocitatem, qua percurrit, & vascula perluit, impossibile sit, quin resistantiam illam offendant, qua eodemq; impetus momento occlusa vasculorum lateraliū, & villorum ora permeare possit, ita aut nec à systaltico fibrarum motu major tenuiores sanguinis partes ad cavas lacunas possint urgeri ad vectes fibrarum inflandum.

Quoties igitur sanguis per repetitos circuitus ruditer attenuatur, effectus erit crassioribus partibus, & aqueis, adeoque illo motu urgebitur, quo impetu non poterit ferri ad collapsos sacculos nutriendum, cum major sit nîsus in contactum

nitentium minimarum tiliarum fibras ; & caniculorum componentium, quàm sit irruentis sanguinis impetus. Quare particulae illae aquae minori, vel majori cohaesionis vi unitae eam molem, & directionis momentum habebunt, quo per poros carnae substantiae permeare non poterunt ; unde cum reliquo sanguine ulterius circulantibus venas pervadent, & fucatae nutritioni eò usque inservient, quòvisque male aletur animal, & cachexia continget. Hinc fiet, ut solida ad tantam imbecillitatem reddacta fluere quaquaversum permittant humores aqueos, qui in cavitatibus majoribus, vel vasculis cutis membranosis collecti, vel ad partes robustiores appulsi lentescentes validam generant obstructionem, ut in durum tumorem attollantur partes ad contactum venarum, ductuumque lymphaticorum positaè à quo vasa illa tenera coarctata, & compressa, cum liberum transitum præbere non possint lymphæ, vel chylo, indeque continuo appulsu novi liquoris ad partes vasorum compressas tendentis, & præterfluentis tergum prementis ultra tonum naturalem distensæ tandem rumpuntur ; ob quam vasorum exilium rupturam in habitum corporis serum effluit. Ab hac pituitosorum humorum in stomacho accumulatione ibi neccente moram convelli potest ventriculi musculus à majori spirituum copia per nervos fluente, ut enata fibrarum inferius ventriculi constrictione contenta per os eiciantur, vel nausea si inanis, & solus erit vomendi stimulus producat. Quod si afficiantur rami nervorum ventriculi cordi communes, ut per ipsos fiat refluxus vividior, & copia spirituum naturali major, & frequentior ad cordis auriculas, spirituum energia easdem in perpetua contractione detinendo superans pressionem sanguinis affluentis per truncos venarum majorum eludet impetum ejusdem ad ventriculos tendentis, unde à sanguinis pressione non resseratis auriculis, sed in contractione persistentibus, intercepto sanguinis, & cordis motu, succedant oportet languores cordis, & animi deliquia.

Si verò chylus nutritius in sanguinem continuo delatus alitioni partium ineptus, effecto succo indè massa sanguinis veteri saturata per glandulas salivales copiosa succi nutritii iactura indefinenter erumpat, per hanc succi euchymi subtractionem tota sanguinis massa oleoso balsamico pabulo privata acc-

scit,

scit, & turbato ob indebitam nutritionem liquidorum cursu, in varios siccitatis morbos delabitur: ob quod minimam musculosis partibus nutritionem præbens, cum partium solidarum colliquatione incalescens totius corporis atrophiam inducit, cui calor hæcticus in toto habitu paulatim subrepens in omnibus partibus solidis accenditur. Hinc calidum, & acre sanguinis serum per molle & glandulosum pulmonum parenchyma continuò trajectum, eos tandem infartu aggreditur, inflammatur, exulceratur, quo fit ut atrophia, quæ erat in habitu corporis, in tabem pulmonarem paulò ante fatales dies, terminetur.

Verùm si chylus per ductus salivales jugiter excretus naturæ incassum in sanguinis reparationem continuò suppeditetur, ne ab hoc perenni chyli effluxu depauperetur, & incalescat sanguis, adeò ut insigniter languentibus viribus à nimia subtractione succi nutritij in statum lethalem, & insanabilem redigatur, ad usum diuturnum lacteæ dietæ æger relegandus est, quo sanguis lenitur, & salia stimulantia demulcentur. Deinde acri aprico, & benigno commissus, liberali, sed cauto ciborum euchymorum usui resarciatur, ut inde aquas minerales calybeatas bibendi non impar fiat, quarum beneficio massa sanguinis sensim emollita, etiam succi nutritij colliquatio sensim evincitur; atque inde non tantum à salivatione æger, verum etiam sanguis à salina acri diathesi vindicatur. Pthyalismo autem hisce incassum advocatis incertis intervallis recrudescente, cum insigni virium deperditione, æquè, ac per glandulas salivales seri colliquatione, ritè continua salivæ deglutitio in symptomatum allevationem præscribitur, qua non tantum salivationis progressus, verum chylus per ductus salivales excretus, naturæ infusidorum reparationem pedetentim remittitur. Si saliva unicuique non cogitanti spontè in os confluat, atque copiosius eò alliciatur ob ductus salivares patentiores, laxioresque quàm par est, existimo oris collutione, maxillarumque fomentatione ex subadstringentibus, & blandè aromaticis decocto posse curari, tum internè modò laudata subadstringentia commodè usurpari, quorum ope paulatim arctantur, ac roborantur ampliores viæ, dummodò desuecant ægri à continua spuendi libidine in consuetudinem perperam adscita.

ARTICULUS II.

De Salivæ defectu.

COgnita quænam ex largiori salivæ affluxu expectari mala possint : nunc juvat in salivæ inopia excutere noxas . Nam non minus ab excessu concidit hominis sanitas , quàm à deficiente salivæ penu labatur .

Vitium salivæ excretionem invertens plus minùs impediens , vel penitus , inhibens nunc glandulis , & tubulis excretorijs inhæret , nunc in ipso salivali latice , motuque sanguinis deprehenditur ; ut si enumerare hîc vellem ingentem morborum seriem , & maximè cronicorum , qui à sanguine salivali humore non suffecto pendent , serò dicendi finem facerem .

Nativa tubulorum salivalium angustia , humor viscidus salino fixus glandulas infatciens , ac porulos opplens , vasculorum compressio oscula occludens , minimarum arteriolarum crispatura glandularum cava , & tubulorum ora coarctans , aut diameter earundem nimis conivens , ac tumore aliquo extùs incumbente compressus viam salivæ præcludunt , quæ à conniventibus salivæ ductibus quoquo modo obstructis , aut compressis , ne secernatur præpedita , licèt cum sanguine confertim profluat , tamen cum ipso circumducta ad alia filtra circumvehitur , in quibus secretionum penso adaucto , glandulis diversis committitur . Quòd si chylus jugiter in sanguinem irreptus salivalibus non turgeat particulis , nulla prorsus materies glandulas trajectura per carotidum divisiones cum sanguine ascendet ; Igitur in toto deficiet saliva , ut sæpè occurrit in ardenti febre coreptis , in quibus sitis extinguere non potest , ac siccitas summa non solum ad fauces , sed per universum corpus diffunditur : in quibus cum calor intensior assumat quicquid humidi ingeritur , & cum sanguinem diluentes moleculæ aquæ evaporentur , sanguis privatur ea materia , quæ corporis partes humectat . Tamen si ulla inhæret sanguini serola portio à singulari solidorum ariditate statim absorbetur , quæ inter duas quasque particulas introducta permittit fluere idem liquidum , quod alioquin subsisteret , nisi

ab aqueis sanguinis molecularum disjunctæ essent, quæ à concitato motu ad minima divisæ, & à congregantibus aqueis particulis ad summum solutæ ob turbatam, & confusam fluidi mixtionem diverso cohaesionis modo combinati diverso à naturali impulsu, nistiquè rotati secretionum leges non observant, unde propulsæ à validiori, & celeriori cordis contractione, dùm majus supra glandularum obicem contranitentem exerunt momentum, non solum in reticularibus illis canalium textibus sanguinem vehentium factam solutionem conservantes, sed à nodis glandularum, & vasculorum lateribus in ulteriorem solutionem promotæ, citius ora venarum ascendunt, quàm oscula ductuum offendant. Quod si satis liquidi non turbato motu exagitati in sanguine hæreat, sed generetur lentor in arteriis materiem salivæ defferentibus ad glandulas oris, & faucium, tamen nullus dabitur affluxus humidi ad easdem partes, igitur siccitatis sensus, & sitis. Si verò non assumetur ex toto liquidum, effluet è glandulis salivalibus saliva viscidior, quæ in os derivata producet infartum in villis lingue, & faucibus hærentem.

Inter causas externas occurrit aer particulis siccioribus, & calidioribus refertus, qui in sanguinem indefinenter impulsus crassiora attenuando, & extus ut ambiens leviter comprimendo glandularum cutis folliculos à fluidorum appulsu faciliè expansiles, videtur diaphorismum augere. *Aer calidus nisi obstitit cruda ait Sanctorius iuvat quoque perspirationem*, & aqueo serosas particulas aliò divertit. Aer enim superincumbens cylindricis suis gravitat, ac premit partes sanguinis, quæ dùm leviter mediante aeris interni elasticitate compressæ majorem semper, quem amiserunt, situm omni ope recuperare conantur, facta pressionis aeris incumbentis æquipotentia pressionis, sive altitudini sanguinis majori, vel minori servata semper proportionem specificæ gravitatis liquidorum, dividuntur, subtilianturque. At moles liquida copiosa, & gravis aeris externa non posset cum interno se faciliè æquilibrare, nisi misceretur cum mole liquida sanguinis: Corpora enim fluida, ut simul mixta in ratione suæ gravitatis æquilibrantur. Cum autem flante Borea, & cælo sereno aer gravior sit, quàm flante Austro, & calida constitutione, ut Barometro experitur, Boreali enim tempore aer sit densior, magisque compactus, adeò-

adeoque magis gravis; in Austro verò, & calore magis rarior; inde minùs gravis, adeoque pressus gravitate sua in sanguinem nobis ne advertentibus quidem ingreditur, eundemque sua elastica vi magis aucta, & gravitate sua urget, propellit, atque facillimè in ea loca in quibus minorem invenit resistenciam, & locum capaciorē sese expandendi, impingit. Cum autem capacissimam cavitatem reperiat in cutanearum glandularum lacunis, ubi magnam vim elasticam aquirens, eandem mirum in modum distendit, per quas ad majus spatium dilatatas fit indè ut ad minima divisas feri moleculis turmatim foras avolare nitentibus minùs resistent acree moleculæ Rarefacto igitur aere dilatatis glandulis, ab earumdem sylfalkico motu promovetur transpirationis insensibilitas, & eò magis si serum, & aer erunt duo fluidorum cylindruli æqualis magnitudinis, sed inæqualis ponderis ad motum dispositi. Ille enim cylinder primò movebitur, qui gravior erit altero, quoniam primum punctum corporis, quod movetur, est centrum gravitatis, ad quem centri gravitatis motum tota mori corporis moles tendit. Si igitur verum est centrum gravitatis duorum liquidorum æqualis molis, sed ponderis diversi in ea parte residere, quæ gravior est altera, necessariò consequetur, ut ob aerem æternum, qui nec levior interno, nec gravior supponitur, æquali gravitate interno contranitens pari energia vim interni substatinet, in calidiori temporis constitutione serum ab aere indissociabile primum, & rigitur avolet. Huic referri possunt hemorrhagiæ, dysenterix, sudores ab exercitio nimio copiosi, vel colliquativi, largior urinæ effluxus, vigilix nimix humidum assumentes, vel aliorum copiosè ducentes salivam imminuunt. Ira, indignatio ut effectus cum motu majoris momenti conjuncti, aucta cordis contractione, & sanguinis velocitate, cum saliva suum exigat conjunctionis tempus, poterunt in glandulas derivationem, multoque faciliùs influxum salivalis liquoris prohibere.

Saliva igitur in sanguine non existens, vel ad glandulas non appellens in os effluere non poterit, undè in ore siccitas, & sitis ad fauces, quæ si diutiùs protrahatur, exsicabitur magis lingua ad superficiem maximè, cuius villi tunicam constituentes validè contrahentur; cum verò corpus lingue non cedat, sed contrahatur validius villorum contractioni, fiet

fiet ut hiidem villi divellantur, hinc illic lingua in fissuras diffiliet; quibus si addatur faucium ætophagi, & musculorum laryngis summa cum siccitate rigiditas, prohibita earumdem contractione, quæ ad formationem vocis requiritur, raucedo, vel loquendi difficultas succedet. Quod si ex toto deficiat in sanguine salivalis humor, excitabitur tabes cum siccitate conjuncta, quam in excessu salivæ attulimus, de qua canit Lucretius.

*Jam marcent venæ, nulloque humore rigatus
Aeris alterans angustat pulmo meatus.*

Ab alimento ope triturationis in polinem in ore redacto ob denegatum salivalis laticis influxum insitæ salium moleculæ non evolvuntur, ut à laxato ciborum nexu sapida tinctura elici possit, cujus defectu non delatis particulis salino sapidis ad nerveas linguæ papillas sensus gustus ferè concidit. Quo in casu quoniam imminuta, vel deficiente saliva nullus liquor digestivus à glandulosa tunica expressus eructatur in cavitatem ventriculi, qui vires suas in stomacho convertendo, dum in ipsius tunicas, & filamenta nervorum impingit, elliquata salina aqueis ramenta in fibras validius infigat, ut vehementius stimulis nervorum villis, internæ ventriculi plicæ inter se mutuò atterantur (in quibus ratio famis consistit) appetitus imminuitur vel abolefcit. Ingeritur tamen alimentum, nè vires statim labantur, à quo rudi componentium solutione elaborato dependet in ventriculo perperam inchoacta concoctio, quæ nequitiam in intestinis absolvitur; chylus enim ægrè in stomacho confectus ob principia ciborum activa minùs exaltata, atque dissoluta inertibus corpusculis coalescens ad intestina propellitur, ubi naturali earumdem compressione, lenique vermiculatione promotus in sanguinem irrepit, crudus, impurus falsos exhalando vapores. Quà propter præcordiorum anxietatem, variosque capitis, & stomachi morbos producit. Chylus itaque non absoluto chylicationis artificio, nec in purissimum rorem mutatus impuris abundans partibus lactearum papillas impingit; hinc per lactea ad sanguinem usquè delatus fluidorum compagem variè lædit, perpetuòque economiæ animati corporis tendit insidias.

Cum igitur parciore quàm decet generetur saliva. Primò defectu materiæ, quoties ista non reparatur, secundò ca-

G

nalium

nalium vitio obstructis nempe, compressisque vasculis, per quæ deffertur ad glandulas, tertio glandularum vitio ad munus hoc absolvendum ineptarum, triplex indicationum species insurgit, quæ triplicibus morborum speciebus correspondet. Prima absolvitur alimentis convenientibus, qualia videntur potissimum esse iuscula ex tenellorum animalium carnibus deprompta, tenuis potus, cervisia puta diluta, lac, aqua lactis, linacum, caponum, gelatina cornu cervi, eburis, ut inde aquarum usu, & liquorum sanguinem demulcentium sub forma potus copiosa, atque continua eorum ingurgitatione sanguinis siccitas temperetur, quibus exhausta humorum in habitu corporis delitescantium minera suffecta, morbida sanguinis crasis jam penitus ferè eversa longo earum usu paulatim restituitur.

Vasculorum obstructio, aut compressio curatur medicamentis attenuantibus incidentibus, quæ crassos simulque lentos respicientia coherentes invicem humorum particulas comminuunt, impactosque divellunt. Hæc sunt, quæ particulis volatilibus salinis acris aromaticis, oleosisque scatent, nec non quæ alkalinis absorbentibus fixis, & lixiviosis amaricantibus abundant, à quibus motus adauctus, & magis proprius resistentiæ particularum quiescentium imprimitur, itidemque cuneus solvendis fluidorum particulis intermiscetur, qui motu, partis tenuitate, & figuræ aptitudine ad penetrandum non solum compactos humores disgregat, verum sanguini, ac lymphæ fluiditatem denuò conciliat.

Postquam innotuerit glandularum vitium non nisi labore improbo, iteratoque in dies comparatum, illi aptum inveniendi remedium plurimum augebitur notitia, cujus ope roborantibus externè medicamentis, plerisque aromaticis salivares glandulæ suffragantur, à quibus si commodum non accipiat æger, melius ferret pingua, & emollientia, quibus rigiditas solidorum ex nimia volatilitate humoris in glandularum poris, ac folliculi conclusi fibras nimium corrugante, vel ab acrimonia nervorum fibrillas irritante, adeoque oscula constringente, undè affluxus liquorum inhibetur, paulatim lenitur, atque laxatur.

ARTICULUS III.

De aciditate salivæ.

SAL in aquea salivæ portione delitescens, quoties in libertatem vindicatum salivæ spiritu fatifcente, depressoque sulphure cæteris præpollens nimium in fluorem evehitur, ejus spicula angulata salina per aqueas moleculas conspersa aliorum miscibilium superato jugo, cæterisque particulis compede injecto, mutata directione ad occursum cæterarum partium coalibitum in proportionem remanentium, confertim in linguæ papillas impellunt, ubi in nervorum filamentis validius infixis salibus, sensorij fibrillas acriter titillant, easdem pungunt, atq; convellunt.

Hujus naturæ moleculæ cuspide terreti, & acuta, & dein corpore instar cunei majorem in molem aucto constantes, adeo ut quovis modo sensorij fibrillis applicatæ ipsas puniendo, & non nihil comprimendo constringant, hunc saporem eminenter ostendunt. Hæc aqueis obvolutæ particulis sanguinis effervescentiam, aut nimiam ejus dissolutionem refrenant, & blando coagulo compescunt. Vel nisi mavis, dicas moleculas acidi esse tetraedras, & non cubas, quæ undequaque suis angulis munitæ, & ab omni parte æqualiter aculeis instructæ linguam facilius vellicent, & quasi pungent. Quod si aliter figuratas esse contendamus, nimirum vel læves, vel terretes, fieri posset, ut acidi particularum facies non angulosæ incidant in fibrillas sensorij, & sic has non diffingant, nullamque proinde vellicationem pareant, quod omnino est contrà acidorum gustus perceptionem.

Si causas mediatas rimemur hujusce crudæ aciditatis illæ videntur attingi, atque chylo inhærere in primis viis perperam elaborato ob fermentorum inertiam, aliarumque liquorum minorem in intestinis volatilitatem acquirenti; qua quidem depravata concoctione chylus non redditur blandior, quatenus ventriculi humor visciditate donatus in tunicas tremoris motus non inducit, & succi digestivi crasim subvertens, falem volatilem, & aquea alimentorum corpuscula non exolvit, undè non laxatis salium calore meatibus, haud in partibus

culas flexiles læves, atque rotundas, sed ad asperas, & inæquales accedens incoctus, & acidis, aculeatisque particulis tumescit, ex quo non nisi incongruus, atque salium, & acidorum enormium particulis refertus, massæ sanguineæ, & languentibus solidis committitur, qui per impetum naturalem sanguinis licet pluribus millibus vicibus per pulmones, & per reliqua viscera, ac partes corporis fluat, paulatim in glandularum lacunis accumulatur, ita ut eodem servato cohesionis momento per minimas acidorum particulas continuò influat, quousque sensum aciditatis excitans, & relinqua cum ipso corripientem, fluidorum præcipuas crases alterare valeat, atque sensum inficere, ut effecto succo jugiter reparatæ labem scorbuticam accersant. Hinc scorbuticorum saliva acida plerumque deprehenditur.

Quandoquidem enim in sanguine depravato recrementa plura acida congeriuntur, quam ut diaphorisi, vel per urinam satis secerni possint, quæ ad oris emunctoria serò irretita detruduntur. Quoniam liquida sanguinis partes componentia, & quæ in cohesionem mutuam nitentia per motum, quoties in acidas particulas abeunt, transeunt è statu durioris in statum liquidioris corporis, omnes illæ liquidi cruoris moleculæ, quibus componuntur, in libertatem, & facto impetu diffractis vinculis in motus majores veniunt, à quibus per resistantiam cohesionis cohibebantur, & producent illos effectus, quos debent ex vi suorum motuum, & figurarum, cujusmodi sunt pungere, quadam cum compressione ferire linguæ villos. Elementa igitur feri partes sanguinis componentia non ab intrinseco in ejusmodi solutionem venientia, sed repugnantia, à causa violenta, & morbosa in illam cohesionis vim coguntur, atque detinentur, quæ ita urget partes ultrò coherentes, ut à prima cohesione se se expedire possint, atque totum mutare compositum per illam occasionem, quæ cogit partes componentes ab illa cohesione cessare, & solutas in novum abire compositum. Quid autem si quid è suave sapidum, ingratiè sapidum, ex non acido fiat acidum? nonne dicetur compositum primum ultrò immutatum, cum effectus, qui in prioris locum succedunt, contrario modo se habeant? sed hujusmodi sunt partes sanguinis componentes, quæ antè illam solutionem sunt quoddam compositum, quod post solutionem.

tionem mutatur; igitur partes illæ in statu fluidorum salium exaltatæ dicuntur mutatæ.

Cum autem nullum compositum per vim insitam destruat, oportebit, ut vis, quæ salina concreta fundit, sit huiusdem liquidis externa, quæ à solidorum ictibus in salia urgentiori impetu nitentibus deducitur; quare facultatis illius momentum, quo concrementa salium à mutuo contactu recedunt, & in cuneos acutos coeunt, momento, quo salinæ partes divisioni resistunt, erit majus. Unde partes salia componentes ex vi huius potentioris causæ se subducere à fusione non poterunt, nisi tollatur momentum illius causæ agentis, & detinentis ad solutionem, aut addatur momentum resistentiæ componentibus salia partibus, ut cogantur à majori cohesionis vi non dimoveri. Ubi igitur salis molecule adhærentes invicem in medio fluidi per motuum ambages attritæ, miris modis exagitatæ, commotæ, contrarioque nisu rotatæ in minima solvuntur, ad eam devenire poterunt angulorum acutiem, quæ superet cohesionis vim aliarum molecularum summè erectis corpusculis resistentem, & suprâ datas partium resistentias vires suas exerentes, exinde ab aliarum commercio liberatæ, & præcipuè à spiritu volatili diffociatæ in salivam turmatim affluent, à quibus ingrâtè sapiens, & accessens saliva emanabit.

Aeris vitio salivam acidam induci nullus crediderim inficiabitur; aer equidem pluviosus laxato fibrarum tono poros, ac meatus cutis suo humido infarciens sanguinis effluvia reprimere videtur: *Aer inquit sanctorius canosior, & ponderosior, convertunt invisibilem transpirationem in hucorem, qui retentus, & deinde non resolutus in cachexiam facescere solet.* Ab eodem inspirato salia, ac sulphura redolente spiritus sanguinis valde deprimitur, hinc salino sulphureis ejusdem particulis sanguinis crasis sensim mutata in ineptim acidam mutatur. Ad talem humorum diathesim non parùm conferunt cibi acidi, sale conditi, acidum foventes occultum, austeri concoctu difficiliore de acidis fixioribus, & succis tenacioribus, ut pisces marini, pastæ farinacæ, participantes, vina austera, animiquæ passionibus.

In qualitate salivæ immutata loco naturalis saporis acidam cum magna aliquandò virium laxitudine, & inappetentia contingit,

tingit, quibus paulatim accedentibus aliis ingruentis mali symptomatis ipse morbus tandem erumpit. Ab acida salivæ impressione in linguæ papillis primò depravatur gustus: à particulis nimirum acido aqueis nervorum papillæ è poris linguæ protuberantes obductæ, acidique innatantibus spiculis salinis laceffitæ ità exagitantur, moventurque validis tremoribus papillarum nervi, ut aliis tremoribus oscillare prohibeantur, undè ex incuneatis salibus in nervorum singulis, non flexis nervis in aliis partibus eadem undulatione afficietur gustus organum. A fassamentis istis acidis effato sero dilutis molles, & spongiosas gingivarum carnes subeuntibus intumescunt fibrillarum earundem fasciculi, qui dein nutrimenti defectu marcescentes à continuo materiæ erodentis affluxu exeduntur, à quorum putrescentia, & humorum à salivalibus vasis exundantium expiratione graveolentem oris factorem olfactamus.

Quia verò ad hoc, ut animal possit ope sanguinis nutrirî, non sufficit hunc ipsum sanguinem esse quidem ex alimentis, ac certa earundem ratione compactum; sed insuper requiritur, ut sit tantæ qualitatis, tantæ nempe molis, ac figuræ ut ex ipsa derivari possit quicquid fluere debet per nutriendos animalis ductus, & quicquid ad ipsius reparationem exigitur. Hinc fit ut quoties quantitas sanguinis cæteroquin in quantitate nihil vitiati ob aciditatem ità immutabitur, ut per glandulosam palati tunicam serpens, ejusdemque substantiam depascens ad usquè illud aditum, atque intimum progrediatur, ut villi, in quo insunt, validius, atque frequentius ab invicem divellantur; undè fibrarum erosio, & ulcuscula in oris cavo luxuriant. Quod si è glandulis non erumpat, sed in canalibus suis subsistendo, eisdemque proindè extrorsum extendendo glandularum folliculos obstruat, vasque nimis infarciat, ut motus sanguinis per vasa propulsi fiat tardior, continget tumor, qui sanguine non fluente ad notas leges sui circularis motus, canales faucium, & gutturis leviter comprimendo, aut ex toto allabentis liquidi influxum prohibendo, coget villos extendi, & à fluentibus humoribus laxari, undè motus respirationis, & deglutitionis leviter lædens spuriam produceret anginam.

• Hæc saburra acida cum viscosis in ventriculo collecta dùm fibrillas

fibrillas ventriculi nerveas irritat, spirituum animalium influxum non solum uberiores ad stomachi membranas promovet, verum ventriculi glandulas infarcit, & in moleculas digestivi liquoris sese insinuans, ita ventriculi fermentum afficit, ut à glandulis expressum, sensum non naturalem producat. In hoc igitur statu non naturali ventriculi per acidi affluxum dabitur ciborum averiatio, cum detur intrà ventriculum id, quod proinde una cum terreis, ac salinis partibus valet intensius vexare, & ita fibras ventriculi vellicare, ut per illum humorem sese in membranas intrudentem aepsia, vel anorexia succedat. Ex hoc chylus minus fluidior, ac purior fæculentis acidis, ac ponderosioribus ad intestina protusus, delusa omnium succorum activitate, lento intestinorum motu, fibrarumque constrictione ad osculorum lacteorum papillas descendit, quorum orificiorum angustia cum ab illis corpusculis, quæ sunt majoris molis, quam quæ discludere, & superare possint vasorum resistantiam, non diducatur; inde fiet ut à lacteorum capillamentis exclusus chylosus succus non possit minoris diametri chyliiferorum oscula ita facile ingredi, sed cum cogatur impingere in profundiores colli cellulas ab ejusdem plicis excipietur, qui sensum coarctatus infectus evadit, & à massa super affluente ita superque turget, ut fibræ intestinorum sensiles perperam distendantur, & humore contento distractæ, atque incuneatis salibus ab invicem divulsæ, impetuque aculeorum laceffitæ, corrugationibus valde molestis, & dolorificis torqueantur.

Ut acidior saliva emendetur, non tantum abstinendum ab acidorum abusu, sed temperanda plantis plerumque odorem actu ferentibus cum suavitate, ac fragrantiam quandam spirituosam, & aromaticam reddolentibus, quæ omnes sulphureis particulis, seu salino oleosis volatilibus abundant. Horum autem aromaticis particulis depressa sulphurea corpuscula in sanguine excitantur, segniterque commota exagitantur: Hinc cohortinatarum partium mechanismus, ac crassis sanguinis quasi fatiscens restituitur: Interim verò cruditas acida ventriculi corrigatur vegetabilibus sale volatili oleoso abundantibus, ejusque fermentum acida quadam, ac terrea constitutione glutinosa torpescens attenuetur, quibus elasticitas fibrarum roboratur, atque iners excitatur digestio.

AR.

A R T I C U L U S IV.

De Salivæ falfedine.

Non adeò acuminatis, qualia in salino acidis apparent, spiculis, falsus salivæ contextus coalescit, sed falso terreis involutis salium particulis emergit, cubis nimirum, quæ planorum inclinationibus, & lineis ad plana insistentibus constantes, in angulos rectos coeunt, seroque salivali confertim innatantes laterum aciebus aculearis sensorium quasi incidendo non nisi falso lapidum saporem imprimere valent.

Ob angulorum rectitudinem salium molecule aqueo latice conjugatæ minus efferam acutiem sortiuntur, atque in linguæ papillas jugiter incidentes minimè poterunt in nervorum pagines vim rigide cuspidis exerere, sed acidorum mole majores, lenique motu in protuberantes nervorum fungulos debiliores percussione impetus exercent, adeoque minus à rectis salium ictibus patietur sensorium, ex quo fiet, ut nec ab enormi fibrarum irritatione à salium acutie inducta diffictus gustationis nervus, nec particularum oleoso levium demulcine oblitus percipiendæ falfedini se se accommodet. Quapropter oportet, ut massa humoralis scatens seroso salinis, falsoque acribus particulis abundans plus minus salis sero solutis per glandulosas, ac pervias palati membranas indefinenter traiciatur, tandemque falso aqueas exuvies in oris cavo abiiciat.

Chylus ob terreo salinam fixitatem liquidi digestivi perpetuam in stomacho conficitur, & intensa biliosi succi acredine imbibitus galaxiam ingreditur, per quam moleculis acrioribus turgidus sanguini commiscetur, à quo reparatus sanguis, & falsæ acrimoniæ depravato latice saturatus faciliè in cacochemiam scorbuticam, aut melancolicam facescit, in qua falso acres particule luxuriant, atque debaccantur. Igitur terrestria salia in sanguine soluta, vel cum chylo falsa acrimonia redolente in sanguinem dejecta salini ejusdem saporis causa sunt, quæ suprà sulphura prædominium potita cum insipidis partibus aqueis separantur, donec pinguibus involvantur, & terreis aborbeantur, quibusque dulcioribus, & glut-

glutinosi irretita particulis, ramenta sua salina demittunt.

Hinc cibi plurimis, atque copiosis particulis falso serosis scatentes, carnes salitæ, pisces fumo indurati, & sale conditi, fervidæ qualitatum miscibilium mutatæ cohordinationes: Ita promptius calidior aer, cujus caloricæ particulæ motu turbinationis agitatur, dum in cohærentia sanguinis corpuscula impingunt, sui impetus momenta imprimunt circulanti fluido, ut intestino motu salini corporis rotatæ moleculæ, aqueis particulis occurrentes ab hisce elliquentur, fundanturque. Unde cohæisionis vi miscibilium salinorum superata resistentia ex motu percussione partium fluidi se invicem attenuantium, contingit salium fluiditas certa proportionem, majorique in seroso aqueis coeuntium, qui in salivali laticæ acervatim collecti, ac sui juris facti, salium promovent apertè saporem.

Sic in febribus diuturnioribus à crebra, & nimia sanguinis despumatione tota humoralis massa vapescens colliquari permittit quicquid acre in sanguine continetur, ut liberè proinde fluat, ducanturque per vasa sanguinis salis particulæ à se invicem discedere, atque mixtionis vinculum dissolvere nitentes, quæ humido agglutinante exolutionem prohibente destitutæ in libertatem vindicantur, & inter quasque fluidi particulas nitendo sanguinem fundunt: qua salium elliquatione in intemperiem nimis falsam, & acrem vergit humoralis massa; undè ejusdem partes salinæ dissolutæ, & cum sanguine fluentes per vasa ad quascumque glandulas corporis derivabuntur, & per illas secernentur, in quibus naturaliter delabitur illa humoris compositio, in quam solutæ partes abierunt.

Inter plurimos morbos à falso acrioris salivæ proventu ortum habentes præter gustus depravationem, quam pluries tetigimus, occurrit animi deliquium, quod quidem succedit quotiescumque à falso serosis salivæ acrioribus redditis particulis orificium ventriculi valde sensibile multiplici nervorum propagine intertextum vehementissimis doloribus afficitur, qui per nervorum furculos acri humore obsessos, & in spasmos concitatos ad cor propagantur, ex quibus contractis cardiaci nervi fibræ in contractione detinetur auricularum musculus, qui cum superari non possit à pressione sanguinis as-

H

fluentis,

fluentis, auricula discludi non patietur, & in contractione persistet; quò fit ut æquabili spirituum, & sanguinis affluxu interrompatur motus, ac sensus facultas simul concidat homine animo delincente. Quando verò huiusmodi liquor acrioribus constans moleculis villos stomachi tantum lascescit, cum ad placidum contractionis motum sollicitat, & tunc solus vomendi oboritur stimulus. Quòd si validius nervi irritati, & enormi correpti crispatione magis, magisque urgeantur convelli, contenta sursum propellent, & suscitabitur vomitus. Ubi autem nervæ fibrillæ spasmodicæ contractionis eludunt impetum, alkaline particule à villosa ventriculi tunica erumpentes undequaque in stomachi villos impingunt, qui salibus sese in machinulas illas intrudentibus adhuc irritantur, stimulantur, & sensim corroduuntur: Hinc ventriculi internæ plicæ valido impetu instructæ inter se mutuo nisu atteruntur, unde Bulimia cum soda originem habet. At quia à continua partium collisione, & mutuo earundem contactu divulsis fibris, perennique acrium humorum affluxu pedetentim aliquid ex ipsis partibus decedit, atque deraditur, villorum compages salibus macerata fatiscit, utpote vi salium, & potentiæ morticis adaucto momento cunei, à quibus molliores substantiæ partes, quæ non tanta pollent soliditate, patiuntur divelli, ut ab invicem distractæ divulsionibus tandem repetitis dissiliant. Cum hac solidorum abrasione inquinatur chylus ab acri menstruo, & à salino acri fluidorum crasi elliquantur sanguinis humores, qui succo acriori quoque restanrati, dum ad intestina uberiori confluxu propelluntur, ea acrius convellunt, & irritant, ut villi perperam laceffiti in validiorem, frequentioreque expulsionis motum concitentur; unde suæ molis, ac figuræ momento humor ille, sive ventriculi, sive aliorum viscerum superabit vim constrictionis intestinorum, cum eorumdem resistantia ipsi superanda, quæ dependet à flexione tortuosa, & eorumdem longitudine minor sit irritantis stimuli, & vis illa, quæ à diaphragmate in intestinis ventriculo alligatis, & musculis abdominis continuò viget, nitetur majori pressione contrà intestinorum resistantiam, & tantò facilius si erit tam acris, adeoque tanto impetu nitetur, ut momento suæ molis intestina distrahare possit, atque dilatare, quod cum fiat deorsum, alvi fluxus continget.

In cu-

In curatione felici hujus salivæ in id nitendum maximè, ut falsa acrimonia in serosa sanguinis parte delitescens non exasperetur catharticis validioribus, sed incipiendo à blando, ac lenienti pharmaco transitus fiat ad attenuantia, desinendi causa in specificorum maxima copia liquidorum lenium facilè meabilium antiscorbuticorum, simulque lenem promovendo sudorem. Hinc liquet cur serum lactis, lac ebutyratum phthisana diluens blandè solvens, humectans huic morbo opem non rarò egregiam præstent. Hac ratione correctioni seri salivalis per sassostrassata, thymum, citratum, acidus succos horæi maturos, rad. elenij, corticem citri, granatorum, limonium, aurantiorum, acetosam, acetosellam, specificis operam dantibus juvamen falsedini certò alaturos crediderim. Præter jam memorata falsæ salivæ ratione conducentia addenda insuper, quæ falsis humoribus prodesse docet experientia, ut pillolæ de cynoglossa, gummi tragacanthum, thus masculum: & sæpius, ut sensim corrigantur peccantes humores, & subindè producendos avertant.

A R T I C U L U S V.

De saliva amaritudine.

INtimus salivæ amaritiei mechanismus exoritur à certa portione, certoque nexu ipsius miscibilium, quorum salino acres, & urinosi volatiles moleculæ motu rotationis, & permixtionis agitatæ, dum in oleoso sulphureas impingunt, sui impetus velocitatem, & directionis nifum deperdunt, ut salium devolutæ moleculæ oleosi corporis particulis occurrentes ab hisce irretitæ refrangantur, undè hebetata salium angulorum acutie, & cuspidibus eorundem inflexis modificantur salinæ substantiæ, quæ non nihil resinosis, asperis, hamulatis aculeis, furcatisque acuminibus gustus nervos divellendo, & sensorium non altè, sed superficie tenus fodiendo, in salivali liquore solutæ in linguæ papillas ideam amaritudinis imprimunt.

Massa sanguinea scorii sulphureo oleosarum partium inquinata, & adustis salium recrementis turgida fluidorum crassim sensum subvertens, cacochimiam biliosam inducit, cujus sal-

næ acrimoniæ corpuscula terreo acidis particulis infricta, ita coctionis vim, & directionis momentum in fibris commutant, ut ad acinos hepatis glandulosos non coercita, sanguinis motu abripiantur in alibiles, & excrementitios succos, qui à partibus salinis non fluentibus per suos canaliculos reparati turmatim in glandulas avolant, ubi aqueis commixtæ in saliva amarorem deponunt. Hinc regio morbo marcescentes sapore amaro sæpè falluntur; acrius enim ab incuneatis in nervorum linguæ papillis salium inflexis, furtatisque aculeis, etiamsi à mellitis demulcerentur nervei funguli, jucundique salium oblinientium delectatione afficerentur fibrillæ, diversus tamen non perciperetur sapor, sed suavia papillas impellendo excitarent infixi salis impressionis impetus, quibus eodem in nervis remanente tremore ex amarulentis concepto, omne dulce linguam quoque blandè demulcens equidem amaresceret.

Quod si hepatis laxata fibrarum crispatione, referatis ductibus, & perviis glandularum ejusdem folliculis adhuc occurrat salivæ amarities, opinari ducor particulas sulphureas, & salino fixas enormiter exaltatas in cruoris massa uberius, ac citius in bilem facefcere, quàm quæ per tubulos felis secerni, aut ab ipsis eliminari queat. Dum cor validius, atque frequentius contrahitur aucto solidorum nisu augetur sanguinis impetus per vasa naturali major, adeoque à celeriori liquorum motu ad latera nitentium particularum cohærentia dimovetur, & nisuum directione commoti salini cunei intrà nexus sanguinis tenuiora coercita salia excluduntur, ex quibus imminuta vi resistantiarum in sanguinis cohæfione, particulæ salinæ sulphureis conjunctæ intrà se invicem exagitant, nitunturque, ut in partes minutas deciduæ ad summam mobilitatem evehantur, atque in poros, & meatus, per quos erumpere possint, ubique novos appellant. Igitur bilis à glandulosis jecuris ob adauctum sui impetus momentum haud coercita angustis, à sanguine cum sero ubique decider, cum quo ad glandulas oris delata erumpenti salivæ tincturam amaram imprimet. Hac de causa in febribus ratione caloris, & motus magis agitantis, fit ut partes subtilissimæ, & summè mobiles vagentur liberè per corpus sanguinis, quæ non cohibitæ à partibus humidis suo frano destituuntur, & nisum quemlibet vehemen-

hementiorem exerentes, citiorem, acrioremque reddunt sanguinem. Posita autem hac fluidorum labe sanguis nactus bilioso acrem indolem, ubique recrementa salium, ac adustorum sulphurum uberius expandens, serum saturabit sensim bilis sapore, quæ in ventriculū repens sursum ascendet per superficiem ætophagi, vel cum sero in glandulis cumulata in oris cavum decidet, inficietque amaro linguæ papillas.

Diutius detenta fluida in salium efferatione per tantum temporis spatium, quantum satis est ut plurimum salis in sanguine elliquetur, illa acri æstuanti, ac præservido indè associata à partibus aqueis sejunguntur, à quibus cum non temperetur eorum impetus, erit sanguis universus in suas partes siccas, & salino fixas, atque mobiles maximè solutus, à quo cum exprimantur salia, & continuò solvantur, non poterit à canaliculorum superficie non abripi, & in naturale liquidum redigi, ut evadat tam fluxilis, tam cohærens, ut pedetentim per vasa circumfluens uberiori amaritudinis penu non elaboretur.

Dùm particulæ salivæ amaricantes linguæ poros subeunt undequaque nervorum fungulos continuò lacescentes ità tenduntur irritatæ nervæ fibrillæ, ut quicquid particularum è cibis latici salivali elicitur suum nequeat genuinum pandere saporem, sed potus, cibique omnes amarore ingrato inquinati creduntur, undè fatiscens gustus falso deceptus amaro dulce exhorret. Hoc sapore infecta saliva in ventriculū defluit, ubi in liquore gastrico exundans molestia afficit ventriculi tunicas, quarum fibrillæ ab acri, & erodente humore sese intrudente in membranarum poros intensius confossæ divelluntur. Igitur excitato sensu erosionis, & punctiōis dolor stomachi, & cardialgia.

Sit insuper humor ità vitiat, ut continuò fibras pungendo cogat spiritus, impetum, & nisum majorem in emissaria nervorum intrà villos muscoli ventriculi constrictoris exercere, ut ab ipsis in perpetua contractione detentus constrictor musculus convelli patiatur, quod statim singultus enormis produciatur. Si verò amarities visciditati associetur, & absumetur humiditas quoscumque villos humectans, produciatur lentor ad arterias, glandularum salivalium obstruens emissaria, à quo impedita saliva, ne liberè fluat per suos canaliculos, proveniet

niet necessariò linguæ siccitas, cujus superficies à fixo, & sicco sanguine hærente ad linguæ canalium extremitates, in lividum colorem abeunte, sensim infecta colore illo, altius in linguæ fibris repente in nigrum facessere poterit. Verò traducto bilis lentore; & viscida, ejusdem amurca intrà ventriculum, partes ejus acriores per ærophagi superficiem repentes non solum palatum, linguam suo amarore, suisque coloribus inficient: Verùm per affluxum biliosi succi in motum contractivum excitabitur ventriculus, qui in valida corrugatione detentus à vellicante, & si minoris quantitatis erodente liquido, cum non possit superare propter adhæSIONem mucidæ bilis ad membranas, resistantiam contractarum tunicarum, spasmodorifico corripitur: ob quam affectionem intensius vexato dabitur ciborum averfatio cum nausea, quæ mutabitur in vomitum, si humor copiosior fuerit, & in totam cavitatem ventriculi uberius derivaverit.

Sedulò perpenfa natura bilis, ejusdemque cominixtione cum saliva observandum maximè si salivæ amarities ex amurcosa bile, viscida, inerti, circa jecur impacta, occlusis hepatis glandulis, sensimque affusa sanguini producat. Tunc huic indicationi satisfaciunt aperitiva stimulantia, quæ figura partium, mobilitate vasculorum, fibrillis, impacta vim eorundem contractilem augendo, succos stagnantes dimovent. Inter hæc eminent salino volatilia acria, salino volatilia oleosa, & aromatica, uti plantæ omnes, quæ sale alkalino, oleosoque aromatico abundant: indè tartarea omnia, quibus accedunt alkalina salina lixiviosa, vel composita, vel naturalia, uti salia exentia, acrium plantarum. Quod si amarities à bilis copia exoriantur, quæ simul acredine peccet, præstantissima erunt, quæ bilem imminuunt, & acredinem temperant, ut decocta ex amaris hepaticis frigioribus Rad. gram. Ruschi Asparagi, cychoreæ, Fragariæ, foliorum Taraxaci, Fumariæ, Agrimonix sem. Alceckengi, additis salibus exentia, plantarum, acetosæ, cychorei, agrimonix &c. exindè tollatur bilis copia à ramis ductibusque hepaticis per emetica antimonialia. Si bilis potentiùs ad os elevetur ob sui volatilitatem auctam, ob copiosiores spiritus volatiles ipsi admixtos, amaritiem ejusdem corrigunt acida tartarea, spiritus minerales acidi dulcificati, indè alkalica terreo fixa absorbentia

ria ut c.c. ebur sine igne, coralia rubra, margaritæ, oculi cancr., Antimon. diaph., Bezoart. mineral, Bezoar martiale. In hoc censu reponuntur acida austerâ, ut pruna sylvestria, succus berberum, granatorum, aquosa quævis diluentia, emulsiones è seminibus frigidis, salina, ut est sal gemmæ, marinus, nitrosus; quod inde totum perficitur alimentis potibusque citò acescentibus, quorum ope sal amarescentis salivæ volatile magis reprimitur, & paulatim emendatur.

A R T I C U L U S VI.

De salivæ dulcedine.

Salivæ dulcedinem constituunt globulosa corpuscula molli-
ter acuminata, ex oleosis flexibilibus moleculis acido acris-
bus salium particulis inter se mutuò agentibus, quæ à deter-
minata partium coordinatione resultantes, ac refracto sa-
lium nisu se invicem attemperantium exortæ, peculiari inter
se combinatione in aqueis, insipidisque corpusculis dissolvun-
tur; quorum salium asperitates sola particularum collisione
nulla edulcorantis cujuscpiam facta additione ad sphaeram acce-
dentes ferè omnem acrimoniam exuunt. Hæc enim salivali li-
quore commixtæ fibrillas linguæ impingentes molliiter nervo-
rum papillas titillando oleosis salibus succulentam grati, sua-
visque saporis substantiam organo gustus exhibent. Non secus
à testante Boyle de Mechanica saporum ex insipido corpore,
summeque corrosivo substantia dulcis elicitur. Scellectum
enim minimum si purificatæ aquæ forti, aut spiritui nitri affun-
datur, donec in se mutuò calore agentibus, requisita metalli
portio dissoluta fuerit, menstruum instar sacchari dulce suppe-
ditabit.

Chylus itaque pluribus refertus particulis salino acidiusculis,
oleosis tamen quibusdam, & mucilaginosus involutus in
sanguinem ab aqueis dissolvitur, jugiterque irrepens ob par-
tium ramosarum intrâ viscosas unionem, substantiam con-
gruè mollem, æquabilemque salis, ac sulphuris gustui exhibens
linguam quodammodò oblnit, ejusque partes blando
tractu præterfluens leni titillatione afficit, lenique affructu
sensorum titillat, ut exinde resolutis per sensorij nervos in
molles

molles aculeos particulis antea implexis jucundus voluptatis sensus excitetur. Hæc euchiini succi substantia à motu cordis ita exagitur, ut longiori inter partes sanguinis attritu, & valido ad vasorum latera per repetitos circuitus allisu naturale ejusdem gluten perpetam elliquetur, à quo turpiter fuso collabentes partes non inflantur. Succus iste primum sanguinis rudimentum in minutiores particulas divisus relinquit flaccidorum villorum cava, in quorum sacculis diutius detineri non potest. Hinc ratione minimæ molis, & tam paucas inter illius componentia cohesiones oleosæ chyli partes fluido eo confusæ ad tantam solutionem rediguntur, ut eodem impetus momento non major resistantia paretur à partibus chyli gelatinosis, quàm à particulis aquæ, non erunt majoris molis, nec minoris, aut majoris momenti, ut ad glandulas salivales simul urgeri non possint. Quoties igitur sanguis aqueis chyli moleculis plurimum scatens, aut non poterit extendere vasorum lateralium sacculos, aut à distenso sacculo vi fibrarum compressus in venarum oscula rapi, urgebitur quidem tanto impetu, ut possit ferri ad inflandos sacculos: At cum major sit circulantis sanguinis impetus, quam visus minimarum particularum componentium in cava fibrarum nitentium, particulæ illæ habebunt eam diametrum, quæ ad villorum poros permeandum requiritur, sed ulterius circulates eò usquè dividuntur, quousque impedito in solidis partibus irroratu, cum sanguine refluentes à salivali menstruo possint absorberi, ut suavioribus corpusculis, seroque innatantibus turgidula saliva dulcedine nauseosa corripitur. Quod si fluor lactescens ob particulas diversæ gravitatis, ac potentiaæ fluido universali confusus, & vertiginoso motu exagitatus, nullam sui patiatur mutationem, sed per universum corpus diffusus ostiola tubulorum salivæ inveniat plus justò patentia (antequam particulas nutritias partibus cunctis attulerit, cunctaque viscerum fermenta, atque utiles humores reparaverit) per ipsa conferim effluet. Laxatis enim tubulorum fibrillis ob naturalem tensionem, & villorum tonum collabentem, corruunt fibræ folliculorum salivarium circulares, quæ cum repellere non valeant impetum impingentis fluidi, & in pervios glandularum poros erumpenti chylo contraniti, aqueus humor cum volatilibus salibus, atque oleis tenuioribus cum paucis acidis, ac

terreis

terreis implicatis in salivam mutabitur.

Inter causas externas hic occurrunt potus, cibique errores, qui cum plurimi præcesserint, quales certò sint, non est operæ prætium determinare. Aliquandò febre tertiana laborantes dulcedine admodum fastidiosa afficiuntur succis primarum viarum depravatis exorta, quod Borrichius in ephemer. Natur. in muliere post febrem quartanam tertiana correpta observavit.

A dulcibus salivæ particulis flexibilibus nerveas linguæ papillas blandè titillantibus non solum lenis spirituum animalium motu dulcedinis idea in anima excitatur, ut omnia ingesta dulci sapore prædita reddantur: sed ab hiiisdem acido acribus refractis, ac remissis salivæ corpusculis jugiter in ventriculū deglutitis, atque à reliquarum particularum conjugio liberatis nervorum fibrillæ molestis vellicationibus afficiuntur, ut à stimulo irritativo contractionem sui convulsivam patientibus nausea corripiatur æger. Et cum intima ventriculi superficies obducta sit glandulis, in quibus secernitur humor salivæ similis, qui ejus tunicis inhærens, dilabens, sensimque repens easdem quoddammodo convellendo producet sensum summo cum fastidio, quod propter paucitatem, & inertiam spirituum in angorem stomachi mutabitur.

Gastricæ hujusce lymphæ molli, & flexibili molecularum contextu combinatæ digestivas vires facilè eludent alimentorum resistantiæ, quorum cohærentes particulæ intrà ciborum nexum coercitæ retuso menstruo reluctantur, & inertes solventis cuneos hebetant; undè non dimotis ipsius solubilis particulis, nec alimentorum compage intestino motu resoluta, eorundem concoctio imminuitur, atque depravatur. Cum autem ciborum in stomacho incoacta dissolutio sit ad chyli elaborationem ordinata clarè patet, si alimenta non fuerint satis in ventriculo dissoluta ab hiiisdem non posse elici particulas ferofo gelatinosas, quæ in chylosam substantiam mutantur. Quoniam verò suprâ sulphura salibus prædominio potitis liquores prius dulces fiunt acidi, ut Piso in Brasilia observavit succum ex quo sacharum concrevit à plantis elicatum intrà breve tempus acescere, ne miraberis si in hac chyli morbosa dyscrasia cum acido motum turbinationis, atque ebullitionis dulcia, & sacharina ineuntia dolorosas in late-
ribus

ribus cieant commotiones, appetitum compescant, ruptus indorosos excitent, ac flatulentias.

Hanc dulcedinem salivæ nauseosam corrigent in primis acida, subinde amara. Quoniam sive extrinsecus ab aere, sive intrinsecus à motu certus caloris gradus, certaque internarum partium salivarium constitutio exoritur, quæ varia ac imperceptibili transcurfione eadem mutuo sibi allidens tenuior, mollior, minus rigida, atque magis quam prius congrua fit, corpusculis salivalibus imprimitur ille motus, à quo non acriter, sed blanda, lenique titillatione afficitur gustus organum. Hoc ex eo conicere licet, quod sales vegetabilium salibus asperiores aciem suam, atque saporis acrimoniam sola particularum collisione exuentes, in substantiam mitem gustui gratam penè dixerim reducuntur. Quod autem ab acidis, & amaris elicitæ corpuscula chylum congregientia, tenaciorem, quàm prædicta dulcia corpora solent, linguæ saporem imprimant, mirum nemini videri poterit, qui advertere voluerit, quousque sola constitutionis mutatione, mutuoque partium inter se conflictu dulcis corporis particulæ, ab amaris, & acidis corpusculis penetrentur. Acuentur enim corpuscula dulcia, & compositum salivale mutabunt. Hinc acido salsa, ut tartarea, vitriolata, elixir proprietatis saporem ingratum, & nauseam dulcedinis emendant.

A R T I C U L U S VII.

De saliva præter naturam. Prout habet rationem remedij, ac motus critici in morbis.

Non aliundè Medicorum impatientia tam apertè cæcutit, quàm ab attenta motus critici lædentium, & juvantium speculatione neglecta, aut in ambiguitatum obscuritate latitante minimorum quoque exactissima perquisitione non æquissima lance perpenfa. Quisquis enim artem faciens absque sedula remediorum, & motus naturæ contemplatione peritus, est furibundus, atque cum ense cæcus in hostem gladiator, qui in minutiis cespitans, veluti spretis insolitæ flammæ scintillis, incautè suæ famæ prospiciens, magnum, tam ad ægri salutis

salutis jacturam; quàm nominis medici ruïnâ sæpè excitat incendium, quòd miserrimè serpens medentibus inscitæ notam quotidie inurit. Hinc in hac longa remediorum cognitionis experientia superbire senes, ingenio, & perspicacia æmulari juvenes juxto meum in magnam admirationem ità rapit ingenium, ut tanta nostri sæculi felicitate in hac arte quandoque oculatum tyronem (qui variis Mathematices præceptis, utpotè statices, hydrostatices circà structuram animati corporis rectè philosophans humanum corpus in structura æquè, ac in effectibus à tali structura pendentibus numero, pondere, & mensura rimatur) valere credam, quàm magistrum non curantem, qui dùm insolita naturæ tentamina observat, indebitis remediis status, rectasque naturæ motus perturbat. Hujus inquisitionis severitatem dùm per ratiocinia attingere non possumus, à tali expulsionem morborum allevationem, vel eorundem recrudescentiam religiose observare debemus, ut ab illo motu non divertatur natura, aut removeatur, ut exindè præcepta ad exornandam praxim eruamus. Cæcutiente igitur in arditis morbis ratione, conatus naturæ, utcumque fuerint detegendi, nullisque inanum speculationum fucis adulterate menti proponendi, ut olim asclepiadorum more eleganter sine coloribus pingentium, quicquid obscurioris morborum causæ inest, per certam, constantemque morborum crîsim feliciùs eruatur. Medentes itaque plùs quàm par est in theoriarum elucubrationibus luxuriantes indigestis cogitationibus sapient, nisi diuturnæ insolitæ criseos contemplationi in exercenda praxi omninò se commiserint. Morbi enim absconditum quid sunt, sive ut Hipocrates *divinum quid in morbis inest* suasque causas modis tam reconditis, & ab humana mente adeò remotis involvunt, ut difficile sit quidquam in illis investigare, nisi attenta, & nunquàm intermissa circà morborum judicationem adhibeatur observatio, in qua si consensceret Medicus prognosticandi disciplinam observando acquisitam apprimè caleret. Quare summo perè mihi arridet in morbos illos, qui per salivationem judicantur, detegendos, laborem impendere, ut indè post sedulam accidentium contemplationem ad rationalem disciplinam reducantur. Natura enim, quæ est omnium morborum vera medicatrix prò sanguinis despumatione, & effæti humoris evacuatione salivationem se-

ligit, & oliginofas exuvies ad has glandularum falivalium fyrtes nonnunquam deponit. Ità febrem ardentem naturali pthyalismo profligatam exhibet Guer. Rolintius ord. med. lib. 3. vertiginem falivatione spontè orta folutam observavit Nicolaus de Blegni zod. Med. Gal. annot. 1. falivationem naturalem in pthili falutarem observavit D. Joannes Paulus Vulfflain Archiater Cæfareus, & Academiæ naturalis Curio. ephæmer. diligentissimus in dec. 2. anno 1. miscel. nat. cur. observat. 122. & scabiem sædam in milite oborta falivatione nullo alio præsidio adscito sanatam cum D. Hieronimo Baruffaldo notavit Joseph Lanzonus. Sylvius Deleboe *contingit ait quidem aliquando licèt rariùs falivatio spontè, quod in hisce regionibus factum observari, & quidem cum notabili agrorum commodo, & liberatione à morbis cronicis à pituita semper pendentibus. Sydnammius in febre continua annorum 1667. ait pthyalismus quandoquè copiosus sub finem accedebat si nempe nulla insignior præcesserat evacuatio, atque ægro julapia refrigerantia imperata fuerant, quo quidem si nec evacuationibus, nec usu medicamentorum calidorum fuerit interceptus, morbus ultra spem omnem fugam sibi querebat. Nobis contigit sæpè mulierem Hystericam spasmodicis affectibus passim recrudescentibus fori suborta falivatione promptè relevatam, observasse.*

Hic falivationis spontaneæ motus optimè cessit in horum morborum curatione, ad quam quidem aptus natus præ cæteris mihi videtur, cum ægris noctu, diuque miserrimè per annos excrutiatis levamen attulerit. Natura peculiari quadam lege morborum causas evellit, nisi medicus inteinpestivo, ac stulto remediorum usu criticos conatus turbaverit. Sic subdit lauridatus Sydnammius. *Tam verò ut supra monuimus, febris hujus solutio ut etiam variolarum (que soror eius germana meritò audiunt) per falivationem non raro fiebat, que quidem nunquam non salutaris fuit, ità ut eadem liberalius prodeunte tam maculas revera purpureas, quam febrem ipsam evanescere oculis viderim meis. Oborta itaque falivatione nulla omnino evacuatio convenit, nec que vena pertusa, nec injecto que sit enemate; omm ab utraque periculum sit ne humor aliò divertatur. At serum lactis, atque alia refrigerandi vi pollentia necessariam in falivatione elicienda operam navabunt, ut contra cardiaca, & quacumque alia calefaciebant materiem impissando, ejusdem eductioni officiebant.*

Nec

Nec mirum sit ægros ab effectibus cronicis salivatione spontanea feliciter evadere, si diuturni morbi à sero acri saluginoso falso acido, falso moriatico, fixo volatili glutinoso, in massa sanguinis redundante plerumquè excitantur. Sanguis salibus turgescens ad salivæ glandulas dum copiosius impingit, à sero sensim adventante, & à sanguine perpetim urgente distenduntur. Cum enim novus serosus latex ad dilatandos glandularum folliculos, in quos nititur, pervenerit, cum liquore in illis jam contento commixtus vim supra expansarum fibrarum connisus, facile exeat, adeoque nullo glandularum salivæ orificio, earundemque fibrarum fasciculo cohibitus sese in fluoris motum vendicat, cæterarumque fibrarum jugo excusso in qs indefinenter erumpit, & humores serosi acres nunc fluidiores, nunc tenaciores cum ægrotantium commodo ex ore fluunt, exciduntque.

A R T I C U L U S VIII.

De Saliva ut signum.

Nullus ferè morbus ægrotos inopinatò perimet, si sedula salivæ observatio, & attenta linguæ inspectio, utpotè, quæ lymphæ, sanguinisque statum certiùs ostendit, & morbos occultos, eorumdemque difficilem solutionem denotat, medentes consulat, quos per salivam diligenter singulorum morborum naturam expendentes, tantoque signo praxim locupletantes, nullus falsitatis, aut ignorantiae accusabit, nisi qui artem prognosticandi deridens, hanc incertam medicinam pronunciet, quo fit ut impetu animi de hac differens ingenio suo, & inutilibus commentationibus magis addictus, quam naturæ monitis innixus, Hipocraticæ sectæ criseos, & coctionis leges adamussim speculanti, quæ tantoperè viguit, ruinas adstruat, & etiamnum calumniis proscindat. Quamobrem ne medentes ignominia obruat, eventuum morbi prænotionem medicis maximè opportunam fore arbitror, ut si homo aliquo pernicioso morbi turbine fortè coniciatur à medico naturæ vaticinio instructo procul prospiciatur; & ut hujus artis nautica peritissimus scopulorum, & syrtium prævisor, ventorumque, cælique aspectus observator futura cognoscat, ne
nova,

nova inopinata ingruente tempestate opus improvisò refina-
quatur. Ut igitur ad praxim nos via stabili exornandam di-
rigamur, impavidique reddamur in præfagiendo morborum
eventu, ne aliquis contrà medentes cæcus imperitorum impe-
tus fiat, per longos, & patientes experimentorum decursus,
& juxta veterum monumenta prognosis instituitur, quibus ad
exitium ægrum tendere, vel ad salutem prævidentes medicor-
um existimationi consulere videbimur, nec de futuro damno
inculpabimur; undè medicine parens Hipocrates lib. prænot.
hæc habet: *Cum etiamsi divinum quidpiam nobis inest, huius quoque
prævidentiam perdiscere. Sic enim optimo, iure, & admirabilem, &
bonam se præstabit Medicus: Quos enim superstites fore cognoverit, eos
rectius quoque servabit, utpote ex multo tempore singula consuetè perpen-
dens. Itaque morituros, victurosque præsentens, atque denuntians om-
nem prorsus calumniam vitabit.*

Idcirco ut morborum eventus, ex saliva nobis innotescat,
Hippocratica observata novis experimentorum additamentis con-
firmata perquirere licet, quibus occasionem præbet in obser-
vatis Hippocratis moriendi cupiditas, & indè dolorem capitis
primò experientia consulendi, quem levare à sputo crasso, &
non olenti in Coac. prænot. docet, ubi ait Hippocrates. *Capitis
dolorem solvunt sputa crassa, & non olentia.* Quoniam decubitus cu-
juscumque humoris tenacioris lenti motus crassi, frigidi ad
membranas cerebri, sive pericranium, tanti est visus, ut
membranæ, & nervorum fibrillæ ita comprimantur, urgean-
turque, quousque in hac positione sistant, absque majori fibra-
rum divulsione non possunt, neque compressi villi contrahi,
nisi per copiosorem spirituum influxum compressionem illam
superantium, nec spiritus per compressos nervorum tubulos
fluere possunt, nisi violento, & majori nisu in motum rapiant-
ur, quorum motiones à pressionibus provenientes, augent
tremorem in fibris momenti plius, equo majoris, à quo des-
siliantibus quaquaversum villis, majori cum impetu cerebrum
concutientibus, derivatur dolor. Ab hac doloris vexatione li-
beratur æger si humor summæ inertie in partibus minimè
pressionis consistens, vel villos cerebri comprimens in sangui-
nem traiciatur, qui per sanguinis circuitum tandem produci-
tur ad salivæ glandulas, ex venis in arterias, ac demùm per
has in glandulas derivatus. Igitur si copia humoris in saliva-

les glandulas è cerebro trajecti sit crassa, & suis partibus maximè cohærens, diffluet à capite doloris materies, adeoque levabitur dolor. In quibus enim sputum olet, cum id quod intus remanet putrescèri valet, ferè sphacellari, vel saltem corpus occultè infici portendat, suspensam semper attingit bonitatem, nec remittitur dolor. Prò hujus textus coronide inquit Hipocrates de morbis acutis *Si è naribus effluxerit sanguis solvitur agritudo, atque si sudores supervenerint indicatorii cum urinis albis, crassisque, & lenibus subsistentiis, & si abscessus aliquis factus fuerit: verùm si absque hiis solvatur, revertetur agritudo, vel coxa, vel trus dolebit, expuetque crassa, si sanus est futurus.* Cum in morbo acuto humores nimia effervescentia commoti, torpidi, aut parum mobiles per vasa nituntur, cave ne stulto, ac intempestivo purgantium, ac diaphoreticorum usu motus naturæ divertas, in quibus si quiesces, paulatim relaxato solidorum tono, orietur laxitas debita in humorum fluentium compage, quibus mutato inter fluidorum impulsu, & solidorum pressionem inæquali æquilibrio, liquida hinc illinc quo debent, excurrunt, celeritate fibris proportionata, circum quas dum pererrant, nituntur in arteriolas quaquaversum: Undè si occurrant vasculis capillaribus narium tenuiorum, vel à membranarum porulis colligantur, aut ad glandulas urinæ, sudoris ità impingant, ut substinere impetum illum non possint, in forma sanguinis, aut aliorum crassamentorum secernuntur, indeque morbus perfectè tolli aut subigi poterit. Verùm si absque hisce solvatur, quia videtur potius sopita quam resoluta causa morbifica, protinus revertetur agritudo, vel coxa, vel trus dolebit, & tunc si evadet æger, & sanus sit futurus expuet crassa; cum juxta Hipocr. de morb. *signum concoctionis sit crassities in urinis, in ægestionibus, in sputo, & in pure.*

- De sputo autem hìc maximè solliciti sumus quoniam humores mille modis, & gradibus virium inter se miscentur, undè diversitas accidentium in morbis à diversa permixtione humorum exorta non semper idem indicat. Hujus salivæ proventus in mentis torpore occurrens cum à maximè flaccidis, & concidentibus glandularum villis cohibeatur ità; ut per membranarum mollitiem fluere possit quantum seri opus est ad generationem salivæ naturali quantitate majorem, fieri non potest, ut solida nervorum partes ad mollitiem naturali
majo-

maiores reddatæ in undas veniant sensibus excitandis necessarias : hinc lethargus , cuius signa describit Hipocrates lib. 2. de morb. *Tussis oboritur , & salivam sputat multam , ac liquidam , & nugas garrit , & ubi nugari desierit , dormit .* Ex lethargico autem salivam multam sputante tam apertè patet humorum frigidorum collectionem esse veri lethargi causam , ut nihil sit opus in causarum examine ulterius immorari , eoque magis quod si quid esset explicatu difficile , facilè ipsius necessitas ex Hipocrat. lib. 3. de morb. curam tradente explicatur dum ait *Ut plurimum sputat , & calefiat , & à vino abstineat .* Cum autem partes flaccidæ , quæ particulis suis minùs cohærent , quàm in naturali statu , cedant per minima , & vix restituantur propter molliem , quæ à crasso lentore cerebri glandulas infarciens provenit , si fortè contingat , ut molecule salivæ , quæ fibræ nimio saturatæ molliem acquirunt , cum sanguine ita fluere incipiant , ut confertim separentur in glandulas , dura , piaque mater elatere prius relaxatum acquirens remorantis fluidi resistantiam superat , quâ ratione intensis crispatisque fibris oscillatio villorum cordis , meningum , pressionibus æquilibrata sanguinem æquali motu in girum propellit , unde salivæ fluxus lethargo superveniens afferret spem salutis .

Ut verò ob salivæ copiam Caput infarciens evadit homo lethargicus , ita dum exiccatur in ferocientem delirium rapitur , quod falsus est Hipocrat. in prædit. *Lingua aspera , & ressicata phrenetica sunt .* Quoniam in phrenitide ab humoribus solutis in calorem abeuntibus excitata sanguis toto impetu iactus per universum corpus celerrimè rapitur : Ex illa partium minimarum attritione exuberans calor , cum absumat quicquid humidi inter duas quasque sanguinis particulas continetur , non affluere permittit illud liquidum ad glandulas , quod cæteroquin à partibus humidis non disjunctum continuò impelleret , adeoque destitutum suæ lymphæ vehiculo urat oportet villos linguæ , cuius cilie adusto sanguine combustæ summè arefcunt . Per calorem autem ressicatis linguæ papillis earum pilli in superficiem asurgentes penuria humidi invicem sejuncti instar cunei digitos feriunt : Hinc arefcet lingua , si phrenitis orietur .

Capitis morbis succedit faucium inflammatio quæ in Hipocrat. lib. 2. de morb. habetur *Febris , & dolor concipit , & fauces inflam-*

inflammantur, itemque maxilla, & salivam deglutire non potest, sputum autem crassam, ac multam, & difficulter loquitur. Quoniam in angina humorum copia ad fauces ita subsistit in canalibus suis, ut minus vividè in fluxum acta, vel arteriolas distrahat, vel è canalibus in interstitia derivata vasa infarciat, in quæ depluit, adeò exundat in glandulis ad summum æxophagi positis, aut laryngi proximis, ut ad quem cum hient glandularum ductus in os ducentes, materia quælibet salivæ ad lacunas glandulosas perducta, ibidemque pressa per impetum sanguinis superaffluentis exprimitur: & quia ratione pressiois, & humorum copia musculus ad basim linguæ, crassus, lentisque humoribus obrutus planè pervertitur, æquò flaccidior nervus erit, adeoque ita concidet, ut prohibeatur linguæ motus, undè sputum crassum, & difficulter loquitur. Sputa autem viscosa, crassa, valdè alba, quæ violenter educuntur mala sunt inquit Hipocreat. in Coac. prænot. Si igitur obex inflammationis, quo impeditur, & retardatur motus sanguinis per arterias sit tantus, ut per continuum sanguinis affluxum à minimis canaliculis tenuior pars subsistentis liquidi exprimitur, vel in motum ducatur, remanebit Siccitas, quæ coget villos, ut humoribus affluentibus non cedant, eoque magis lentor cum siccitate conjunctus fiet minus ad motum facilis, qui connitentibus fibris subsistere cogetur frustra nitens in fluxum agi; per continuam autem, & validam fibrarum oscillationem toto impetu exprimitur crassior, & viscosa saliva, quæ violentereducta cum ostendat fibram non laxari, humores non concoqui, mali omnis esse videbitur.

Quanti fecit Hipocrates ut in angina saliva fluat, apparet in 2. de morb. ubi ait. Si saliva supprimatur mirti ramulum complanatum sumito, & tenera ipsius summa parte incurvata, & molli lana obvoluta in fauces immissa salivam expurgato. Si materia salivalis ex suis canalibus in glandularum cavitates derivata adeò villos glandulosos infarciat, ut humores retrò urgentes ad fauces subsistere cogantur, adeò præ humorum copia tendentur villi, ut per continuam, & validam distensionem jugiter in distractione persistentes inepti expulsionis ejus materiæ redantur; natura propter copiam ejus non valet ipsam totam secernere intra illud temporis spatium, quo ex fluido sanguineo eandem recipit angina velocitate minori instructo, quæ

si confertim proliciatur à mirti ramulis, statim deplentur vasa, quorum fibræ nimio fluido eas distendente depletæ, ità assiduo motus exercitatione roborantur, crispantur, ut per fortissimam illarum fibrarum constrictionem majori velocitate, ac impetu excurrat sanguis, cuius subsistentes ad fauces moleculæ, vel ad contactum fibrarum circulantæ, tardiorique gradu progredientes ad solidi leges recipiendas ulteriùs aptæ pressionibus subiciuntur, & à vivido fibrarum elatere, ac proinde potentiori resistentia fluidi impellendi vi, hinc indè exprimuntur: ex quo Hipocratis consilium ex voto succedit. Deficiente autem ex toto saliva in angina summa perniciēs est, de qua Hipocr. lib. 3. de morb. vulgaribus ægror. 7. ait illius anginosa, quæ apud Britonem aiebat primum à lingua caput vox esse obscura, lingua rubens desiccata erat primo die, horrida intaluit, tertio rigor febris acuta: tumor col:, & pectoris ex utraque parte, subruher durus, extremitates frigida, & livida, devorare non valebat, dejectiones, & urina subsisterunt, quarto cuncta exacerbata sunt, quinto perit anginosa. Hæc fæminæ apud Britonem agentis genuina faucium inflammatio fuit, & fortis, in qua à sanguine niten-te propter obstructionem ad fauces erubuit lingua, quæ magis sicco per vim caloris proximè ad fauces hærente lentore liquidiores salivæ partes absumente desiccabatur, in qua quoniam à siccitate fibrarum, aut per solam compressionem nervorum, tum obstructionem vasculorum, qui ad linguæ basim ducuntur, poterat impediri, aut tolli motus ipsius linguæ adeoque primum à lingua caput vox esse obscura. Penuria igitur salivalis laticis desiccata lingua, humor calidus, & valdè acris cumulabatur intimè intrà colum, qui ad interiora aequè, ac ad exteriora excrescens ità comprimere potuit arterias carotides, & urgere canales faucium, ut intrà ipsos subsistente sanguine, & deorsum percussio extuberaret tumor pectoris ex utraque parte subruher durus, qui pulmonum fistulam comprimens ex-eursum aeris ità prohibere potuit, ut respirationis viâ occulsa spiritus sublimis educeretur. Undè defectu motus sanguinis in refrigeratis extremitatibus, & quiete eius livescens, cum quarto cuncta exacerbata fuissent, quinto perit.

In raucedine sputa viscosa salsumosa multa subdit Hipocr. in Coac. pranot. quoniam intima tunica aspersæ arteriæ confertissima est glandulis, quæ subviscidum quodam, & mucaginosum

sum perpetim affundentes, adeoque in cavitatem ejus derivantes, jugiter fistulam pulmonariam lubricantes emolliunt: si igitur copia humoris è vasculis sanguinis in glandulas trajecti sit tanta ut tracheam, & glandulas omnes inundat, atque suis partibus maximè cohærens difficilè disfluat, ut ipsas multò magis afficiat, debitus lymphæ proventus asperam arteriam humectantis non solum intercipietur, verùm relaxabitur, vel constringetur tunica glandulosa, & partes glandulosæ circa superiora asperæ arteriæ sitæ magis intumescunt: Hinc fiet defluxio in vesiculis pulmonum, undè rauco, quam excipient sputa viscosa à lymphâ magis compacta, & in glandulis stagnante, indè salsuginosa ab acri humore, & solutis salibus exorta.

Cum autem glandulæ asperæ arteriæ sint maximè molles, & ab hujusmodi humoribus vellicabiles, atque solubiles, faciliè irrepet tabes, si salium soluta compages cum lentore combinata in vesiculas pulmonares diffuens prò diverso acrimoniæ gradu partes solidiores pulmonum corruperit, unde *sputa viscosa, & salsuginosa mala*. Si majora quæris plurima pulcherrima vide in Coac. prænot.

Quibus pleuriticis in principio lingua biliosa sit, bi septima die judicantur, quibus autem tertia, aut quarta die circa nonam. Lingua biliosa, & crassa quoniam materiem crassiorem intra pulmonum arteriolas cumulatam è vasculis dissolvi, & ad concoctionem tendere significat: si hujusmodi linguæ color contingat circa initium morbi, quò scilicet tempore non nisi parva materiæ collectio facta esse potest, nec membrana pleura violentiorem distractionem passa est, septima die morbum judicari indicabit. Bulla verò sublivida oriente in lingua in principio qualis est ferri tincti in oleum difficilior solutio contingit, & judicatio ad decimam quartam diem pervenit, sanguinem autem plerumque spumant. Cum autem color obscurus, & nigro oleaginosus arguat, & lentorem humoris, & cruoris nimiam densationem, & pravam quantitatem ejus, quæ difficilè subeat pulmonum canalialia, & difficilè ab illorum tunicis divellatur, non ità faciliùs discutietur, unde pulmo pressus à distracta pleura redditur minùs aptus extensioni, quo fit, ut vasa sanguinis pulmonum ità comprimantur, ut ex hiis exprimi sanguis possit, vel à compressis vasculis ità retineatur impetus sanguinis, ut intra ipsos pul-

mones detineatur, quo sistente, & novo semper, ac semper impingente sanguine ita divelluntur per minimas partes vascula, ut distractionis nifum substinere non valeant, undè sanguinis sputum plerumque contingit. Indè *peripneumoniciis, quibus lingua tota alba, ac aspera fit, ambæ pulmonis partes inflammatae sunt.* Linguae membrana cum interiori pulmonum, quæ bifida est, continuata juxta pulmonum inflammationem exasperatur, ac exsiccat, quæ indè in ipsa sicciore salivæ parte ob humidum crassum inter papillas ferè magis hærentem, ac spumescentem albescit, cum quod humidius est, ac tenuius abeat in auras. Hinc cum admiratione, & maxima cum voluptate hanc distinctionem notat Verna de pleuritide in qua Hipocr. lib. 1. de morb. si contingat nimia salivæ copia, ut æger expuere nequeat suppurationem formidat. *Pleuritici præ salivæ copia expuere nequeunt suppurati fiunt, & partim pereunt, partim evadunt.* Humiditas enim nimia villos ad laxitatem disponens parit concidentiam membranarum, & dilatationem glandularum, quæ ratione minimè virtutis, qua villi ad mutuum contactum nituntur, & ab illo dilabuntur, à quocumque lentore faciliùs occluduntur, undè laxatis villis nimio humore irrigatis, & occlusis canalibus impetus sanguinis minor redditur crassitie, ac torpore suarum partium per additionem humoris, ad pulmones fluentis, qui cum subsistat ad partes minoris impetus, nisi poterit è vasis dissolvi, nec à vi pectoris ab imo pulmone sibi viam aperire ad usque superficiem pulmonis, transibit in suppurationem, cuius humoris in cavitatem pectoris defluxus, si extendatur supra universam pulmonum superficiem à singulis ejus folliculis exsudans poterit usque ad fauces parvo cum impetu reddi, adeoque ægrum evadere. Quod si suppuratus humor statim per sputum non reddatur, producetur ulcus pulmonum, vel vomica, sinus nempe magnus, qui putrefactus demùm in lethalem lapsum terminabitur. Undè Hipocr. de morb. de peripneumonia ait. *Quod si saliva non probe piogetur, & spiritus fuerit frequens, prædicendum est nullam spem vitæ reliquam esse.* At verò de locis in homine cum in thoracem fluxerit, & bilis fuerit, ex hoc manifestum fit, dolor lateris mollitudinem occupat, & claviculam ejusdem partis, & febris adest, & lingua superne pallida, ac viridis fit, & excreat impacta, hujus morbi periculum septima, aut nona die instat. Si igitur supprimeatur inflammatio, & pars pulmonis affecta fit sub

tunica,

tunica, vel in imo pulmonum, adeoque undequaque à pectore prematur pulmo, ut à folliculo, vel à membranis pus exsudare cogatur: Hoc cum ab impetu sua gravitate minori non reddatur per asperam arteriam in cavitatem pectoris colligetur, quod inde manifestabitur à dolore lateris mollitudinem occupante non sine febre, ac lingua viridi, ac pallida, quæ illo colore afficitur, quoniam summè viscida saliva ita resistit remotioni ab interioribus linguæ papillis, quibus allabitur, ut minimè ab ejus tunicis divellatur; cui si obstructione pororum aucta admisceantur particulæ biliosæ, color ille pallidus in viridem abit, quod in septima, aut nona periculum adesse denunciat.

Signa ex saliva hydropico salutem indicantia scribens Hippocr. in prædit. ait. *Neque sitim esse in hydrope oportet, nec linguam resiccare.* Quia ex vasis lacteis, vel lymphaticis alteris, aut simul utrisque divisis, aut apertis serum à massa ejus dissoluta nimis deciduum, vel chylus è propriis ductibus effusus ventris imini viscera plerumque in hydrope inundat, aut sanguinis pars aquosa ab osculis nimis laxatis vasorum exundans in viscerum cavitates, aut membranarum lacunas extravasatur, non potest humor ille serosus ad totum corpus, & præcipuè ad salivæ glandulas distribui, undè sitis adest, & lingua arefcit. Sitim verò non esse, neque linguam resiccare, cum denotet sanguinis cursum non præpediri, nec serosum humorem intus cavitates coerceri, bonum omen portendit.

Quibus febrientibus cibi fastidia sunt, & oris ventriculi morsus, & multum saliva iis vomitus fit in Coac. prænot. habetur. Quoniam etenim per statum febrilem sanguinis ratione partium terræ præcipuæ, ac salis, quæ licèt multa saliva dilutæ, minùs tamen, quàm par est temperatæ per humidi admixtionem ad minima non dissolvuntur, nec in liquidum rediguntur, fit ut non evadant tam fluxiles, ut resluere in sanguinem possint, sed exprimatur solum ab illis, quicquid est liquidius: adeoque cum à superficie ventriculi divelli, & abripi non possint, liberius vellicabunt, & acrius urgebunt ipsius tunicas, à quarum stimulo vellicante nimis, excitabitur sensus summo cum fastidio, qui in ventriculi morsum terminabitur: ex hoc sensu doloris crispatis fibris glandulæ omnes ventriculi in expressionem liquidorum nitentur, & villorum contractione expressum

sum liquidum sursum urgebitur, ut magno cum impetu ascendat ad ætophagi superficiem, undè vomitus.

Quibus verò circa dentes in febribus quidam lentores nascuntur iis fortes sunt febres. Hipocr. Aphor. sect. 4. cum lentor febrem produciens est tam tenax, ut difficilius in fluxum agatur, pars ejus liquidior per ramulos non carentes pressione distributa difficilius ità urgebitur, & solvetur, ut ab arteriis abripiatur solum portio ipsius minus viscida, quæ in glandulis salivalibus derivata, cum sit naturali saliva viscidior iisdem partibus adhærebit: Undè cum liquidior pars à glandulis expressa non sit naturali sero irrigata, sed magis viscido lentore perfusa ità in cohæsiōem venient partes sanguinis, ut generetur lentor circa dentes cum febre forte corripiens. Contrà verò morbus diuturnior, ac difficilior est si salivam tenuem, ac spumosem primum spuit, lingua flava est, verum progressu temporis nigrescit; si igitur in principio nigrescat citius morbus finitur, sin posterius tardius, tandem verò etiam rumpitur lingua. Hipocr. in VIII. de morb. febr. cum igitur saliva componatur ex particulis chyli, atque liquidis aqueis sanguinis, & illæ ex initio febris crudissimæ sint, per febrilem motum, & pressionem illam exprimeretur merè aqueum, seu quod liquidissimum est, & summè tenue sejungetur ad glandulas, cui si succus viscidior ex perenni febris fermentatione compactus in initio adeò conglobetur, ut ratione solius lentoris per ostia canalium salivalium in os sub spumæ forma deducatur, cum spuma sit quid compositum ex aqueo viscidiori, & aere, tum nimiam cruoris lentescentiam, tum ejus lymphæ invincibilem visciditatem ostendet, adeoque saliva tenuis diuturniorem, ejusque spuma difficiliorem morbum denuntiat.

Lingua quæ in principio quidem inhorruit, in calore verò permanet, progressu autem temporis exasperatur, & livescit, & rumpitur lethalis est. Si verò valdè nigrescat in quarta decima die indicationem fore significat. Periculosissima autem est nigra, & cum virore pallida. Lingua circa bifidam sui partem, veluti saliva alba obduci, febris remissionem signum est: siquidem id quod super induratum est fuerit crassum eadem die, si verò tenuius postredie, si verò adhuc tenuius tertia die. Hipocr. in Coac. prænot. Si in principio febris lentor febrem produciens, non sit ità fusus, ut

per

per salivam reddi possit, sed motus sanguinis sit tam naturali similis, ut detur illa velocitas, quæ necessaria est ad separandas partes cum aqueis naturali similem salivam constituentibus, in colore suo permanebit lingua, quæ si progressu temporis exasperetur, livefeat, & rumpatur, cum exasperetur exsiccat villis, & à subito stagnante lentore nigro oleaginoso tingatur virore ærugineo, à cuius sicciori parte inter papillas magis hærente ita lingua contrahitur, ut à proprio termino recedentibus papillis divellantur fibrillæ, atque dissiliant, pessimæ conditionis febrei ostendent, undè lethalis erit. Si verò in decima quarta nigrescat cum materiam crassiorem è vasis dissolvi, & ad concoctionem tendere significet, morbi iudicationem indicabit, quæ facilius continget, si lingua circa bifidam sui partem crassi obducatur saliva; tunc enim per derivationem lentoris, & liquidi lentorem producentis ad salivæ glandulas remittetur febrile incendium, eoque magis si id quod superinductum est fuerit crassum.

Indè Hipocr. in Coac. prænot. ait. *Lingue denigrata in alvo liquida celerem mortem significant.* Quia verò ut concoquatur materia morbi, requiritur ut fiat fluxilis, sit autem fluxilis facilius, si liquidiores à corpore non secernantur; igitur in denigrata lingua si deiciatur per alvum quod est liquidius, incoctilis humor, & pars ipsius durior subsistet intrà vascula, undè si adhuc stagnante lentore sanguinis alvi profluvium superveniat, malum. Longum hinc esset investigare solertiùs præternaturales salivæ particulas in sanguine redundantes, ex quarum varia cum cæteris combinatione, & prava earundem constitutione cronicorum, acutorumque morborum idea certior desumitur. Quanti fecit Magni Melicinx Parentis Hipocratis verus sectator Balgivius linguæ, & salivæ observationem ad dignoscendos morbos, eorumdemque eventus præfagiendos, ex eiusdem operibus ediscitur, qui expertus est eos in febrei, vel gravem viscerum, & præcipuè naturalium morbum incidere, qui per plures dies loco naturalis saporis amarum, viscidum, salsum, aut acidum præsertim circa horas matutinas percipiunt, quibus si accedat magna virium laxitudo cum inappetentia, aut alterius mali ingruentis symptomatis comitatu morbus irrumpt. Cum enim saliva mor-

bosis,

bolis, atque peregrinis salibus infecta intimè mixta in ventriculo vires suas explicet, fieri non potest ut ventriculus præservetur à labe, ut indè appetitu dejecto tonus ejus magis non relaxetur, atque à præternaturali salivæ cum sanguine permixtione fluidorum compages non fatiscat, quæ coagulationi prona magis torpedine membra vincit, fluentis sanguinis cursum retardat, & ad morbos plurimos disponit.



DE SALIVATIONE ARTIFICIALI.

C A P U T III.

A R T I C U L U S I.

De indicante, & probibente generico.



Am verò hisce conjectura mea ità favente absolutis opportunum fore arbitror, ut salivam arte pellicitam deinceps considerem, cui sanè rei laboris, & observationis plurimum impendi par est; si vel ipsius vires spectes, vel utilitatem. Siquidem non desunt homines ingenij acutie, & studij commendatione florentes, qui cum salivationis ultrò agnoscant utilitatem, ta-

men in ea excitanda decepti, vel illam in crimen vocant, vel non amore prosequuntur. Horum cavillis, & dubia existimatione fit, ut plurimi veritatis incertitudine deterriti de salivatione artificiali non solum indignè, & turpiter sentiant, sed illam erroribus involvant, & silentio excutiant. Undè fortè miraberis, & humaniter quæres, quid potissimum me impulerit, ut anxie sollicitus sub iis salivæ artificialis auspiciis rem prælo committerem. Cum enim mecum ipse perpenderem, seriò me, seduloque monuerim absque veritatis convitio subtrahere me Reipublicæ Medicæ non posse, quod pro re nata sinè mendacio suffragandæ in hominum animos salivationis peridoneum sentio; rudibus illam à mendis vindicare, & severiorem illorum censuram, manco quodam, mutiloque fundamento, nescio quo caducitatis infortunio, innixam diluere censui, si utilitatem spectantibus viam probè ostendero, ut noxium exuant mendacium, vel excellentiam spectavero, ut

L

malè

malè sentientium illa opinio eximatur . Quod si non alienis
rixandi studio parum arrideat , celebre apud veteres scias di-
ctum esse , *nec Iovem ipsum omnibus placere potuisse* . Et profectò
tanto numero , & tam varij generis sunt , qui licentia longè
minùs tolerabili salivæ artificiali fabellas callidè conficiunt ,
atque in hanc impingunt verba æquè ac facta malè consulen-
tes , ità ut mihi non minùs admirationis , quàm doloris pare-
rent , nisi intelligerem , quantòpere humani generis hostis in
hoc vertitur , ut bona salivationis , & ejusdem scripta evilescant ,
quæ suo existimata pretio contrà illorum inscitiam , &
ad eorundem consiliorum subversionem maximè valent ; nec
non recorderer (quod est hominum proterva indoles) Cicero-
nis admonentis *vitari non posse reprehensionem nisi nihil scribendo* .
Jam verò , ut consilio meo congruenter faciam , quod hìc pa-
lam profiteor , nè incoherenter dicta , denique levìa , & exi-
gui momenti videantur , in quibus nullum videtur apparere du-
bitationum vestigium , citrà eorum existimationis injuriam ,
salivationi artificiali religiose adhærere in prætio habeo , quæ
licèt à tot retrò seculis non intellecta , aut contempta , in
ægrorum tamen solatium , & gratiam à natura inventa ube-
rius nunc artis consilio augetur , & latius ità in eorundem
emolumentum diffunditur , ut inter universales evacuationes
enumeranda reputetur ; quam conjecturam nemo , opinor , ra-
tione destitutam judicabit , cui modò critica plurimorum
morborum solutio , vel per naturalem salivæ expulsionem eo-
rundem revelatio non latebit : & quidem feliciū eventuum
consideratione eorum cavillis occurritur , qui salivationem ca-
lumniant vitiiis , ac flagitiis exprobant , ex quorum clade , ac
nequitia (face præferente natura) artem illam salivatoriam ,
quam usque omnium scire interest , sine vitæ periculo addisci-
mus , atque experimur .

Hujus salivationis artificialis genericum indicans est deprava-
ta sanguinis labes , & status aliorum liquidorum vitiosus ,
quo ipsa minus fluxilia , vel mobilia liquida redduntur . Hinc
generalis indicantis naturam induit quicquid extranei in san-
guine inest lenti , aut glutinosi , quod à sialagogis potest ità
fundi , & eliquari , ut ejusdem fusio in glandulas salivales im-
pingens possit per hiantia eorundem orificia , & ductus elimi-
nari . Quod indicans miror sanè plurimos negligentia contem-
ptum

primum reliquisse, cum in tota salivandi arte nulla sit pars magis necessaria, & quæ Medicorum consilia exposcat, quàm ista, quæ ad intuendam morborum salivationem petentium ordinata naturam, medentium praxim exornat, statuitque in salivandi palestra artis terminos, aut fecunditatem: Cujus ope indicata salivatio ad evellendas morborum radices unice par experitur: at à malorum prohibente coercita, & temerario conatu adhibita plurimos post sævas ærumnarum perpeffiones in orci fauces ægros miserrimè compellit.

Salivationis artificialis generale prohibens est humorum, vitium, quod particulis sanguinis inquietis, seu impetuosè commotis peculiariter inhæret, ob quas mediante salivatione potest ità fundi, & laxari fluidorum compages ut fibrosa pars penitus destruat: vel si licet generico addere specificum prohibens est ita pressa, mutuoque cum cæteris miscilibus in aliquo viscere amplexu unita, ut absque canalium dilaceratione minimè laxari possit; quibus si solidorum liquida vehementium in visceribus naturalibus, aut spiritualibus delitescientium mollities, laxitas, flacciditas, aut soluta unitas accedat, omnibus circumstantiis stipata totum verè prohibentis onus exhaurit.

A R T I C U L U S II.

*De diversitate remedium salivalium
eorumque usu, & utilitate.*

UT sialagoga Mercurij natura penitus nobis innotescat juvat hic exponere remedium salivalium diversitatem, quæ imminutum salivæ fluxum ad fauces promovent, & quicquid ibi hæret unà discutiunt. Quando enim per glandulas palatinas in summitate palati dispersas, vel per sublinguales in radice, & lateribus linguæ hiantes unà cum parotidibus juxta aures, salivalis succus in oris cavum non infunditur, in ipsis tubulis moram necrit, ubi diù subsistens, & in partibus capiti vicinis sensim collectus infestus evadit, ibidemque coacervatus novas operandi vires acquirit; indeque vitiato molecularum nexu malè olens, variè morbosos inducit affectus. Ne igitur fluoris salivalis motus retardetur, ut promptius iste, &

copiosius, eliciatur, inventum fuit subsidij genus apophlegmatismi nomine insignitum, quod pituitosos humores in glandulis oris impactos, & tubulis inhærentes, fluxiles reddit, atque ad motum concitans in tantum emicuit, ut è peculiaribus evacuantibus veluti abreptus ad universalium classem elatus fuerit, quod eatenus concedi non potest, quatenus non totum corpus per ipsum ad has tubulorum syrtes suam deponit originem, sed particularis glandularum salivalium morbus tantum tolli posse videtur. Ubi autem humores in tota sanguinea massa, totoque adeò corpore impliciti æquali motu per vasa rapiuntur, sed ad oris glandulas appellentes circa faucium tubulos resistant serosi humores, tunc ut ad motum fiant aptiores, & fluxiles reddantur, apophlegmatismis inciduntur, attenuanturque, ut felicius proliciantur. Quod si quis mentis hallucinatione captus istos vitali nostro calori committi, ad ossa quasi usque penetrare, & inter fibrarum poros, & glandularum omnium spatiola se insinuandi efficaciam suam manifestè admodum in morbis longè gravioribus contendat, in actu hærebit illi aqua. Horum enim agendi modus in glandularum laxitate vel vasculorum irritatione consistit. Quoniam igitur salia volatilia acria urinosa ex objectis in ore elicit, in nervorum fibrillas citissimè irrepando urgent villorum oscilla per intervalla minima, fit ut per tremorem illarum partes, quæ validiori flexione sese tangunt, in aliarum contactum magis nitantur, adeoque si quid est mobile per nifum illum vividius urgebitur, atque etiam abripietur quicquid est ad contactum membranarum positum, & intrà villos contentum. Quare villorum nifus naturalis si partes magis impactas dimovere non possit, cum aucta vi stimuli minorem inveniat in fluidis resistantiam, in contenta liquida nitendo fiet ille vividior, & fluidorum motus ad partium contactus adhuc major; undè ratione aucti utriusque impetus lentescens liquor facilius dimovebitur. Quod si fibræ glandularum ità corrugentur, ut appulsui salivæ renitentes effluxui non cedant, optimè, feliciterque laxantur emollientibus vegetabilibus. Hæc sensim suaviter fauces afficiunt, anodyna vi poros demulcent, & partium nervosarum insigniter leniunt: qua ratione blando tepore laxatis fibris, flexilibus, mollibusque particulis membranarum partium tensione obliuiscitur, uberior salivæ affluxus

per hiantia vasculorum repagula confertim appellens jugiter à dilatatis poris extillat. Hinc latus est in praxi apophlegmatismorum campus sub forma Masticatorij, electuarij, Throscisci, Pillularum, & Gargarismi exhibendus. Juxtà igitur pororum infartus, & glandularum morbos cietur saliva, quæ si ob fibrarum torporem, & languidam villorum oscillationem in tubulis hæreat, commodius prolicitur à mastice, cujus granula ut lacrymæ transudant ex lentisco arbore sauciata, grato odore palatum afficiendo, glandularum atoniam refarciunt, & rotundis suis particulis suaviter titillando effluxum salivæ promovent. Attamen si serosus humor sit tanti lentoris, ut per conceptam nervorum undulationem, & illum villorum nisum in expressionem liquidorum nitentem à glandularum exilissimis ostiis dimoveri non possit, paulò acriori stimulo, ut decocto mellito ex betonica, lavendula, majorana, rore marino, ruta, cubebis, pulejo, & nasturtio irritentur fibræ, ut majori contractione correptæ rigidiores, ac breviores fiant, undè adhuc majori nisu impetus sanguini ad partes oris in glandulas stagnanti communicabitur major, quo fiet, ut à villorum pressione attenuato spisso, & lento, aucta velocitate fluidorum, & solidorum tremore salivæ feri valdoperè augeatur affluxus.

Si ob vitium villorum minùs sensibilibium, vel adhuc crassioris lentoris resistantiam divelli renitentis prohibeatur saliva, commodius aptentur sulphurea, resinosa, quæ particulis salinis volatilibus acrioribus magis explicita, ut Tabacum, Nigella sylvestris, Radix gentianæ, zinziberis, quibus referri potest radix nicotianæ, inodò observetur, ne tantillum deglutita saliva, graves vomitus, & sedes concitentur, valent intimius commovendo fibras, serum quietem meditantem evacuare, & expressionem liquidorum facilius promovere. Sic in linguæ paralyti liquida è sinapi, theriaca, confectione anacardina, & aqua apoplectica optimi sunt usus. Dum enim nervorum linguæ papillæ acrioribus particulis stimulatæ vividius oscillant, contentæ fluidi hærentis moleculæ ob tremoris solidorum motum fortiori agitatione commotæ sensim à vasculorum angustis abripiuntur. Ità nullo impedimento per linguæ substantiam repente fluido, & intrà villos fluente libera permittetur musculorum fibris contractio, undè resolveretur pa-

ralys.

ralysis. Ad dentium dolorem à sero stagnante radix pyrethri masticata, tinctura Uvedelij odontalgica ad copiosiore salivam eliciendam est expertissima. In gingivis scorbuticis, tumenibus glandulis, hinc in frigidis capitis affectibus apoplexia nimirum, lethargo à crasso humore exortis, in quibus serum spissius evadit, cum ægri euphoria adhibentur masticatoria. At si tenui acrimonia vel fluxilitate nimia peccet humor, vel deficiat serum, ut in Hecticis, vel pessimo succo affectis tutius erit abstinere. Hoc consilio in asthemate, in hemophoe, in facile vomentibus, faucibus inflammatis, & anginosis affectibus, ratione irritantis stimuli tanquam noxia fugienda consulimus.

A R T I C U L U S III.

De Mercuriali salivatione.

Post medicinæ exortum aureo artis seculo licet improbo experimentorum labore laxata ingenia, & subtilioribus philosophiæ ratiociniis suffulta sublimiores de natura rerum cogitationes, medicaminum vires, & quamcumque morborum, causarumque contemplationem è peniciori physices recessu severiori indagine eruere conarentur: Horum tamen mira solertia Heri fugitivi in tenebris latitantis, & quasi silentio involuti, dubiis tantum innixa fundamentis ignobiliores usus nullis experimentis ornata elicere potuit.

Post casum exemplo monstrante viam inuestus in arte Mercurius, qui prius ut scepticus, summeque deleterius à veterum schola lethalibus infamatus erat exemplis, nunc tandem caput exerens in primis artis subsidiis reponitur. Cum dira lues celtici semini non prius nostro cognita cælo mortalibus irrepfit, & primis illis temporibus subdolè, ac clam summa hominum perniciè, ac clade sevirè cæpit, atque in humanum corpus debacchari, omnia medentium auxilia illuxit: qui medicorum catus cum viderint homines innopinato, & non intellecto morbo peremptos, indefesso conamine melioris auxilij medellam investigantes, saniori fortè consilio ineuntes ad validiora Arabum medicamina prò scabie deveniunt, quæ hydragirum recipiunt, insuetoque delusi morbo lucem

lucem gallicam cum scabie perperam confundentes illis medicaminibus, in ulceribus gallicis uti cæperunt, quæ cum ex voto successerint, ex falso verum ducentes casu reperire, quod conjectura fallax dictavit, & ratio invenire non potuit; undè mox pro gallica forde, & luis inquinamenti hydragiri illinitione reperta, Carpenſis ille Chirurgus, ut testatur Fabricius Falopius de morb. gal., & Ramazzini, ferè primus hanc medicinam callens, summo artis incremento à populari pellicitus aura, & novitatis aucupio sibi viam sternens ad medicinæ culmen, licèt sæpè cæsis hominum victimis litans, feliori tamen sæpius eventu plurimos obliniens tantos obtinuit plausus, ut in magnalia artis adscitus quinquagiata millia Ducatorum aureorum lucraretur.

Harum observationum præsidio instructa mens hominum post repetitas, atque accedentes in dies novas observationes sibi intuitu facem præferentes, caput solertia mentis, hominum naturæ methodiq; pedissequa, novos Mercurij usus explorare, & circa ipsius naturæ arcana disputare; ex quo regente rationis lumine in usus varios adscitus mercurius, atque diversæ indolis morborum ad curationem nunc invecſus, summas diffidias in medentium Sectis, & in quorundam scepticis Clinicorum ingeniis sola innovandi libidine præjudicatis, excitavit, à quibus sectarum litigiis malesano hominum iudicio fundatis, in germanæ artis subsidium advocatus mirum non est, si post abdicatum empiricum studium, & subreptum theoriarum cultum, luxuriantibus tantum intricatis hypotheson erroribus, & conjecturis, quasi in arte coercitus ultimos medicinæ fines non attigerit.

Ut jam ad variam præparationum methodum mentem dirigamus, primò unctionum mercurialium cutis illiniendæ, quæ in lue venerea curanda præscribi solent, selectiores quasdam formulas referre necessarium existimo: in quibus linimentis licèt plurima componentia ingrediantur, horum tamen basis est Mercurius cæteris quibusve validior. Unguentum, quo Paræus lib. de lue ven. cap. X. feliciter usus est, conficitur ex particulis sublimati corrosivi, & sulphuris in polinem redactis, quibus affuso argento vivo, simul cum exungia mox, & vitellis induratis, omnia diligenter permixta agitantur, donè minima commota optimè se tangant. Hiis exactè combinatis

binatis rursus affunditur argenti vivi, axungiae, & vitellorum portio, ut priorimassæ incorporetur, cui additis tandem oleis therebintinae, & lauri, mox theriaca, & mitridato paratur mediocris consistentiæ unguentum. Juxtà mentem aliorum Chymicorum mercurius vivus extinguitur saliva hominis, vel oleo therebintinae, lilliorum, vel lumbricorum, qui indè ab unguento de althæa Fernelij exceptus, oleoque succini assocciatus in unguentum coalescit. Sed melioris fortassè notæ compositio indicatur à Junckenio, & Sydnhamio, quæ ex crudo Mercurio, & axungia porcina conficitur. Nec oleum aliquod, nec aliud quidpiam admiscet, cum deterius fiat unguentum, si quod adjunctum laxet habenas, vel hoc frænum iniiciat, nihilque efficacius, si nil prorsus agat. Fortassis additamenta scrupulosè expensa sunt inanes temeræ suppetiæ, quæ hydragiri viribus, ac proindè frangendis Mercurij conatibus, aut in internas partes penetratione cohibenda impares nil opis conferunt, nec malignitatem stultè petitam Mercurij corrigunt: sed poros cutis occludendo Mercurij efficaciam quoque pacto infringunt, ut in oleosæ substantiæ amplexu torpidus paulò hærens, dein oleorum conjugio liberatus impetuosius in sanguinem evectus celeri motu ruat, donèc visciditates in corpore hospitantes incisæ, atque attenuatæ per ductus salivales eiiciantur. At ab eorum usu, ut ab alea suspicionem plena, nisi morbus vehemens inunctionem extorqueat, consultius est abstinere, cum languidiùs, vel validiùs quam par est fluxum salivalium commoveat.

A mercurio non excitatur fluxus oris quotiescunque in linimento paratus uberius alluit spongiosas glandulas, & vasculorum lacunas, vel quia nervi in memoratis partibus conferti stupore afficiuntur, atque adeò distrahuntur, ut singuli villi laxo machinularum fœdere, & fibræ minori resistantia inter sese connexæ prementi nisu discludantur, quarum ope ubique humores miris modis agitati ulteriùs superare debent asperitatem parietum, resistantiarum occursum, & postrema fistularum, ductuumque emissaria. Nunc verò si vis dictarum machinularum distractarum minor fuerit vi ponderis eorundem liquidorum, quæ in reticulari fibrarum, glandularumque contextu continentur, cum in inemorata partium distractione mercuriales particulae, ob resistantiam, quam sibi ipsis faciunt

ciunt ad invicem non possint à languido solidorum nisu, & liquidorum à tergo urgentium pressione in gyrum rotari, faciliè in interiectis loculis, & fibrarum laxitate stabulantur, & suspendatur oportet eorum influxus oscillorum connisum violentè exhauriens. Machinulæ igitur fibrarum valdè distractæ, & nimis laxatæ, etsi spontè sua denuò sese restituere conantur ad naturalem terminum, ut videtur in arcu, & qualibet machina, quæ violentè distracta, summeq; distensa in pristinum statum reducitur, pondere nimio gravatæ non restituentur, ex quibus fieri non potest hydragiri circuitus cum liquidis omnibus eo, quo fas esset, impetu, ideòque Mercurius magis ad invicem pressus in illis spongiolis moram necit, nec ejusdem stagnantes particulæ sursum impelli possunt, tum quia resistit naturalis ejusdem gravitas, tum quia laxitas fibrarum, & villorum omnium vis macerata labascit. Hinc præ nimio infartu, ac pondere circumfusi humoris superatur nisus, & villorum resistantia, ac ideò immodica humorum sarcina inanitates spongiarum gravantur, ejusque ligamenta exsolvantur, atque divelluntur.

Si verò uberior Mercurialium corpusculorum copia consistentibus fibris, rigidisque villis occurrat fluidi particulis, earundem implexu tanquam vinculis coercita paulò detinetur; at soluta fluidorum compage sui juris facta intensius exagitur, & turmatim avolare nititur. Undè impetuosius concitis fluidorum solutionibus, uberiori nimis salivæ eruptione sputatio eiebitur, quo fiet, ut materiæ partibus gelatinosis impactæ saburra per quam immensa commota, tota confertim nitris versus ductus salivales irruens circa gutturis partes cum suffocationis periculo aggeratur: adeòque serosi laticis agitatæ moleculæ fugam molientes, & hinc indè ad glandulas oris jugiter confluentes, cum nullo fræno cohiberi possint; non raro contumacissimis cruciatibus spuentem ægrum miserrimè jugulant.

Mihi Venetiis naravit vir in mechanicis disciplinis versatissimus, & æque in exercenda praxi felicissimus, quod venerae lue ægrum tabescentem aggressus repetitis illinitionibus, cum nec quarta inunctione potuisset salivam promoverè; imminenti remedij periculo consultus, & futuræ cladis foras se conscius interdixit ægro Mercurij inunctiones. At invocato

alterius medentis ope inunctiones renovare consulentis, in septima inunctione ardenti febre correptus, summoque animi angore incalescens patiens deliravit. In hac morbi sævitie posterior Medicus suo errore deterritus curationis abdicavit imperium, nesciens quo facto, quæ medella consulae calamitati occurrere posset: prior tamen ut acrioris ingenij medicus omne artis opus ruminavit. Catharticis irritò conatu adhibitis aurum in subtilissimum polinem redigi iussit, ut hydragirus miro aurum amplectens amore per aliquod cribrum eveheretur: sed minutissima auri scobs non lævitate sanguini æqualis sibi viam per alvum paravit. Unde quasi lumine afflatus, ut ægri corium auri foliis tegeretur auctor fuit; protinus inde aurum argenteo hydragiri colore pallefcere videbatur, ita ut mirum fuit, quanta Mercurij copia auro allicita educeretur. Hinc laudabili hydragiri quantitateeducta ingenti pthyalismo parotides, salivales omnes intumescere glandulae, per quas aqueis, ac salino fixis particulis ad fluorem evectis jugiter erumpentibus non minus intestino sanguinis motu in furorem concito, quam à Mercurij pondere enervato solidarum partium robore, patientem jam eversum in naufragio vitam invenisse merito diceres.

Sanguis igitur in gallica fluidorum dyscrasia ob strictam, & densam nimium texturam naturali cordis, & arteria parietum motu allisus, debitoque fluore non gaudens suis partibus ita cohaeret, ut licet assiduus villorum contractionibus, cruorisque præterlabentis præssione agitetur, in dies intestinus ejusdem motus oblanguescat, cæterarumque partium tonicus motus pedetentim resolvatur oportet. At si graves jugiter diffluentes Mercurij moleculæ, id est majori momento pollentes, in sanguinis massam majori copia quaquaversum cum impetu confertim ruant, solventur subitò partes sanguinis lentore implicatae, & in libertatem vindicabuntur, excitabunturque motus species vivido tum liquidorum, tum solidorum momento respondentes, & ratione eorundem impetus velocitatis, & violentiæ fluet per canalìa sanguis maximè liber summa velocitate, atque valido impetu præditus, nisum quemlibet vehementer exerens. Posito autem hujusmodi sanguine maximè soluto, ac celerrimè raptò, partes subtiliores, & maximè mobiles, quæ non cohibentur nisi à fibra sanguinis,

nis, suo fræno destituntur, adeoque vagantur liberè per corpus sanguinis toto motu nitentes, ac proinde totum perturbato motu liquidum movebitur, undè febris ardens. Hinc per nervos magis confusi vagantes spiritus, & extremè soluti maximoque impetu instructi derivabuntur in fasciculorum nervorum tubulos, qui undequaque irrumpentes, nullo certoque ordine moti delirium excitabunt constans, atque continuum. Cum verò in accelerato liquidorum motu, licèt fluidum sit ità divisum in partes adeò minimas, ut diameter orificiorum glandularum ad diametrum fluidi separandi habeat rationem majoris capacitatis, cum in glandulis separandum suum exigit sejunctionis tempus, & determinatam velocitatem requirat, perspicuum est separandas in fluorem evectas ab hydragiro particulas, & cum sanguine ad orificia glandularum salivam fecernentium appulsas, in ipsamet vasa non influere, nec ullum posse derivare liquidum, quousque solidorum nîsus, & velocitas sanguinis aucta conservetur eadem. Quare educto Mercurio validiori momento sanguinem rapido cursu per glandularum angustias impellente, copiosa sputatio incæpit, ob sanguinem minori velocitate in easdem glandulas impingentem. Igitur caute procedendum in salivatione instituenda Mercuriali litu. Nec, inquit, Deleboe Sylvius, *sufficit feliciter successisse medico salivationem in agris suis excitatam, quin videndum ne inquam succedat malè, cum plus dedecoris accedat medico ex uno eventu malo, quàm honoris ex decem eventibus bonis.* Verùm si post peractas illiniciones nulla symptomatum pernicio procedat salivatio, & felici eventu stadium exequatur, adhuc tamen si à moleculis hydragiri per inunctionem institutam intrà sanguinem cohibitis celticus virus intimè non extirpetur, completa salivatione recrudescit morbus, atque superstes dein vitiosa sanguinis labes, & humorum indoles in elementaribus sanguinis particulis primitus constitutivis eradicata repullulat: à qua incerta liquidorum solutione ociùs, quàm par est instituta, eventuum inconstantia consequitur, quæ artem contumeliæ redarguit.

Sedulò verò medentes unctionem agris non tantùm gravem, & molestam, sed nonnumquam etiam lethalem fuisse animadvertentes, mercurialia suffumigia investigarunt, quæ parantur cinnabari cum mastice, thurre, mirrha, vel succino

in polinem redacto ; quod prunis injectum ignem concipit ; simulque cum sulphure resolutum totum in fumum densum , gravemque evolare nitens per infundibulum vitreum orë excipitur , capite benè recto , ne quid ejus pereat , aut abeat in auras . Vel hydragiro in therebintina extincto , bolo vulgari , & carbonum pulvere massam faciunt , quæ indè sub umbra exsiccata candenti igni imponitur , ut fumosa nubes in altum prorepens pressius in tubo agglomerata , & deiscentia oris vacula versus promota minimas quasque corporis partes venerea lue affectas præreptet . Verùm quantum efficax est Mercurij fumus ad saniosam , putidamque salivam promovendam , tantum ex ejus usu recidivam patiuntur hii , qui gummatibus , nodisque plexi , & sævissimis ex lue venerea doloribus cruciati certum Mercurij fumum intus non admiserint , quod partes omnes à seminio venereo infectas non valeat subigere . Hinc est quod ab indeterminatis agentium viribus ab incerta quantitate Mercurij in fumum resoluti , & intus elapsi pendentibus , sortitur eventuum inconstantia , quæ licet repetitis tentaminibus , rationeque expiata dubiam semper , infidamque methodum constituit .

Nec feliciori successu cingula jam veteribus pro cura scabiei adhibita in gallica lue experiuntur . Mercurium saliva , & sævo extinctum in ovi albumen includunt , illinuntque suprâ gossypium , quod in cinguli modum consuunt . Hinc cuditur famosum illud sapientiæ cingulum , seu Mercuriale Rulandi , quod est pannus lineus unguento mercuriali illitus , qui ad lumborum regionem applicatur . Attamen ab hujusmodi topicis ex magna rerum innumerarum congerie conflatis medicus cautus sit , ne confidenter nimis expectet bona , audacterque nimis utatur : si hæc Mercurij per poros cutis in sanguinem repentis genuina , ac certa nondum innotuit methodus . Undè fortè remedio magis , quàm morbo confecti libithinam non valent effugere . Excussis itaque dubiis , ac incertis hydragiri , externo litu , suffumigio , & cingulis , ad accuratiores Mercurij præparationes absolvendas mihi volupe est mentem revocare . Modò verò ad salivationem ciendam plurimi utuntur turbith minerali , quod est Mercurius spiculis acidis olei vitrioli farcitus . Mercurius vivus oleo vitrioli combinatus ad minima dissolvitur : post dissolutionem igni lento committitur ,

tur, & distillando educitur humiditas; indè in fine aucto ignis gradu ultima pars spirituum dispecitur. Restitans massa dein in aquæ tepore sufflata in pulverem flavum momento temporis evanescit, quæ leviter mellita paucis lotionibus validè vomitum, & sedes concitat. Spiritus acidi præcipitati forma Mercurium induentes excitando in fibris speciem motus momenti majoris impetu acutorum salium vehementiori eas ita urgent, vel hiis ita occurrunt, ut ad stimuli locum partes nervorum in eo situ ad contactum positas, & in ipsos occurrentes, quasi divellant ab invicem. Ab hac vi stimuli divulsæ membranæ, & universi corporis villi naturali contractione contractiles validius contrahuntur, adeoque per nifum partium majorem, & vividiorum fibrarum flexionem vividius urgebitur quicquid est ad membranarum contactum, sive intra ductus, e glandularum inania positum. Undè dimovebuntur magis contenta liquida, quàm si nervorum fibrillæ leviter oscillarent: per tremorem autem illum, & spasmodicam tunicarum contractionem si quid erit mobile, & expressile à dehiscentibus ventriculi glandulis intestinorum osculis, papillis, ductibus, quâ poterit, derivabitur. Retusis verò spiculis, aqua communi pluries edulcoratis, & sæpè abluendo hebetatis, mercurialis pulvis omni acredine, & salsedine spoliatur: Ità pungentibus salibus, & purgantibus exutus felicius sanguini fermento gallico effato commiscetur, ut promptius cum fluidis affluens oris fluxum promoveat.

Verùm genuinum minerale turbitiva peritis chimiatis non à Mercurio vivo cum acidis educitur, sed ex sublimato præparatur. Mercurius sublimatus dissolvitur in aqua pluviana calida, solutio aliquoties filtratur, filtrato mercurio guttatim infundatur tantum olei salis tartari, quantum putetur requiri quoad in fundo subsistat pulvis rubeus, qui aqua communi edulcoratur usque dum destituatur omni acredine; indè cohobetur cum aqua mellis optimè rectificata sex, vel septem vicibus, quibus terminatis eximatur pulvis, qui in vini alkohol suffunditur, continuoque motu circumfertur, donec vini spiritus proxius assumatur.

Si verò Mercurius cinnabari elicitus dissolvatur spiritu nitri, cujus dissolutioni aqua sale marino confecta proiciatur, indè volatili spiritu superaddito salis armoniaci in summè albicans

bicans præcipitatum mutabitur. Hoc ipsum aqua fontis abluitur, ut à scoriis salinis, & partibus terrestrioribus vindicatum feliciùs salivam movere possit. Sal Marinum, vel ejusdem spiritus ex rigidioribus moleculis, & crassioribus corpusculis conflatus in hanc dissolutionem impingens sui impetus percussione, & directionis momento nitri spicula diffingit mercurialibus particulis turgida. Undè Mercurius à nitrosis salibus dissociatus suo pondere ad vasis fundum sese compellit. Sic quoniam spiritus salis armoniaci volatilis ratione salis alkali est majoris motus, & momenti, ut possit liquoris particulas salis Marini excutere, cujus moleculæ minoris agitationis, & impetus non appellunt, penum præcipitationis augeat.

Alius paratur Mercurius in spiritu nitri dissolutus, qui lenito igne diffolata humiditate in candidam massam faceseit, & ignis torturam patiens dum calcinatur rubescit. Spiritus nitri, & Mercurij corrosiva ramenta dum calcinatione per ignem exagitantur mutuis nisibus in se invicem agunt, eorumque renifus aculeata salia retundens subtilioribus methoeorizatis septicam materiæ coalescentis aciditatem demulcet, quæ licet calcinatione minùs gravis, & caustica fiat, fungosos tamen villos exedit, & ad salivationem excitandam periculo non caret. Hæc verò spiritu vini rectificatissimo pluries combusta resolutis salium aculeis ità obliniatur, ut omnibus votis salivationem compleat.

Galli saniori consilio panaceam venerea lue confectis tutiùs exhibent. Hæc enim est sublimatus dulcis salibus terreo erosivis spoliatus, & pluribus sublimationibus lenitus, qui suprà porphiritem contritus in alkohol redigitur. Hic pulvis in cucurbita vitri coercitus spiritu vini irroratur, dein eburis spatula passim agitur, ut hinc post plurium dierum infusionem in balneo mariæ projecto totus vini spiritus destillando eliciatur. Quo spiritu in vaporem sublimato panacea in fundo vasis reperitur. Vel sublimatus dulcis dissolvitur in spiritu vini, ejusdem solutio filtratur, & spiritu vitrioli præcipitatur. Hic mercurius vasis fundum dum petit, ut nix candescit: Inde aliquoties aqua calida dulcificatur, ut in saccharinum abeat præcipitatum: tum demùm huic superfuso spiritu vini destillatæ ter destillationem reiterando. Repetitæ diù destillationes, sublimat.

blimationes salium spicula rigida sublimati corrosivi rescindunt, aut eorundem salium ramenta partim detrahunt, quibus si intimè erosivæ acredinis aculei non diffingantur, particulæ sulphuræ spiritus vini intrâ poros sublimati conclusæ furentia salia oblinient, partibusque ramosis levigent. Ab hac panacea non multum differt illa Valentini, quæ æquè tuta, ac jucunda in oris excitando fluxu sancitur. Hæc panacea absque glandularum exulceratione levi labiorum dolore, & minima genarum inflatione salivæ cursum molitur, qua in mollis, ac tenellæ constitutionis hominibus passim utimur. Cum verò virulenta ulcera, & sordida, tophi, & saniosæ crustæ corpus defædantes vehementibus ubique doloribus obsident, tunc virus illud liquidorum crases prorsus evertens panacæc blandicia sæpè integrè non pellitur, & superstes deindè depravata sanguinis constitutio majori fluidorum solutione expugnatur.

Quamobrem mercurium dulcem in forma pillulari tanto hosti unicè parem commendo. Mercurius ab acido salinis aculeis penetratus in minimos, & infinitos scinditur globulos, quos undique acida spiritus nitri corpuscula permeant, eorumque ramentis irretiunt. Hæc massa alba restitans, evaporata igne lento arenæ humiditate, æquali vitrioli calcinati, & salis decrepitati portioni commiscetur, quæ mixtura in matratio reposita igne exagitur, donèc in vasis culmen repens secum trahat corrosivos spiritus, à quibus repressa volatilitate, & ab acidis cohibita dissolutione in spiritus, concrescit in chrystallos. Hujus sublimati particulæ, & motus parvulorum globulorum calore promotæ, impetuquæ rotatæ, quasi minimis cultris fibras dilaniant, undè summum venenum audiunt. Acutorum salium in Mercurio delitescentium & in parvo spatio coeuntium impetus cylindrulis suis ad pyramidem in fine basis, & apicis accedentibus ad angulos rectos in fibras membranisque occurrentibus eo urget momento, quod ad membranarum poros, & cohesionem fibrarum superandam requiritur. At mirum dum acuta spicula sublimati corrosivi in matratio circulantia, in pallas mercurij vivi validius rotantur, mutuis nisibus congregientia franguntur. Hinc per solam hygiri additionem repetita ignis actione in novis sublimationibus reusis salibus, eorumque cuspis novo mercurio imbibita in sphæram evadens, vel complanata omnes partes æqualiter impetit,

impetit, adeoque ab eis æquali momento collisa, & ad quem reddit repercussa ab ambientibus solidorum membranis absque septica facultate irrumpit in spatium liquore plenum, & ante sui exclusionem diversa mole, & gravitate, adeoque diversa motus quantitate instructa in resistantia corpora vires impulsus, motus, variæ directionis, & allisionis exerendo intrâ sanguinem viscida solvendo labitur. Mercurium dulcem non inferioris frugis conficies ex Mercurio sublimato & Mercurio vivo ex quo fonte promanat Clarissimi Riverij chalomelanos, quod ex Mercurio, sale, & vitriolo compositum duodecim sublimationibus ad summum excellentiæ gradum evehitur, quibus Mercurius vitæ additur eo modo quo à Riverio describitur. Recipiatur mercurius sublimatus, & argentum vivum cinabari ellicitum & misceantur exactissimè, donec mercurius vivus non ampliùs appareat, postea sublimentur, & duodecies sublimationes reiterentur. Hujus Mercurij dulcis cum mercurio vitæ quadrupla, qui ammisit totum intus latens venenum per exhalationem tetri, ac fætidî fumi, ne vomitum cieat, quadrupla inquam major misceatur, & fiet pulvis colore griseus.

Hæc sialagoga medicamina indicantur à speciali humorum vitio, & peculiari sanguinis dyscrasia, quæ viscida, crassæ, glutinosæ acrimoniæ volatili innititur, in qua crasi omnium quasi liquidorum vitiosa salino volatiles moleculæ fluorem acquirunt, & lymphaticæ sanguinis, crassoque terreæ particulæ figuntur, ut inde salibus acrioribus imperium nactis, & parte sanguinis viscida ulteriori coalitu unita glutinosum cum acrimonia conjunctum æmulentur. Hæc glutinosæ acridinis sordes per coitum impurum poros urinarij meatus, & prostaticarum glandulas coinquinat: inde subdole fluidis in gyrum rotatis impressa sua aciditate erosiva volatili maximè cavos glandularum folliculos post infartum exedit, membranarumque substantias cum vasculorum erosionem, & pustulis ulcerosis depascitur. Hæc intima magis proserpens ossium periostia cum dolore præcipuè noctu lancinativo medios artus occupante, ut & flexurarum rigiditate convellit, divellitque, ossaque carie, atque tophis comfæcta fascinat. Igitur coinquinatæ omnes sanguinis moleculæ, & ulteriùs pressæ ab ejusdem acidis coagulantibus fortiori amplexu cohibentur: cæteris inter-

rim

rim mobilioribus & salino acrioribus fluidorum dilabentibus particulis ipse sanguis crassius, atque mucilaginosus evadit, quo magis mobile sanguinis implicatur quoque ac torpore afficitur, ut ægrè pensum circulationis expleat; inde à fibrarum tono ex indebito liquidorum appulsu non suffecto, & sanguine salibus volatilibus, & partibus crassioribus turgidulo non reparato, tum liquidorum, tum solidorum morbus passim contingit.

Liquidorum verò prohibentium conditio est salina materies magis attenuata, quæ involventibus acidis orbata sit acris, & cum oleosis tenuioribus permixta volatilis fætens evadit. Altera autem pars sanguinis fixioribus salibus, & oleis ramosioribus simul tenacissimè combinata in densam fecem, & salino adustam muriaticam concretionem: illa ob acrimoniam alkalina volatitem producit in sanguine partium solutam coherrentiam, quæ dissolutio actiones omnes solidarum, & liquidarum partium turbat, & destruit: hæc minimorum canalium coalitum facit, & in glandulis obstructions pertinaciter firmat.

Quoniam per aciores mentis conjecturas oculatissimo examine prosecutas, perque repetita tentamina solertissima medicorum experientia suffulta à pluribus simulque latentibus melancolici humoris proprietatibus, ac viribus exortum morbum salivationem contemnere compertum fuit; ne experimentalis veritatis incremento litemur, fateamur oportet sanguinis particulas salium adustas nimis evectas, fluoremque patientes, summè activas Mercurij vires eludere, terrestrioribus sulphuris corpusculis associatas. Cum strictiori amplexu salium particulae adunitæ ita pertinaciter cohærent, ut cuicumque solventi imperviae reddantur, arctissimæ eorum meatuum complicationes, à nexu laxari, & in menstrui amplexu rapi non queunt. Quocumque igitur vinculo se invicem asociantur salium concretiones ut retuso impetu Mercurij, ejusdemque particularum penetratione à solidiori concreto repulsa difficilimè divelli, & in minutissimas partes confringi resistent, eorum solidæ concretionis compages prius laxata, nec reclusa auferri non poterit. Tantum intercedat oportet mercuriales moleculas inter, & adustas salium concretiones, varias quod ad qualitates, & corpusculorum nexus unam in massam coalescen-

lescentes, discrimen, ut cum mutuis coalitionibus arctè adeò complectantur, ut parvula nulla intervalla, porosve improporcionatos relinquant, mercurialia corpuscula in salina concreta offendentia faciliè excludant; quæ sanè maximè licèt poris instructa discrepantibus tamen naturæ agentis, in agredientis prementes impetus nitentes, faciliè suprà solventis nisum resistentias exercent; Itaque intrà melancolici humoris nexus tenuioribus mercurij corpusculi non coercitis, concrementi partes eorum motu ab invicem non divelluntur.

Hinc carcinomina recuentes adustæ salium moleculæ, si volatilibus sanguinis partibus in auras resolutis, copiosiorique aquearum particularum dissipatione, resolutis spiritibus exhausta, nimis evectæ, fluoreque potitæ cum vitriolicis, acidisque particulis, & terreo sulphureis crassioribus combinantur, quæ ad ductus glandularum delatæ firmiùs in earum fibris inhærentes folliculo includuntur, dimoveri inquam non possunt ab earum complicatione, licèt ab impetu Mercurij percussæ, quarum tumor si fortiori phtyalismo oppugnetur, ejusdem subtiliores particulæ à gravitate impellentis sæpiùs commotæ, ejusque impetu allisæ, dum mutuis nisibus agitantur, salium ramenta validius concitata momentum acquirunt, indè in comprimentes fibras cuspidula infigunt, & villos glandularum ab invicem divellunt, quibus sensim discisis, ac corrosis cancer sub forma tumoris delitescens fatali clade inopinato prorumpit. Ex quo satis liquet componentes canceri particulas, aut à Mercurio non diffringi, aut ab eodem accendi; undè illud Nasonianum.

Curando fieri quadam pejora videmus

Ulcera, quæ melius non tetigisse, fait.

Feliciori licèt eventu eruptiones omnes papillarum squamosæ evanescant, dum in graviore impetigine, & lepra salivatio cietur: tamen nova eorum morborum seges pullulare incipiens brevi temporis spatio solitam feritatem attingit, ut observavit Villis in quatuor ægris impetigine laborantibus. Effectus hujusce causa in eo consistit, quod intimus partium sanguinis mechanismus particulis non solum acido salinis, tartareisque diversimodi status, ac indolis effætus, sed salino acri volatili alkalina materia turgidus à salivatione penitus subigi, ac prorsus resolvi nequeat: adeoque superstes labes sanguin-

sanguinis, & humorum acrium indoles primitus constitutiva post evanescentes papillarum corymbos, juxta materię supple-
menta in concretiones tartareas faciens in cute defigitur,
ubi papillarum eruptionibus, quasi totidem hujusce morbi lo-
culamentis incoactis, processu temporis aucto morbigicę ma-
terię cumulo, superficies cutis omnis incrustatione squammo-
sa, ac planè ad leprę confinia evecta obducetur.

Ut enim adustam salium concretionem inani molimine
phthyalismo pessundamus: ita eadem debiliores, vitioque plu-
rimos laborantes pulmonum, vel hemophthisi confectos; in-
fami errore necamus. Si enim naturalis pulmonis vasculorum
capacitas, ex fibris mollioribus, summeque deductilibus coale-
scentium augeatur nimis, ut partes canalia constituentes sic
divellantur ab invicem, ut minimis oscillationibus nitantur
in fluentia liquida, colliquati fluores confertim per eorundem
cava trajecti, cum intimè non sint soluti, ut per impetum à
corde susceptum supra omnes resistentiarum vires excurrant,
facile in distensis vehementer fibris, in cellulosis vesiculis, &
inanibus spatiis intercipientur, quibus novo semper, ac sem-
per affluente humore per capillaria ramuscula, vesiculę ex
illis prodeuntes, & racematim adhærentes mirum in modum
itā intumescunt, ut humor ratione inertię non distatus in par-
va tubercula excreseat, quę dein dum à pulmonum pressione,
motuque incessanti incalescunt, in suppurationem abeunt, &
in tabem lethalem terminantur. Quod si ultra tonum dilatata
vasa à pondere mercurij in majorem extensionem deducta, li-
cèt ex majori distensione majorem nacta sint ad comprimen-
dum vim, tamen ab impetu sanguinis majori in arteriarum
parietes nitentis, & particulis mercurialibus eadem ad ulte-
riorem distensionem cogentibus, tandem distractis plurimum
arteriarum membranis eo distensionis deveniunt, ut vim ur-
gentis ad latera sanguinis, ejusdemque particularum momen-
tum impetus ad vasculorum contactum motuum sustinere
non possint: adeoque aucta potentia sanguinis arteriosi ex-
trorsum arteriarum minimarum membranas urgente, & ea-
rundem imminuta resistentia ob maximam distractionem su-
bito divellentur fibrillę, restitutionis vim in nimia distractio-
ne non observantes. Horum autem potentia ad se restitu-
endum cum in partium coalitione consistat, hæc ex frequenti

sæpiusque repetita distractione enervatur ; adeoque restitutio-
nis robore plurimum imminuto , muscularis fibra arteriæ se-
ctionem angustare nitens inofficiosa subsistit. Igitur opus est ,
ut arteria existente distracta , novaque majoris momenti po-
tentia fluidis applicata diffingatur , vel laxetur fibrarum com-
ponentium nexus per quos sanguis inopinato prorumpit , &
sanguinis sputum plerumque fatale sussequitur ; quod observa-
vit Nicolaus Lemery in suo cursu chymico lethali experi-
mento .

Aliquando in spongioso , & molli pulmonum parenchymate
cretacei lapides sæpius concrescunt , qui ubi angulati sunt pul-
monum motu , & gravitate mercurij commoti teneram eorum
substantiam lacerare solent ; quo tussis vehemens , atque ari-
da , dolorque thoracicus non raro cum sanguinis profluvio fa-
tis insigni , atque exindè ulcera cum signis phthysicos pulmo-
naris nascuntur. Verùm isti lapides sint læves , neque qui pul-
monum parenchyma terere , vel lacerare possint ; at concidant
canaliculorum partes faciliè dilabentes , ratione imbecil-
læ virtutis , qua ad mutuum contactum sistuntur , quorum
minimi villi , qui sunt veluti totidem languidi vectes uniti ,
adeoque parvarum virium capaces , dum ad motum à fluenti
corpore majori impetu instructo excitantur , iners illa effici-
tur vasorum vis & fibrarum minor ad contractionem nisus ,
qua debili minimorum solidorum energia sistitur ad partem
fluidorum motus , indeque fit , ut mercuriales particule à re-
sistentiæ loco repulsæ , à reperiuntur validiori impetus mo-
mento instruantur , atque vires percussiois in continentes vil-
los exercent ; quorum teneræ , ac laxæ fibrillæ maxima di-
stensione coactæ à nova jugiter affluente materia infirmius ni-
runtur in contenta fluida ; & cum à languido nisu villorum
particulas fluidi viscidiores , & mutui magis resistentes pre-
mente non fiat lentor liquidior , ut se jungi , & sese expedire
possit , evadet ille ad motum difficilior , & ratione lentoris re-
naciùs hærentis extremitatibus canalium augebitur pulmonum
infartus , quo vasa illa tenera coarctata , & compressa libe-
rum transitum præbere non possunt circulantibus fluidis : in-
deque continuo appulsu novi liquoris ad partes pulmonum
compressas tendentis , & præterfluentis ad latera urgentis ,
vasa ultra tonum dilatata , & distenta tandem rumpuntur ,
quæ

quæ viam ad pulmonarem phrysism sternere solent . Undè quotiescumque liquidorum lentor universalis , & vasculorum infartus tollendus erit , sed aderit pectoris dolor , tussis , aut tubercula delitescantia ; imminuetur quidem fluidi crassities , at cruda pulmonum tubercula parvo dolore latentia salivationis agitatione incalescunt , & inflammata suppurantur , quæ in habitu primo phrysicos delitescantia in irreparabile exitium terminantur .

Nec feliciori eventuum certitudine in nervorum tremore salivatio experitur . Cum autem ad motus requiratur contractio musculorum maximè æquabilis , atque continua , si spiritus per nervos influat minori copia , quàm par sit sustinendæ tensioni fibrarum , nervorum tubuli dato temporis spatio à derivatis spiritibus solùm inflati elevabuntur , & demittentur alterne , unde continget tremor ; cuius tremoris species in villis impressa si à comprimente aliquo , vel obstruente , adeoque spirituum influxus intercipiente inferatur , salivatione planè tolli , atque averti poterit . At in senibus , & imbecillibus cum tremor à debilitate nervorum , & lucta spirituum proveniat , erit ille compositus ex repugnantia nervorum ad excipiendam pressionem in fibris à spirituum expansione , & nisu , quasi laxatis per membranarum divulsionem diuturno tremore fatiscentium , & inertis nervosi liquidi elatere flexuosos canaliculos , minimasque tilias non replente , qui in labentibus villis obviis , & earundem distractione subortus , cum eorum tenuissima filamenta ad æqualem contrarium inepta tonico motu non æquent mercurialium percussorum vibices , tremor idem non modò persistet , verùm major succedet .

Ratione non longè diversa malè sputatio cietur in eo , qui motibus convulsivis à lædente externo illatis obnoxius evadit . Ità quicquidque cerebro debili , aut nimis rara , & laxa nervorum fibrarum textura præditi ex adunatione partium minimarum connisi in cohæsione tam parvo suborta , ut levi motu solvi queat , morbis nervosis tentantur , aut paralyti ex magna villorum siccitate musculorum flexionem dirigentium prohibente , vel ab eorundem resolutione motum coercente (quorum pars affecta protracto morbo contabescit) à mercurialibus obducantur . Gravia enim Mercurij corpuscula nimis mobilia fluendo per propriam nervorum substantiam , immò superatis

peratis innumeris diverticulis, & impedimentis; motus suos ubique perperam diversis directionibus, ac velocitatibus, quibus pollent, communicant singulis machinulis totius nervorum fabricæ, & poros impervios memoratæ particulæ comentes hac illac inæqualiter nervos excutiunt; & quia eorum meatus, inanitates, & interiecta spatiola sunt mollia, contracta, & diversis sæculentiis referta, impediunt flexuositricis, atque interfecationibus invicem inclinatis, ne mercuriales moleculæ cursum molientes æquali undique nisu spongiolas fibrarum penetrent sit ut motu celeri, & perturbato machinularum dimoveant nexum, indeque deflectantur quocumque, tanta cum virium inæqualitate, quanta videtur necessaria ad implicatam nervorum substantiam raro villorum fædere copulatam diruendam, variisque quassationibus villos contractiles, nervorum filamenta, & fibras membranarum assidua stimulorum vi lacefcendas ordinata: adeoque imminuta vi cohæisionis inter exilissima corpuscula ita enervatur villorum, & filamentorum connisus, ut humoribus tilix madescentes ad instar spongiæ tanquam cera emolliantur, & ponere mercurij maceratæ à proprio termino recedant.

Hinc cum Mercurius vivus insensibilissimus sit nervis, ideò qui prò salivatione unctionem passi, sæpius laborant gravioribus nervorum affectibus, à residentibus (ut plurimi chimicorum cum Lemery passi sunt.) hinc inde mercurij particulis, optimè auro curantur, testante Ettmullero; unde Zacutus Lusitanus unguentum mercuriale conficit ex auro, ut crassiores Mercurij particulæ per totum corpus diffusæ post salivationem in fibrarum interstitiis restitantes, promptius se insinuent in aurum. Si intra nervorum spongiosam substantiam viscidis implicatæ subsiderent crassiores mercurij particulæ, nequaquam elicerentur ab auro. Verum quidem est, si aurum atteratur (si verò arteri potest) in partes adeò minimas, ut earum corpuscula habita ratione molis, & gravitatis energia, reddantur sanguinis particulis levitate paria, & rapicum fluidis apta, veneream luem tutius auro, quàm mercurio sanari. At licet aurum in minutissima sui corpuscula reductum sit, adhuc continet moleculas, quæ à sanguine evehî resistunt, quæque nullo artificio hætenus cognito ad tantam attenuationem reduci possunt, ut in minimas atomos conse-

ctæ

Et sanguini hære, motuque fluidorum rapi possent. Quia ratione licet mole æquales, sanguine tamen graviores auri particulae à liquidorum commercio seclusæ, nullas in mercuriali sulphure vires exercere poterunt. Quibus verò mollem fibrarum texturam finxit natura, aut qui in mercurij fodinis continuò marcescunt, nervorum labe non carent. Ob jugem solidorum colliquationem, & fibrillarum macerationem à mercurialibus corpusculis intus susceptis, contabescunt nervorum fasciculi, qui perperam à nimio mercurialium impulsu indefinenter lacerati fatiscunt; undè vasorum tono subrepto, tollitur eorumdem nisus in fluida, ex quorum retardato motu, & virium solidorum inertia complicatus morbus emergit.

Cum verò sanguis præservidus existens à recta temperie defecit, & ejus sulphureæ particula prædominio potitæ sibi falem asciscunt, quæ invicem allisæ, proindeque in minimas solutæ moleculas nimium in fluorem evehuntur, liquoris mixtione alterata intimeque fusa ejusdem naturali consistentia inordinate solutus dyscrasiam sulphureo salinam, & salso muriaticam acri alkalicam indolem induit, cujus sulphuris, & salis concretiones perpetim huc illuc dispersæ, extrinseus suffusæ maculas, & ulcera, interius depositæ dysenterias, & dolores pariunt. In hanc sanguinis soluta fibrarum coherentia, in quâ nimis tenue cogendum, & acre involvendum, dolosæ artis opus erit hunc morbum solventi ullo sialogogo tentare.

A R T I C U L U S IV.

De Mercuriologia.

QUandoquidem multis retrò ab hinc annis ab explorandis mercurii viribus, reluctanti licet animo totus abstinerim; animus tamen nunc meus in illius contemplatione ita rapit ingenium, ut mihi videatur non absque aliqua animi voluptate, & me non injucundo munere versari, si extricatis specierum mercurialium præparationibus mercurialibus, quibus ambiguae communium auctorum notiones nos involvunt, examinandas attentius mercurialium vires intentavero, dum eas simul colligere conor, quarum delectatione non immeritò allicimur ad elevandas cogitationes, mentisque aciem acutendam,

dam, quibus sublimè de tanta mercurii excellentia nostræ utilitati comparata cum chymicis gloriamur. Totus admirationis nostræ scopus in eò vertitur, ut nobiliores summi illius entis mercurialis usus depingamus, quod quò diutius contem-
plamur, eò magis ad sui admirationem rapimur. Hanc autem occupationem, qui abjectam, minusque utilem putaret, ipso etiam in Medicinæ cælo felicitate careret. Licet autem meam sub eadem tenuitatem sincero sensu animadvertam, nova tamen in dies phenomenorum, & præparationum materia cognitionem suppeditat, ut nec ullatenus dubitem, quin exactioribus adhuc posteritas experientiis, ignotas nobis tum vires, tum præparationes detectura sit. Non est ergo cur metuamus, nè nostra Mercurij cognitio de novo antecedentium, aut subsequantium defectu expiret, aut deficiat. Infinitus hic oceanus virium, proprietatum varietatem continet, de quibus longè difficilior cognitionem acquisivero, quàm easdem percurrere hausero aut enumeravero.

Ut autem rem ab ovo incipiam contrà Galenum rixas concito qui lib. 9. simpl. medicam. de ipso minùs constans, infido, & malefano artis convitio argentum vivum ex spontè nascentibus non esse, sed ex hiis, quæ præparantur, velut cerussa, ærugo, lithargirum contendit, fateaturque se nullum huiusce medicamenti fecisse periculum, an interimat si devoretur, vel ubi foras fuerit admotum. Alij porò, phylosophorum, & Alberti Magni lib. 4. min. cap. 70. sententiam secuti, cum viderit argentum vivum quasi omnibus associari metallis, ipsisque faciliùs contactu inhærescere, materiam ad omnem metallorum generationem commenti sunt, quæ in utriculis reposita, nullisque fictilibus vasis coercita lignea vasa obvia quæque perumperet; quo fit ut Dioscoridem mirari subeat, qui ab hydragiro vasa cuncta exedi, ac metalla quibus inhæserit destrui autumans, lethalem potum esse cum Plinio lib. 33. cap. 6. & 8. falsò deprehendit, quod internum cordis humorem, vitales sanguinis spiritus subindè congelans, suo pondere interna tandem diffingat. Galenus verò quamvis testetur alibi nullum fecisse experimentum contra Dioscoridis sententiam ait, Mercurij calorem eò perducì, ut per erosionem interimat. Conciliator ab hiis recedens in tract. de ven. cap. 6. dicit, quod argentum vivum ore sumptum,

ptum inducit hominem ad epilepsiam, aut apoplexiam. At dolendum sanè infrugiferis conjecturæ cespitibus, dubioque experimentorum successu rem longè attigisse: quorum cætus discordes, aut senio confecta mendacia renovare, aut commenta deliranti figmento excolere animus exhorret, quæ in artem invecsta convitia fidenter convellit Agricola de re metallica: *Nuper autem inquit cum improba uxor marito aliquot vicibus argentum vivum dedisset devorandum, id sine ullo nocumento eiecit per alvum, quo mercurium uxore humaniùs optatum scelus non complevit: Hinc cecinit Aufonius.*

*Toxica zelotipo dedit Uxor Maca Marito
Nec satis ad mortem credidit esse datum;
Miscuit Argenti lethalia pondera vivi
Cogeret, ut celerem vis geminata necem.
Dividat hac si quis, faciunt discreta venenum,
Antidotum summet, qui sociata bibet.
Ergo inter se se dum noxia pocula certant,
Cessit letthalis noxa salutifera;
Protinus ut vacuos alvi petiere recursus,
Lubrica dejectis, qua via nota cibis.
Quam pia cura Deum! prodest crudelior uxor,
Et cum fata volunt, bina venena iurant.*

Samberolitanus in commento ad Avicennam vidit hydragium abortum promovendi causa mulierem ad libram sumpsisse sine noxa; & hoc ipsum confirmatur à Fracastorio in lib. de simp. Brasavolus Medicus Ferrariensis vir sanè illa ætate clarissimus, in suo de stirpium examine, sæpiùs dedisse fateatur argentum vivum devorandum vi vermium semimortuis infantibus, à quo velut è faucibus orci protinus à morbo evadabant. Ità Gorritienses obstetrices, ubi gravidæ diù in parus labore, & cruciatibus inani conatu urgerentur, statim argentum vivum scrupuli pondere nullis incommodis, immò partus dolorem, & difficultatem lenientes potandum exhibebant textante Matthiolo lib. 4. in lib. 5. Dioscoridis; ex quo nihil mirum, quod scripserit Avicennas, non deesse, qui bibant argentum vivum, & nullam indè sentiant noxam, quod faciliè labatur è corpore, dummodò haurientes continuò huc illuc deambulent.

De qualitatibus Mercurij Fallopius disputans, unam in superfi-

perficie, alteram in intimis partibus deprehendit, quæ calidæ suapte natura, atque siccæ, habent extrinsecus cum Aristotele partes aeris admixtas, à quibus impedita Mercurij concretione in fluidum corpus servatur. Avicennas, tamen frigidum, & humidum esse in secundo gradu existimat, cui consentit Averoes, ut refert Pandeſtarius. Fernelius de abditis rerum causis frigidum, & humidum in quarto gradu, quod confirmat Matthioli lib. 6. cap. 28. & solvit ambiguitates circa ejus temperamentum exortas, ubi cum Plinio hydragirim vomicam ignis æterni, & sanguinem sistere asserente, addit argentum vivum interimere, si largius bibatur excessu summè frigido, & humido ex quodam seplasiario convictus, qui ardentissima febre correptus, siti intolerabili vexatus, delirio oberrans in pharmacopolium descendit, ut, quod laxaret sitientia, summeque areſcentia labra, inveniret, & casu incidens in vas argenti vivi pro aquæ fortassis vice multum ex eo potavit; sed paucis post horis congelatus migravit ad superiores; dein patefactis visceribus in ventriculo innatabat argenti vivi libra, & circa cordis vasa sanguis concreſcebat.

Ex suprâ recensitis satis innotescit antiquiores Græci, qui horrore quodam percussî illum nec extremis ditigitis tetigere, quam admodum tenuem de hydragiro habuere notitiam: quorum vestigia calcant multi ex rudioribus Medicastris solo nomine Mercurij deterriti, qui, quorum virtus turpis est inscitia, & inanis existit suspicio, malunt ægros certo mortis periculo relinquere, quam anceps experiri remedium, despicientes illud celsi *tutum esse quod est incertum*. Horum dubitationis stultitiam convellit Iunkeni observatio. Mulier quædam utero gerens, puello ubera porrigens curriculo viginti mensium Gallico seminio inficitur. Hæc leviter inuncta Mercurio, cum tenello infante, etsi non lenito salivationem, patiebatur, donec mater, & puellus à celtica lue feliciter evasere. Indè post circiter labente mense insulpatæ salutis infantem enixa est. Ex quo, silentio prætereo praxim eorum, qui nec mente, nec digitis mercurij vires adumbrantes, exhorrent, ne mercurius à calore vitali excitatus, quasi à Chymicorum igne commotus in sanguine sublimetur, quo septici, atque erosivi salis indolem nanciſcente veluti à veneni furore

rore, ac clade, homo de medio tollatur. At in corpore fluido leni solidorum impetu promotus, qui calor, precor, gliscit urens, ut mercurij partes sublimet instar subtilissimi, ac erosivi cunei acuatas?

Ut modò accedam unde digressus sum, homogenei corporis mercurij explicatio, tot hucusque fuit involuta difficultatibus, ut nisi feratior in hiis resolvendis posterorum industria, quàm majorum nostrorum, & nostra fuerit operosa felicitas, illud pensum esse censeo, omnes non tantum unius philosophi conatus, sed plurium seculorum tentamina extorquens; cum Chymicorum quoque examina, & sedula philosophorum solertia propius intimam istius Prothei naturam solertissimè investigantium, ad hunc usque diem plùs admirationis, quàm cognitionis, plùs dubitationis, quàm certe demonstrationis palam fecerint. Reverà naturam, & causas adæquatas mercurij perspicuè rimari, atque cruere, gravissimum mihi videtur onus, cui solidè absolvendo parem quemcumque hominem fore semper suspensus hæreo. Ut autem hoc in negotio non longè rem, & felicius scopum attingam, utque hydragiri proprietatum, ac virium maximè veritas clariùs eluceat, veritatis auspiciis in arenam descendendo, placet spargiricam ingredientium præmittere analysim. At cum curiositatem meam intrà Chymicorum experimentorum cancellos non coerceam, ego adhuc juvenis non nisi angustam hæctenus eorum suppellectilem mihi paravi, quibus absque Ariadnæ filo possim egredi, ut tam gravis, difficilisque pensum rem aperire mihi liceat.

E subtilissimis autem effluviis æthereis, ac fluidissimis constatur mercurius, quorum volatilibus moleculis, & specificis particulis metallicis saturatus in fluorem evehitur, dum rotundæ materiæ primi elementi moleculæ in Mercurio eminentes irretiri non possunt, in puncto contactus invicem collisæ perenni motu exagitantur. Spiritus hic mercurialis æthereus in subterraneis antris, & debitis seminiis matricibus coercitus, in metallicas minutias appellens sui generis, hiis amico sædere associatur, quas in minima ramenta exsolvendo in floris motum concitat, ac fluxiles reddit: adeoque compositus emergit perennis fluor, qui mercurius vulgi nuncupatur, cum in suis etiam repertus mineris, licet metallorum

mercurio non destitutus, recremento potius metallico conflet; à quo si partes terræ metallicæ, quæ sunt ingenitæ, ac originariæ metalli labes, artificiosa enchyrisi separari possent, quas per artem dissociare omni, sed inani conatu laborant Chymici, sublimior haberetur spiritus ab omni metallorum consortio vindicatus, qui iactaretur ab illis per ignem; philosophis mercurius de mercurio; quippe qui metallorum mercurius nusquam reperire detur nisi in Alkymistarum vana iactantia, inutili molimine, & falsis promissis, quod eorum quidam eò usque progressi sunt, ut stigma inusserint hiis omnibus, qui talem mercurium facere posse sibi arrogant, vel credulorum hiis, qui eundem confiteri posse sibi persuadent. Huic opinioni famulatur Alchymistarum coriphæus Geber, ubi inquit *continet argentum vivum in se spiritum internum viventem, & convertentem ignem, si de potentia in actum promovebitur*. Huic consentit Helmontius qui tract. progyna. §. 14. sulphur externum originariam metalli labem separare jubet à Mercurio vivo, ut fiat mercurius de mercurio, qui deindè nullo igne poterit in formam terræ præcipitari ob maximam sui simplicitatem, cum sulphuris terram amiserit, nulloque igne mutabilis erit. Ità Lullius sulphur inesse hydragiro opinatur ex eo quod *nullum argentum vivum promptius convertatur in substantiam sulphuris, quàm illud, cui sulphuris moleculæ ab origine sunt profundissimè dissolutæ, atque per dissolutionem intimè commixtæ*: Nec ultimum sulphur promptius congellet argentum vivum, quàm illud, in quo sulphuris qualitates per dissolutionem in mercurio cohibentur; ex quibus concludit argentum vivum non solum è spiritu volatili, sed etiam è subtili sulphure compingi, ut in corpus summè fluidum coalescat. Hoc metallorum sulphur est internum ipsi mercurio, ideòque non magis ab omni corrosivo, quam ab ignis actione intactum remanet.

Mirum est quantum se torquent præoccupata Hermeticorum ingenia, omnes ferè in eo desudantes, ut mercurius purissimo æthere saturatus ab impuro carcere educatur, in quo latitans spiritus ille (ut Geber lib. 2. par. 1. cap. 4. Alchymis: Magister) felicius extrahi possit ad optatum finem; sed ah quantum deplorandum dolendumque! post improbum enim, & inanem laborem dolosæ artis fundamento innixum, credulos decipiendi gratia, & à dolo fruges captandi, tandem
à sco-

à scopo aberrant, ad quem collinant, atque orientem in occasu quærentes cum veste Dianam acquirunt. Externa quidem facie mutabilis est mercurius, ut varias induat larvas, & ludat corporum formas, & si eò redigatur, ut non nihil ab acidis coercitus aliquot horas fortiolem ignis torturam patiatur; nihilominus vel spontè denuò caput exerit, vel facili negotio in vivam formam per alkalia resuscitatur; Qua ratione in terræ poris in liquorem albicantem conversæ ita pertinacissimè se invicem adhærent, ut licet minutissimi globuli per microscopium adhuc in conspectum veniant, tamen variè revoluti, atque ita intertexti, ut à nullo Chymicorum labore ad hunc usque diem eorum nexus potuerit exolvi, à quibus curiosi Spargyristæ maximo errore falluntur. Jam satis superque innotescit versipellis: præparationibus larvari mercurium in habitu ejus externo, diu à diversis menstruis mutatus modò in liquorem cum oleo vitrioli subflavum, modò cum sulphure in volatilem cinnabarim transformatus: quippe qui salinis corporibus sursum raptus, salum formam, cum regulo Antimonij, butyri, oleique substantiam induit; nihilominus addit Fridericus Hoffmannus tantum abest, ut hæc involucria salina, aut sulphurea, partes sint Mercurij constitutivæ ex illius substantia elicita, ut potiùs composita sint corpora ex mercurio, & menstruo ad ipsum larvandam adhibito, uti exindè ex reductione Mercurij in pristinum fluorem abundè elucet. Ideòque cum altioris sit indaginis intimus mercurij nucleus, non attingitur, quo à mutuo amplexu desciscantes elementares moleculæ in salia, ac sulphura facessant. Igitur licet variis modis tractatus nullo modo est coercibilis, quin ubi optimè fixatus putatur, insalutato hospite fugam molitur. Ità Bartolus summus Astrologus Mercurium ad tantam coegit fixitatem, ut nesciret quomodo in convenienti illud includeret vasculo: sed nescio quo moratus, fortissimo addito igne, inopinato mercurium igne rapi conspexit: tanti nempe laboris est genuina ejus fixatio, ut ut cum vitriolo, & allumine in corpus mediocriter fixum redigi possit.

Borrichius, cum lamella martis in mercurium vivum projecta intrà vas coercitum, brevi post tota in rubiginem conversa reperitur corrosa, acidum metallicum occultum intimius hydragiro associari fortassis, si conjecturæ præstanda fides,

des, à recto non aberrat. Hoc si in debitis vasculis contentum igni exponatur, miram aquæ insipidæ copiam elargitur, intacto semper manente mercurij pondere, ut Raymundus Lullius docet, Boyles in chymista septico, & Joannes Agricola in Poppium testantur; sed aquaeducta, cum remaneat mercurij pondus, de quo dubitare licet (si ab aere non subministratur) num sit primorum miscibilium constitutiva, adeò nuda ignis actione possibile sit Mercurij partes in secundum novos, differentesque modos disponi, ut modò hanc, modò illam habeant corporis formam, licet ignis impetu commotæ partes in alias substantias omninò diversas coalescere non possint.

Alia metalla ingredi hydragiri naturam censet Boyles in tract. de coloribus, ubi solutiones Mercurij ab aqua forti peractas, non rarò virides: observavit, qui color (ut inquit una Fridericus Hoffmannus de cinabari nativo) sine dubio dependet à particulis immixtis veneris. Sed accuratius paulò si lubet pensitato experimento, suspicio non levis notæ innuitur. Cum spiritus aquæ fortis acidus aggrediatur globulos mercuriales, seque intimè ipsis agglomeret, atque interponat (solutio autem nil aliud est, quam intima interpositio particularum solventis intra poros corporum solvendorum) particulæ veneris in spiritu vitrioli in aqua forti eminentes, in Mercurij corpuscula nituntur, & reactionem passæ exolveri possunt; undè solutio illa vitrioli veneris cum solutione Mercurij commixta fas est dubitare, an solventi menstruo, vel soluto corpori debeatur.

Descriptiones, quas nobis de istius corporis ingredientibus tradunt, adeò implexæ sunt, ut etiam illi qui notiones Chymicorum conati sunt pollire, atque illustrare, fateri teneantur, nescire se quid vellint. Igitur spiritus æthereus subtilissimus, & summè mobilis, cum metallicis particulis primogenis constituit vulgi mercurium, cujus sphaeroidei globuli agilitate naturæ suæ propriæ, sive metallicorum corpusculorum ad hoc necessaria figurarum mutatione, & solidæ coæssionis resolutione, in puncto contactus sese tangentes, hiis intextuntur poris, quibus agitari queant ab ætherea substantia, utq; particulæ admodum minutæ, licet pressæ ordinationi corpusculorum coordinatæ, non quietis expertes, multifariis, & inde-

indefinenter suis motionibus corpus metallicum in statu fluiditatis servare queant. Nec fluida forma corporis mercurialis levitatem redarguit, cum idem constet particulis in minimo volumine tam solidis, & tam numerosis, ut non obstante intestina eorum motione, corpus quod componunt, summè ponderosum esse queat.

Licet aurum admittere recuset ullum corpus ad se ulla ætate intimè, aut permanenter ipsi associandum, ut illud satis firmiter ei aglutinatum possit intrinsecè alterare: tamen Mercurius vivus ità redditur idoneus ad aurum usque ad eò penetrandum, & cum eo sese tam intimè permiscendum, ut huiusce metalli particulae, quæ tam arctè quandoque agglutinantur, ut, inquam, non sine difficultate ab auro divellantur. Mercurius constat particulis ità aptè figuratis, ut in auri commissuras, ad ejusdem solidarum partium tricas investigandas sese possit insinuare, cuius corpuscula nec majora sunt, quam ut poros, aut corporis auri inania introire possint, nec minuta ad eò, ut eadem faciliè lucis ad instar traiciant, vel ut ob exilitatem nimiam partes, quas invadunt, solvere nequeant: sed porulorum auri diametrum exactè adæquant. Quæ Mercurij corpuscula cum sint agilia, aptaque ad motum, ut impetiti corporis albare queant partes, ab ipsa atmosphæræ pressione impelli, intrudique possunt in poros auri non impletos substantia, quæ tantum resistens, quantum communis aer, æquali nisu non nititur in urgentem mercurium, gravitate, ac pressura ambienti prævalentem. Cum autem Mercurius per accuratas auri commixtiones dividatur in particulas summè tenues, & per externam hanc commixtionem acquirat multò plus superficiei, quam priùs habuerat, undiquè ferè tangit auri particulas, quæ in sua superficie mercurialem massam exhibere videntur. Agitatione deindè Mercurij corpusculorum hiis in auri poris, ac commissuris à libere vagante materia ætherea promoveri potest auri motus, & incallescencia, ut Boyles experientissimus pluries observavit de producibi: chymi: principi: aut ex repetitis ictibus, variisque innatantium ipsius Mercurii corpusculorum pulsibus; hinc intromissæ particulae tot veluti cunei intrò adacti, partes auri, inter quas insinuant sese, emolliunt, aurumque incallescens duritiem ammittit.

Virtus

Virtus anthelminthica summa viget in mercurio, qua vermes occidit, fugatq; lumbricos. Cum implicita vermium substantia sit molli, & distractili vasorum fœdere copulata, tum diversarum pressurionum, tum quassationum, accommodatur ad recipiendos illos humores, qui facillè penetrant inanitates spongiosas, & vasorum diverticula, atque glandularum, immò villorum omnium cava, quorum pervia, levisque eorundem machinularum textura exfugit non sustinendi ponderis invadentes particulas, quæ minima mercurii segmenta mirè solidis vermium partibus irretita, nova majorique motus vi dimota impetum acquirunt, idcirco dùm sese liberant à vinculis pororum, atque vermium anfractibus innumeris ictibus, simul percutiunt singulas villorum machinulas, eas distrahunt, resistentias inertes dissolvunt, ac propterea innumerabilibus percussionibus, ac impulsibus depellunt hùc, & illuc non solum humores totam vermium fabricam, itemque eorundem nervorum tubulos accolentes, ut debitè non respondeant viribus solidorum, verùm flexuosis tricis, atque intersecationibus invicem inclinata vascula divellunt, ut eorum fibrillæ non resistant particulis nimis mobilibus, eorumque sphæculis penetrantibus, confricantibus, & penè dixerim erodentibus solidorum substantiam, quæ tametsi aliquantum Mercurialis liquidi impulsui resistat, nihilominus corporis jugiter gravitantis irritationes, & distractiones cujuscumq; partis ita sensim intenduntur, ut omnes villorum ciliæ à ponderantibus cum fluidis vermium circumstantibus particulis potius percussæ, quàm lustratæ dissiliant ab invicem. Hinc plùs justo urgentia liquida, quæ tangunt, plùs æquo distrahunt, eaque ita dissolvunt à mutuo fœdere, ut resistentiæ vasculorum, & laxi eorum hiatus fluentibus, ac reffluentibus undis exagitati prorsus confringantur; ex quo (ut observavit diligentissimus Rhedi) facillè concipimus, cur lumbrici à præsentia Mercurii primò moveantur, dein irrequieti sese contorqueant, indè moriantur. Quotiescumque mercurius sui aliqua saltem tenuiori portione fluit, atque humoribus vermium intermiscetur, tunc fluunt, & resflunt, à Mercurii pressione, & validius urgente liquida plùs æquo provocata: Fluunt inquam, & per omne vasorum genus circulum agentibus humoribus, spiritus fieri incipiunt nimis liberi, atque mobiles, adeòq; acres, ut illo-

rum

rum minutissimæ particulæ pungentium ad instar, atque acutorum stimulorum penetrent fibras ad partium contactum positas. Ex hoc propterea exoriantur tot contractiones, & distractiones, quot sunt fluxus, & refluxus, undarum emergentium à nimis jactato nervorum succo, immò quot sunt contactus particularum impellentis fluidi, & incisiones, & diffusiones agentium fluidorum in singulos villos, à quibus omnibus si indefinenter mordeantur vasculorum parietes, & tali incurrentibus stimuli vi, ut in fibrarum poris distensis, & inanitatibus dilatatis congerantur mobiles, atque elasticæ graves mercurii molecule sensim diffundantur, vermes nunc convulsionibus variis, nunc tensionibus universi corporis corripuntur. Idcirco cum nulla sit fluidorum molecula, quæ non concitetur, concutiat, jactetur, ac veluti urgentis Mercurii pondere prematur, proindeque cogatur summa celeritate moveri, penetrare, & magna concitatione irruere in omnem, etsi minimam solidorum particulam, ita ut nulla sit fibra, quæ vim non patiat, ideòque inæqualiter contrahatur, laxetur, commutetur contactum, atque connisum, motus violenti distractionis villorum summopere augmentur, adeòque liquidis Mercurio interspersis memoratæ partes, quasi maceratæ laxantur, immò maximis stimulorum cuneis concussæ, simulque partibus diversæ, & urgentis figuræ nisu perterebrantur, ut propriam resistantiam amittant, ex quo laceratis villis, & omnigenis filamentis confossis tota insectorum fabrica invertitur, & prorsus dissolvitur.

Partus difficultas, quæ naturæ leges non servat, mercurio nonnumquam suffragatur. Ut partus debito procedat termino (ultrà infinita alia) requiritur, ut uteri fibræ mutuò flexæ, arcuque irretitæ, & per earundem protensiones mirè implicitæ, & membranarum villi modicè extendantur, ut in conatum expulsum nitentes possint moderatè contrahi, & versus inferiora fatum validius impellere. Si verò liquidorum materies adaucta, & magis pressa ob infartum contractilium villorum velocitatem suam amittat, uteri villi evadent machinæ rigide ad instar, non valentis se flectere, qui cum non possint se contrahere minus æquo agent, & languidiùs urgebunt, quò fiet ut in dies magis non solum multiplicata fluidorum aggerie imminuatur fibrarum energia : sed veluti præ-

lo conftrictis humoribus uterum quaquaversum gravitantibus, & in ejusdem vasculis hærentibus, pori, locula fibrarum obstruantur magis, ac propterea uteri vasa cuncta majori conatu invicem comprimantur, quam eorundem ferat resistantia: adeò interiecti humoris quiete præpeditur conatus impulsivus, compressivus, ut fibræ, non impellant tanta vi, quantam exigit energia sætus resistantis. Harum ex dictis hætenus causis, cum vasa uteri lentis humoribus imbibita, proindeque dura, ac tensa impediunt spiritus, ne villosis filamentis impartiantur necessarij conatus: Fibræ sua duritie instar funis à lentore liquidorum, & glutine tensæ, cum supra vires proprias inveniant momentum resistantiæ, vim compressivam expulsionem sætus necessariam nequibunt moliri; idèque cum Mercurius tot partibus, tot machinis urgentibus refertus, totque munitus retusis cuneis, quot sunt minimæ ejusdem elementares moleculæ, hanc uteri fabricam urgeat, percutiat, & satis dissolvat inutilia, abradat, depellat humores infarcientes, distrahentes fibras, ac proinde vasculorum infartum, energiam, ac actionem villorum destruentem resolvat; singulæ fibræ, & membranæ regentes sætum in naturalem contactum, & ad partium cohæsionem accedunt, undè opportunum conatum cum elastica vi acquirunt validiori connisu sætum urgent, & validius impellunt.

Externe sanat scabiem in glandulis cutaneis constanter resistentem, quarum contextus retiformis constituitur ex innumeris filamentis vasculorum cujuscunque generis mira arte invicem implicatis, per quorum vacuas ambages paralleli emergunt ductus excretorii, qui à Stenone observati ex glandulis subiacentibus oriuntur. Hinc papillæ quædam pyramidales à nervis prodeunt à celeberrimo Malpighio inventore detectæ, quæ à partibus lymphaticis ex ductibus illis exsulantibus perpetim irrigantur. Cum enim serosus iste latex à sanguine elicitus salibus acido salsis turgeat, ejusdem particulæ viscidiores non tantum utrinque acuatis, sed etiam tenuioribus salium mucronibus immixtæ, glandularum lacunas, & cutis porula, per quæ fluere debent, & insensibiliter erumpere, leviter opplent. Fibræ autem nervæ in glandulis cutis dispersæ à salinis particulis subtiliori aere exagitatis commotæ, ac vellicatæ, molesti proritibus sensationes inducunt, à quibus nervorum, &
villo-

villorum irritationibus, crassiores lymphæ partes, licet agitatae, cum difficulter sejungantur ab invicem, parvas in cuticula pustulas excitant, quæ à sero indefinenter ad glandulas confluyente in acumen elevatae, indè à multis salium aciebus, quorum motui non valdè resistunt, perterebratae, acido salios succos confertim effundunt.

In curatione hujus pruriginosi affectus, & hujus cutaneæ fordis, eò innititur ut acida acrimonia temperetur, & glutinosa lympa incidatur, in quem finem mercurius extollitur, sine quo difficillimè absolvitur curatio. Hic enim nullas patiens inducias, nullaque resistantia coercitus, ad quamcumque corporis glandulosi partem sibi viam parat, & gravitatis viribus impedimenta deiicit, nunc jactat singula, quæ lustrat, & percussiones singulis partibus incutit, nunc citius penetrat filamenta, cunctosque villos, in quos iruit, arctamque seri cohæSIONem, & salium mixtionem intervertit, quin immodò in solidorum machinulas adeò momentum tremuli motus imprimit, ut ex illarum perenni oscillationum vi, rursus atterrantur, atque agitentur tam cutis glandularum inertes succi, quàm illi qui per arterias, & venas fluunt, qui quidem ita jactantur, invicem confunduntur, atque alliduntur, ut post certum tempus reddantur tenuissimi: ideòque comminutæ feri, indè demùm attritæ salium particulae, quorum minima segmenta dividuntur, jam divisæ abeunt in auras.

Verùm si scabie affectis in glandularum papillis, & cavitatibus vermiculus insideat, modò hùc, modò illuc fortuitò titillans, ut apprimè docet exactissimo microscopio armatus oculatissimus Redi; tu, qui hæc meditaris revoca in mentem, quæ superiùs attulimus de vermibus.

Observat Daniel Bartholi societ. Jesu de glacie, in hydragium demersa aquæ in glaciem concretæ ramenta protinus aquæ fluorem suscipere. Quoniam liquidorum fluiditas in corpusculis divisibilibus maximè consistens, quæ partibus suarum superficierum, dum se invicem tangunt, separatim hinc indè agitata faciliè inter contiguas eorum partes, & numerosa interstitia juxta suas invicem superficies volvuntur, usque adeò fluoris motum conservat, donec irrequieto motu agitata in resistens corpus incurrens debitum impetus momentum deperdat, ita Renat: de Cart: Boyles, & Alphonsus Borrellus

cum quibus Gallilæus nel trattato de Galleggianti . Fit igitur ut aqueæ moleculæ in quiete constitutæ, spiritu æthereo Mercurii, & subtilissimo, laxato glaciæ vinculo intus commotæ, & hydragiri gravitatis impetu in corpuscula satis exilia divisæ ad eam levitatem, & volubilitatem redigantur, ut liberè sese quaquaversum ferentes in fluidum corpus reducantur.

Non longè diversa ratione Isaac Neuutonius fancivit illud esse fluidum, cujus particulæ quacumque vi commotæ, parvoque molimine impulsæ moventur, ac facilè inter se concutiuntur, licèt fluidum immobile nulloque intus turbinari motu oculis subeat. Fluida, quorum partes debilioribus viribus eas dissociare conantibus non resistunt, inter se collisa in particulas infinitè parvas resolvi queunt. Ex tenuissimo ergo partium contextu fluidorum oritur illa minima resistentia, quam moleculæ in fluidis leviter commotæ diffingunt, & superant. At licèt ad fluidorum constitutionem parvæ, ac exigues requirantur particulæ, non videtur absolutè verum corpus illud esse fluidum, quod ex minimis moleculis coalescit; quippè componentium corpusculorum parvitas eà poterit cohæsione firmari, ut eorundem ramositate, curvitate, asperitate, particulæ licèt sub parvo volumine implicitæ, adeò sibi mutuò irretiantur, ut sese extricare difficillimè queant; undè à levissimo pulsu corporis impingentis non propulsæ solidum corpus vel tenacius fluidum constituent.

Delibatis Mercurii proprietate, & minus tutis usibus perpenſis operæ prætium nunc est investigare quibus elementaribus principiis, salinis ne, aut sulphureis, in quibus impressa est, lues exterminetur. Acida salia auræ celticæ, Chymici intrâ poros Mercurii (cum sit Alkali volatile) implicari conſeſcunt nonnulli, quæ à colore, & fluidorum motu ad superiora propulsa sublimantur, ubi viarum irritatione apertis salivæ ductibus pituitosa materies jugiter erumpit. Sed gratis omninò in Mercurio alkali dicitur inexistere; neque enim huic corpori, cui quodam quasi experientiæ testimonio inesse creditur, aliter probatur existere, quam ex hypothesi, quod alkalicorum effectus ab absumptis Chymicorum principiis oriantur. Nec assertiones tam latè patentes, tantique momenti admittendæ sunt, nisi validis firmatæ rationibus. Im-

mò dum aliam in medium proferre hypothesim aggredior ; meum esse censeo rationes adducere , quæ dubitandi causam vindicant , & prolatis assensum prohibent , ne gratis confutationem exornem , multoque minùs confidenter nimis sententias convellere insimuler . Hoc verò absque convitio , dum id mihi arrogo , illam mihi indulgendam iri veniam , quam quisque sibi philosophanti deberi pensitat , confido . Cum alkalinum subjectum ex frangibilibus , rigidisque spiculis coalescens , annuentibus ipsis , coerceatur ab angulosis acidorum ramentis , particulas Mercuriales involventibus , earumque motus retundentibus , acida salia venereæ luis suprà mercurii corpus vires exercendo glutinosi liquidi cohæsiorem augerent ; nam particulæ alkali sinuosis angulis intexuntur , adeòque particula acidi impingens in moleculam alkali locum invenit , à quo in earumdem sinum recepta alkaliorum vires diffringit . Si verò in gyrum rotata alkalica mercurialium corpuscula acidorum aculeis cohærescerent , eorumdem angulorum acumina juxtà variam alkaliorum porositatem ; & molem , additorumque corpusculorum allisionem in se invicem cocuntium , in tam obtusa latera sese mutuò molarent , angulosque adeò re-
tusos , ut post variam utrinque luctam , mutuosque amplexus iterum eo unirentur modo , ut eorum cunei certa rursus coalescentia sibi invicem conflati , parvula possint exhibere prismata , quæ particulis pungentibus , & salinis sensim expedita , liquidum , cui innatant , omninò insipidum , & ab acore erodente discrepantem suppeditarent . Ita Boyles de mechanica saporum observat ; quod si liquori fixi nitri per deliquium factò , cautè spiritus nitri guttatim affundatur , donec omninò alkali saturetur , paucis momentis post levem evaporationem chrystalli obtinentur , non acris , nec alkalizati saporis . Ex mutua horum corporum reactione , & passione , alkalizata , acidæque particulæ in fluida cocunt , & post validam corpusculorum allisionem sibi invicem conjunctæ , prismata ejus figuræ exhibent , cujus extrema nimis utpotè obtusa , inurere non possunt ; ex quo corpus medium resultat . Ità alkaliorum Mercurii cum acidis unio , solidorum erosioni non occurrens , at fluidorum consistentiam , crassitiem promovens , remoto impetu , & in agendo seclusa gravitate , stimulo carebit tenaciores acidorum concreciones solvete .

Sed

Sed inquirunt, alkalia sunt corpora poros habentia proportionatos ingressui angulorum particularum in liquido natantium; igitur si vis illa, qua liquidi partes mutuò sese urgent, & æquali undequaque nisu manent libratae, inveniatur locum minùs resistentem in alkali poris, utpotè aere subtilissimo repletis, in eisdem fluidum impellet, adeòque acidis cuspis in spatia inania alkaliorum impingens, in hiis recondetur, & ab eorum præsentia liberatum fluidum pristinam crasim recuperabit. Verùm quidem est ab irretitis salibus inter alkalia corpuscula fluidum edulcorari; at acidi salis particulæ cum alkalibus combinatae, & veluti carcere detentæ in poris alkalium majorem ex unione nactæ ponderosam molem, cum fluidis circumvehi non possent, quæque pondere majori à liquidorum commercio seclusæ diarrhæam potius quam pthysimam promoverent. Cum igitur ratio acidi, & alkali consistat in proportionem pororum vacuorum ad spicula acidorum, sanè nulla apparet necessitas, quod Mercurius sit certi schematis, & magnitudinis, ut configuratas acidorum particulas absorbeat; immò ita in minima dividitur, ut à nonnullorum angulorum terebra, & cuneis possit permeari: adeòque non mirandum si particulas in majorem molem fastigiatas, & turbيناتas, nec suis poris commensuratas ex ipsius parvitate molis excludat. Attamen non imus insitias, quod plus, quam minimas non præferat interspersas porositates, & particularum tales ad invicem contactus, qui à gliscentibus inter partes, & partes fluidi erodentis globulis non possint repleri, prout variæ ad invicem aut cum aliis salinarum particularum superficulae coherant. Partium enim mercurialium nexus tam arctus existit, vel ea est compages, ut aut si non desint pori subtilissimis angulis permeabiles, ea tamen est parvitas mercurii, ut à glutinosis particulis nullo modo penetrari possit; cum ex una parte non existat in hiis gravitatis momentum, quod valeat partes viscidas ab invicem dissociare, & in minimos cuneos dividere, ut poros mercurii penetrare possint. Ab hoc solo virium defectu, excluduntur ab ejus poris salinae viscido involutæ particulæ, licèt pressæ à totius fluidi superincumbentis altitudine. Ex altera parte particulæ salis ex tenuitate molis, vel crassitie possunt adeò parvi motus fieri, ut vi careant superandi Mercurii resistentias, quas oppo-

nit motui illa qualiscumque sit adhæsiō, quam habent in intrinseco mercurii globuli ad invicem, tantò majorem in resistendo effectum producturi, quantò minores erunt corporis mercurialis superficies; ex quo mercurius non potest penetrari à viscidis particulis, quia poris caret glutinosum admittentibus. Minimi pori Mercurii penetrationi per aqueo viscidas moleculas faciendæ resistendo, instantibus salibus, & urgentibus spiculis aditum non permittunt, quæ tunc eò tantam non habent, quantam exigent ad eos pervadendos tenuitatem, & impetum. Si verum est particulas Mercurii unius figuræ esse, sicut persuadere videntur summa ejus simplicitas, & incapax corruptionis, si verum est eas esse sphericas, vel aliqua ex figuris ad sphericum accedentibus circumscribi, quemadmodum ostendere videntur plures ejus proprietates, non posset esse in mercurio inanium spatiorum diversitas, nec ea ad quamlibet figuram congruentia, quam expostulant plures chymici. At pororum in Mercurio quæcumque sit existentia, & quæcumque eorum amplitudo, an sine gravitatis momento partes salium concretorum, quæ in sanguine existunt, ad invicem separari, & scindi poterunt? hæc non nisi conjecturæ sunt rem adumbrantes magis, quam probabiliori ratione explicantes; immò philosophorum ingenia earum facilitate allecta ab ulteriori licet utiliori distrahuntur examine.

Quo circa ad tollendam aciditatem à corpore aliquo fluido præsertim opus est, ut à particulis acidum subinentibus fundamenta aciditatis detrahantur, vel illæ à corpore ablegantur. Cum igitur fundamenta aciditatis in acutie angulorum consistant, requiritur, ut acuti anguli emolliantur, ut in rectos vel obtusos facecant, aut omninò tollantur in curvam superficiem mutati. Angulorum autem ex acutis in obtusos transitus fit per rupturam acutarum cuspidum à validiorum agentium nisu diffringendarum; argumento admodum probabili, multam in mercurio requiri gravitatem, & impetum, qui salium evektorum spicula cohærentibus moleculis implicata possit infringere. Nec reponant posse retundi acutos acidorum salium angulos unione aliorum corpusculorum. Duo enim anguli acuti verticem communem habentes, & secundum latera sibi invicem cohærentes rectum, vel obtusum angulum ferè semper constituent. Sic involvuntur acutæ cuspidēs lentis, muco-

mucosis, & pinguibus substantiis, ac veluti intrâ vaginam anguli acumen conditur. Hoc artificio salium spicula in sapone mitigantur; sed si hoc fiat est tantum acidum edulcorare, non in minima resolvere, non destruere, non partes conglutinatatas discindere: adeoque si in particulas salinas cohærentibus nuptas non impingat aliquid, quod non sit ei specificè gravius, magis mobile, & in minima divisibile, nulla spes erit, ut possit una ab altera separari.

Nec magis arridet eorum ratio, qui explicantes actionem mercurii per vasa ad fluida difficulter mobilia impellenda trajecti, & salivam vehementer moventis, venas præcipuè lymphæ ferendæ dicatas torpore quodam infestari ex quadam vi hydragiri stupefactiva non dubitarunt. At si propter teneritudinem lymphæ ductuum ab hydragiri inunctione stupore facile affectorum, ob intensum hydragiri frigus, ammisso tono, & fibrarum vigore, debita lymphæ separatio, redditusque in venas impeditus intra sanguinea vasa cohibetur, qua arteriosa canalialia supra modum distensa ad salivæ emissaria depleri cogantur; quæritur qui fiat ab exinanitis lymphaticis tophos discindi, ossiumque cariem emendari. In lymphæ morbofo liquido totus fortassè latet fomes? sed si quoque lateret, quæ ratione hydragirus in mercurium dulcem confectus per minima sanguini unitus, & impetuoso motu per vasa raptus vim suam indolemque denuò exercendo lymphæ ductibus torporem conciliabit?

Sanè ut rem acu attingam, ne me assumptis pluribus, minusque notis conjecturis, & præpostero hypotheseon conatu philosophari videar, quisquis rem attentius contemplatus fuerit, corpuscula mercurium constituentia irrequieto motu exagitata à fluidorum pressione, & circuitu dissari posse per orbem, facile per sanguinem in minima dispergi advertet, quæ mercuriales in statu fluoris particulæ non facile eveherentur per vasa, si earundem componentium unio intricata, adhæsiōque tenacior esset: hæc enim mutua fuimet invicem implicatio, alterius ab altera separationem prohiberet, ipsaque molecularum conjunctio easdem ponderosiores efficeret, quam ut simul susque, deque attolli, & vertiginoso liquidorum motu rapi possent. Liquidum mercuriale cum sit in minutissimas divisum particulas, facile cum altero fluido, vel solido, quo

ad omnes partes in illius poros se insinuando, in alterius penetrando, misceri poterit, & postquam est mixtum, mercurij moleculæ cum sint à continuo gravitationis motu concussæ, alterius liquidi solidioris obvia corpuscula non difficulter discindere valent. Hinc ab invicem commixta, & minima minimis conjuncta, necesse est ut corpora agentia possint agere in particulas patientis, non quiescant, sed sint intestino motu agitata, aut in rapidissimo cursu constituta instar cuneolorum quotiescumque in alterius corporis particulas illis congruentes, vel ad recipiendum glutem, caveas habentes, impingunt, hæque easdem divellunt impedimentis semoris, & fortissimis quibusque obstaculis dirutis; ideo tamen in sua maxima divisibilitate, eorumdem gravitas nihil evanescit, interrupturque, sed quodvis corpusculum infinitè divisum, licet mole minus cæterarum fluidorum particularum, gravitate majus, à solidorum nisu cum sanguinis circuitu promoveatur, quod ubique celeritate sanguinis majori instructum, à dato cordis impulsu plus momenti suscipiens, majorem impetum in resistentiarum occursum exercere valet: Unde quantumcumque parvus sit impetus sanguinis fluentis, cum semper resistentia minor sit momento impellentis mercurialis liquidi undecumque nitentis, agetur intra omnes villorum plexus nil resistens influxui tentantis fluidi, cujus vis tumoribus, & fluidorum lentoribus occurrens innatæ gravitatis impetu, & in stagnantia liquida ad membranarum contactum posita sese agere nitens, quasi cuneus cohærentes particulas dimovebit, quæ à subtilissimis Mercurii ad nullam formam determinatis corpusculis, hinc indè intus commotæ, & jugi eorumdem circuitu in motum concitæ, inciduntur, attenuanturque, & quæ data patientiori porta ruunt, quæ sæpè per vehiculum salivæ evectæ in eorumdem ductus eiciuntur. Hinc resoluta, & subacta fluidorum lentore, spiculis salium, retusis, vasa, porique obstipati à tartarea feculentia stagnantibus sordibus liberantur, atque aperiuntur, adeoque fluores omnes totius corporis in ordinem, ac motum rediguntur, & sic penè omnibus morbis, cum à visciditate humorum, & obstructione ductuum ortum ducunt, mercurialia medentur.

Tophi, & gummata non nisi remediis maximo impetu instructis evelli possunt, quorum validi momenti particule sanguini

guini intrusæ, diù in ossium excrescentias impellentes vires suas imprimendo per itus, redditusque corporis impingentis, penetrantisque gravitationem, obvia queque discindere, ac renitentes tumores resolvere valent; quæ combinatarum partium resolutio, neutiquàm in nodis contingeret, si appellationis corpuscula suprâ data obstacula, & resistentiarum aggregata excurrentia, terrebræ, & cunei vires in occurrentes lentiores non exercerent; quo fit ut Mercurii gravitas caterorum mineralium major, non solum ubique celeritati sanguinis æqualis, sed validius momentum suscipiens, impetumque majorem exerens ad loca maximæ resistentiæ, ubi fluidorum motus quasi evanescit, partium cohesiones tollat, & immotas tophorum particulas dimoveat, quæ à repetito promoventis impulsu commotæ sensim abraduntur, & intimius eliquate nove sanguinis circulationi committuntur. Igitur quoties salina spicula intrâ fibrarum contextus incumeata, vascula, & fibrarum tilias depascuntur, hæc corrosiva salia hebetantur dumtaxat à maxima penetrandi Mercurii energia, quæ cum in omnes ægri partes sese insinuet, acido salinas moleculas occurrendo cicurat; quo intereâ vis partium elastica vigorem acquirens ad evictorum salium enormitatem unâ cum Mercurii expulsionem insurgit, ac ut plurimum per putentissimum ptyalissimum ad oris emunctoria celticum venenum mandat, qua expurgatione completa lacescita quiescit natura, & vires labefactatas resumit.

A R T I C U L U S V.

De morbis per salivationem Mercurialem curabilibus.

SI quis unquàm est morbus, qui facili Marte à mercuriali salivatione discutiatur, est venereum contagium, quod crudeliter in corpus humanum debacchari capit anno 1494 nimirum dum carolus octavus Gallorum Rex cum Alphonso Rege bellum gerebat, ingenti militum falange, strictissima Neapolim obsidione tenuit; Neapolitani magis fame, quàm bello enormiter vexati, imbellem ac mollem sæminarum turbam ab urbe ejecere. Galli milites, quos non putebat cum
tut-

turpissimis fœminis coire, Hispanarum versutias ignorantes; earum pulcritudine, ac blanditiis alleciti nativum libidinis estrum in fœminas fornicando faciavere: Indè totus amoribus nequàm vitiatus exercitus, insuetoque delusus dolo ultrà horribilibus se cepit pandere morbis: Hinc erudite Fracastorius.

*Qui casus rerum varij, quæ semina morbum
Insuetam, nec longa ulli per sæcula visum
Attulerint: nostra, qui tempestate per omnem
Europam, partiumque Asiæ, Libiæque per Urbes
Sæviit; Latium verò per tristia bella
Gallorum irrupit, nomenque à Gente recepit.*

At incertum est cum incepit inter homines grassari, si prius obsidentes Galli hanc luem experirentur, antequam obsessi Neapolitani contraxerint; Neapolitani Gallos, Galli Neapolitanos inculpant, & Hispani utrosque Neapolitanos & Gallos vicissim exprobant, & unaqueque eorum natio reliquis hoc facinus vitio vertit. Sed fortasse melius se pandit ipse morbus.

*India me genuit, peperit me Gallia Mater,
Me alit Partenopes, dic mihi quæ Patria?*

Hæc venerea lues licet in veterum auctorum monumentis, & observationibus non se pandat; tamen cum ab Avicenna, & Galeno V. de comp. medicam. VI. de simpli. nu. XI. de simpli. facul. VI. de locis affectis cap. VI. describantur tumores, ulcera, ac pustullarum species, quæ luis venereæ affectionibus adæquate respondent, credidere nonnulli hanc veneream luem, dum Galli Neapolim obsidebant, antiquis morbis fermentale tantum addidisse virus; hinc in cello, sycosin, Mariscas hominem olim sædasse legimus. *Fit verò ait utrumque in his partibus, quæ pillis conteguntur; & apud Martialem lib. VII. Epigrammatum.*

*Ficosa est uxor: ficosus, & ipse maritus:
Filia ficosa est: & gener: atque socer:
Nec dispensator: nec villicus ulcere turpi:
Nec rigidus fossor: sed nec arator eget:
Cum sint ficosi pariter juvenesque, senesque:
Res mira est: ficos non habet unus eger.*

Quis enim non vicus abundat

Tristibus obscenis : castigas turpia, cum sis

Inter socraticas notissima fossa cinedas.

Hispida membra quidem, & diwa per brachia setæ

Promittunt ferocem animum, sed podice leves,

Caduntur tumida medico vidente mariscæ.

adeòque antiqui torquebantur quidem ulceribus, pustulis, lepra, scabie, tumoribus : at veterum monumenta homines incortis avidè luxuriantes hac lue sædatos fuisse tophorumque cruciatus perpassos fuisse non pandunt.

Ex prægresso igitur concubitu cum muliere venereo semineo conspurcata, malignum virus, & halitus contagiosi à pollutis, & turpibus obscenis prodeuntes, in uretræ virilis poros se insinuant, indè penetrata uretræ epidermide ad prostatarum glandulas diffunduntur, ibique excitata inflammatione, succi intus contenti acrimonia, acida, salino, corrosiva commoti, acidis, & cuspidatis eorum particulis vehementius fibras pun-gunt, distendunt, & lancinant, quæ indè à nutrimento in san-niem converso magis exulcerantur : Undè in laceratis villis ulcus succrescit, à cuius ulceris impuritate saniosus fluxus, & acre liquamen jugiter effluit, quod fætida crassitiæ in subtilis-sima Epidermidis membrana feriendo salinis spiculis, eiusdem fibrillas divellit, atque exulcerat. Non solum à glandulis pro-statarum exulceratis, aut uretræ exesis poris extillat putida il-la sanies, sed cadaverum sectione retulit, reperta esse ulcera in orificio vesicæ, & vicinis partibus cum flueret Gonorrhæa. Ballonius Epid. lib. 2. pag. 16.

Hoc acidum acre dilatatis poris, & apertis vasculis à san-guine absorbetur, & mediante circulatione per minimas arte-riolas ad glandulas inguinis evehitur, vel in lymphatica in-guinis glandulosa irrepit, in quibus acriori parte stimulantè, & viscidiori moram trahente, per vim stimuli augetur liqui-dorum cursus ad partem, novoque indefinenter confluyente hu-more, infarcitur corpus glandulosæ tunicæ, ex quo in dies ex-crescente dolore morbosa liquida ad inguina augente magis, malignus extuberat tumor, qui artis auxilio facilè ad suppurationem disponitur, & ferro discinditur, vel caustico aperitur. Ab hoc venereo veneno infectæ sanguinis particulæ glandula-

dularum cavitatem accolentes , à naturali statu sensim desciscunt : hinc in fluorem evectæ impetuoso motu rapiuntur , quæ tamendùm se quaquaversum explicare nituntur , crassiores particulas glutine implicatas offendunt , à quibus mutuis nisibus invicem obvolvuntur : interim acrium salium , & subtiliorum nisus à terræ moleculis , & crassioris sulphuris plurimùm remittitur , donec sordes , ac virulentæ sanies , vel suppressæ , vel non extinctæ , serò per partes illas circulanti communicentur , & clam in sanguinem serpant ; ejusque salinæ moleculæ à fermento venereo exaltatæ , & in fluorem evectæ , cum viscosis combinantur , quæ in periostia , & pericrania impingentes , in eorundem porulis impliciter detinentur : Harum salina spicula intrà fibrarum fasciculos incuneata , cum nec à solidorum nisu , nec à calore possint insensibiliter resolvi , sensiles membranas lacescunt , continentia vascula distrahunt , eorundemque villos ità convellunt , ut dolores in cranio , & ossium membranis sævissimi passim sentiantur , qui ad vesperam excruciant , & magis ingravescunt , dum à densiori aere repressæ , & lecti calore agitatae , ac motæ particulæ viscido acriores , nervorum machinulas , & membranas perperam lacinant . Hæc efferæ salium acrium , acido que salinæ moleculæ in latice sanguinis hospitantes , in laxam , & spongiosam tonsillarum substantiam delatæ , ibique exaltatæ , earundem fibrarum plexus exedunt : adeoque hujus indolis inquinati succi , glandulas oris , palati , labiorum , & gingivarum , ultrò citroque villos commeantes , hic solidorum machinulas jactant , illic ità concutiunt , ut permutatis liquidorum viribus , figura , atque mixtione , unà villi , & fibræ membranarum , vasorumque convellantur , & distrahantur , adeoque à proprio termino recedentes , inficiuntur ab illis angulosis salium particulis , quæ interiiciuntur ad instar cuneolorum inter machinulas jam fluidas , & pene solutas ; quæ licèt in variis implicationibus , & reticulari contextu non permittant discludi ex toto , nec humores ex toto prætersfluere patiantur , tamen à fluxu , & refluxu humorum erodentium in dies magis laxantur , & inquinantur , à quibus proindè depravatæ indolis succis , quasi ab insinuatione totidem cuneorum tenuissimæ substantiæ sese quaquaversum volventium , atque fibrarum contexturam exsolventium , lacerantur vasculorum villi , adeò ut ad instar stilli-

stillicidii uberrimè fluat, & erumpat saniosus liquor, qui suarum partium scabritie, ac inæqualitate membranosa, & glandulosa locula magis exurere, & dilaniare poterit, ut in earumdem epidermide, vel in membranis gliscentia liquida, motus inertia distensis vasculis, eorum putrefactione, & salium aculeis laceratis, terebratisque villis, depascantur glandularum fibras, easdemque partes ulceribus sædant. Si inter ossa, & periostii porula hamosæ particulae, & rigidiores compactæ arctius cohaerescant, membranarum fibrillae enormiter distentæ sensim intumescunt, & instar spongiarum inflantur. Undè viscidus liquor salis rigidis, acidoque acris maritatus in has partes firmius successivè impingens simul in coalitionem compingitur, & præ crassitiæ per poros excerni, nec minuta venarum oscula cum sanguine reliquo subingredi potens, hæreat oportet in illis angustis, ibique interceptis acidis, acrisque particulis invicem implicantibus, in tophos atque nodos coalescit, qui inde acidis, atque corrosivis scatentes liquaminibus in ossium cariem degenerant; Dum corrosiva spicula in tendinosas ossium fibrillas se insinuant ossis ad intima penetrando, ejusdem canaliculorum seriem & ordinem diffingunt, à quibus sensim alterata ossium structura & succis eorumdem alibilibus coinquinatis, in ossibus caries suboritur.

Confirmata lue pustulæ, & earum pustularum cognatæ cutis affectiones phlyctenes, impetigines erumpunt, modò orbiculares, vel acuminatæ, modò pruriginosæ, squamosæ, nil icoris effundentes, faciem, vel manus, crura, vel pedes, & nonnunquam universum corporis habitum obsident. Viscidæ enim, ac terreo-salinæ, acres, austeræ particulae ad nostri corporis partes appellentes, glandulosas nimirum, à quibus deberent revehi per lymphatica in sanguinem, fibras tubulorum cutis, per quos fluere debent fermento gallico afficiunt, & glandulosarum partium meandris constanter infixæ aculeis suis magis vel minus rigidis, acutisve fibrillas cuticulæ, ejusque tubulos discindendo, & erodendo pruriginosa labe, & ulcerosa commaculant; ut inde obortæ pustulæ in glandulosis cutis tubulis, adeoque solidorum erosiones præ majori vel minori acredinum gradu, præ multitudine diversarum glandularum, & vasculorum exesorum sanie, dolore, & crustosis squammis inter se solùm differant. Hujus sæcunda messis semel

mel tacta feminio venereo efflorescens, suisque successivis germinationum periodis renascens, nunc scissuris volas manum affligit, nunc rimis mammarum papillas occupat, quæ modò famiosis scatens humoribus spongiosam carnis substantiam depascendo serpit, modò in sæda ulcera excavatur, quæ cutem profundè penetrando, labiisque calosis, & prætumidis, sanguinem sanie confusum si contrectentur, effundunt.

Quando particulæ acido salinæ angulatis corpusculis à lymphæ copia dilutæ, & assiduis solidorum oscillis comminutæ, cutaneas glandulas leviter obstruunt, ad corporis superficiem spumescences cuticulam levi pruritu exasperant, erumpentibus interea bullis ferè inconspicuis. Salia pauco sero diluta, cum à lymphâ debito viscosiori, fugatis in aera aquosis, eorum vis infrigantur, & illorum acumina obtundantur, squammosam, seu crustosam cutis elevationem inferunt. Sub crustis squaminosis effusa lymphæ, cutis, & cuticulæ fibras, in quas impingent, punctione particularum acutarum, & effusi feri acredine gravius pungit, ac lancinat, ustionisque sensum; ac pruriginis inducit. Cum autem ab aliis jugiter de novo confluentibus salinis particulis compellatur humor, cuticulæ porulis salina ramenta infiget, à quorum angulis minutim secatæ cutis fibrillæ in fursura abeunt, & veluti squammæ in superficie exteriori exsiccatae à cute dissiliunt: Hinc egri pruriginoso sensu affecti indefinenter cutem scalpentes saniosum icorem effundunt, qui erodentibus particulis effatus per vicinam, sanamque partem proserpit, donec ulcusculis cum foraminibus profundis universum corpus obsidentibus in putrescentem morbum terminentur.

Verùm quia venerea lues per se nullum morbi genus constituere videtur, quin cuicumque morborum speciei adeò insolubili nexu confunditur, atque permiscetur, ut pressius eorum naturam æmulari videatur, cum aliorum mille larvetur formis morborum, ne miremini si olim Celtica labe inquinati in morbos inciditis, quorum radix non intellecta, medentium opem eludit, atque deplorabili ærumna vos turpiter extorquet.

Mercurialis salivatio non coercetur in solo Celtico, sed mercurii virtus tam efficax in consumatis, & obstinatis morbis sanandis comperta est, ut medicos illo, tamquam modo curandi

curandi perverso, uti recusantes, in malorum omnium pertinacia ex acri glutinoso suborta vulgaribus reluctante remediis hæcenus non adhibuisse, cum Boyle valde admirer: In hiis enim ejusdem virtutes æquæ, ac in morbis à contagio venereo susceptis, efficaces esse non me effugit, quin efficaciores quàm aliorum remediorum esse arbitror, ut plurimorum experientiis pulcrè arridet.

- Dum autem de operationibus Mercurii ad alienos morbos inusitatos relatis loqui decerno, historiam minimè vulgarem à Boyle recensitam non possum non referre. Vir quidam, ait, adhuc superstes, præfectura Legionis Helveticæ in Gallia celeberrimus, aliquot annis castra in Belgio secutus, morbum quemdam oculorum passus est, medicorum iuxta, ac Chyrurgorum opem omnium recusantem, qui paucorum mensium spatio sensim elabente visione, utriusque oculi jacturam fecit, donec accersitus empiricus, cui se curæ tormentis subjecit, ipsi ab utroque narium ad grani pondus atrahendum quemdam pulverem mercurialem exhibuerit, à quo statim vomitu, sudore, urina, saliva, & lachrymis per duodecim horarum spatio exagitatus adeo commotus fuit, ut caput ejus plurimum intumuerit: tertio tamen, vel quarto labente die, gradatim visum recuperare incipiens, post quadraginta dies, acutiore visu quàm omni vitæ antea actæ decursu gavisus est.

In colica diuturna, ac pertinaci, cum remedia quævis nil juvant, mercurialia sialagoga exhibeantur, quæ cum maximo ægrotantis levamine observavit Villis materiam morbificam in plexibus nerveis uberius aggestam, salivationem movendo huc illuc variè dispellere, & tandem prorsus dissipare. Licet sanguinis particulæ per jugem ejus motum, & agitationem atterrantur, subtilizentur, ac lævigentur, sensimque ita disponantur, ut per poros cerebri transcribantur, & per nervorum filamenta urgeri queant: Existimo interim ab impetu sanguinis fortius à tergo urgente posse abradi particulas diversæ molis, quæ per nervorum canaliculos deciduæ in mesenterii, aliisque abdominis plexibus inter se variis modis uniantur; nimirum quod suis ramositatibus invicem intricentur, vel quod cuspis unius intret poros alterius, deniquè quod earum superficies læves, & æquales ita arcte jungantur, ut nihil sit intermedium, adeoque hæc non admodum subtiles, nec facile dissipabiles

biles cum per lymphæ ductus non diffidentur, sensim stagnent oportet, & coacerventur in partibus illis per villorum poros expirare nesciæ, quæ in nervorum tubulis penitus compactæ, ac fibrarum oscillis compressæ, cum semper in motum expansivum nitantur, licet minori impetu, subsistendo intrâ eorundem canaliculos, eosdemque proinde extrorsum urgendo, fibras, nervorumque propaggines instant, ac distendunt, quarum distensione divulsis villis intestinorum, & eorundem lacerata compagne violentam suscipiente vibrationem, oritur colica affectio, cujus violentus impetus in distorsione fibrarum residens, laxari non posse videtur, donec congesta materies à nervorum filamentis penitus discussa, aut subacta non fuerit, quæ si ab aliis medicamentis dimoveri non possit, à particulis mercurialibus sese quaquaversum nitentibus in minimas dividetur moleculas, & huc, illuc variè in motum acta dissolvetur.

Hic exoriri posset suspicio, cum à medicis non sine ratione mercurius credatur generis nervosi inimicus, aliarumque in nervis cerebri perturbationum concitator, & fortassis sciulus quispiam negabit in paralyti detentis hisce remediis esse utendum. Speciosa hæc quidem dubitatio prima fronte videtur, sed tamen vanam esse reperio, ubi contraria hæsitatiōi experientia ad accuratiorem sui inquisitionem me invitat. Plures morbo Herculeo, & vertigine diuturna correptos salivatione per mercurium excitata in ind. med. pract. lib. 19. sanatos refert Bonetti, & quosdam paralyticos ab ipsa sanari VVillisia-
no experientiæ effato edocemur. Attamen hoc remedii genus nolim, ut furiosa violentia extimescendum cuiquam commendes, nisi sedulo chymicorum simul artificio elaboratum, ac medicorum consilio exhibitum, donec exactiorem sui præparationem, & usum nanciscatur. Hoc verò securius confecto in epileptico morbo inconsultò quispiam temere ne utatur, ni prius perspecta causa firmo rationis talo hoc opus animosè conflagret.

Cum epilepsia sit totius corporis concussio, qua statim & ipsi nervi convelluntur, causam hanc latere conicerem, aut in solido nimis laxo, vel rigido, aut sicco, aut in fluido nimia copia peccante, in sero acri glutinoso, in crassitie sanguinis, aut spirituum, in quocumque viscere lentore referto, aut in

R

sola

sola acrimonia tum sanguinis, tum spirituum tenuiorum, magisque mobilium. Sint enim tubuli nervorum in cerebro constituti nimis laxi; igitur copia sanguinis naturali major cujuscumque liquidi nervei quod intrudere se possit inter omnes fibrillas nervorum fasciculos componentes, nitetur in nervos influere, adeoque, contranitentium villorum vis, cum non sit in æquilibrio constituta cum fluidis, minimæ cuicumque facultati cedit: & cum à quocumque spirituum appulsu nervea fibra distrahatur, dilateturque, impleri poterit liquido, cujus particulæ nervorum funes sensim madefacientes, veluti toridem cuneuli sese in nervorum dilatatos poros insinuando, illos contrahunt, adeoque laxatis nervis, & copia liquidi naturali majori repletis fibris nervorum tonus, & villorum harmonia tota concutitur.

Sit insuper siccitas in solidis minorem copiam humidi ita continentibus, ut humores quilibet producantur acriores, spiritus tum similiter acriores; mobiliore impetus, & visus majores in emissaria nervorum producentur, adeoque irritando, lancinando membranarum fibrillas, maximo cum impetu efferentur, & in ordinatè moti poros cerebri ita aperiunt, ut quaquaversum per nervos dissiliant: Undè nervorum fasciculi vehementer dilatati, hinc, atque illinc, intus violenter motis spiritus concussi, inopinato spasmodica crispatione corripiuntur, & animal sibi deficiente spiritu in centro gravitatis molem corporis sustentante, derepentè corruet. In hisce igitur causis à solido nimis laxo, & fluido magis mobili, & soluto, quoniam Mercurius est majoris impetus, & ponderis, quàm quod possit à languida fibrarum energia, & vi sustineri, suspitione salivatio non caret; qua ratione impetus, & gravitatis cum videatur calcar addere liquido in furorem nimis concito, malè mederis, si maleffana mercurii inunctione materiæ peccantis in sero existentis solutæ copiam violentiùs ad partes superiores, ipsaque adeò cerebri penetralia propelles. Propter hanc inunctionem Mercurialem in scabie institutam exortum fuisse comintialem morbum, exemplo patris, & filii Trincavella confirmat.

Contrà verò cum Hipocrate de morb. sacr., & Gal. lib. 2. de simpt. caus. vigeant in sanguine humores lenti, visci, acido acres, qualis pituita pungitiva; spiritus igitur magis crassus

mino-

minorisque impetus gignentur, qui propter crassiciem partium, ex quibus componuntur, cum non se diffundant quaquaversum cum nisu, non poterit universa eorum moles fluere per poros villorum, immò portio crassior intrà eorundem villorum ganglia subsistet, proindeque eisdem magis extrorsum urgendo, impediet, ne ex toto restituantur nervi, sed in aliquo gradu contractionis persistent; per successivum autem influxum, & effusionem eorundem liquidorum intrà nervos, cum reliquum crassius intrà majorem villorum angustiam semper subsistat, in majori contractionis gradu persistent nervi, & repetito pluries spirituum influxu, cum restitutione magis, ac magis nervorum imminuta, fiet demùm, cum non possit ganglia nervorum spiritus superare, & per eorum extremitatem expirare, ut nihil spiritus ulterius influat: quo in casu retrò impulsus majorem ad latera nisu ad nervorum principium usque exercet: Hinc successivo spirituum repulso, & eorundem jugiter appulso, ad cerebri nervos, violentius ipsi concotiantur, ejusque subtilissima fila lymphæ spiritus vehementis mordacitate stimolata crispantur, adeoque nullo, certoque ordine impulsis spiritibus, æger subitò in terram prolabitur, violentis contorsionibus detentus. Modò quotiescumque morbus caducus excitatur ab illis succis, qui ad majorem partium cohæsiorem fluentia liquida reddunt, aut ab infartu alicujus visceris per consensum ortum ducit, mercurii viribus faciliè cedit, qui vi suæ gravitatis per impervios quosque spirituum canales lenta materia obfessos sibi viam sternens ad minima resolvit, & mucosa fluida extrà corpus propellit; undè benè ait Hipocr. de morb. sacr. *Qui salivosi sunt, ac mucosi morbo sacro sævè non apprehenduntur.*

Hac ratione salivatio in paralyfi, quæ in sanguine sale, & sulphure fixioribus magis referto causam habet, cum stabili nervorum, & firma fibrillarum cerebri structura, opem non raro egregiam præstat. Cum ad motum requiratur musculorum contractio, cujus machina ex pluribus filamentis, carnearum fibrarum fasciculis, & tendinosis fibris conlata per se iners est, & demortua, nisi adveniat facultas motiva, quæ est influxus sanguinis per tubulosas musculorum fibras, easdem instantis, & liquidi per nervos subitò rarefcentis intrà sinus villorum, & sese quaquaversum effundentis per tensam fi-

brarum compagem, ut carneæ fibræ ab impetu particularum rarefcentium, veluti à totidem vectibus possint urgeri, quæ inquam imperium afferant, easque à torpore, & sopore excitatas fibras ad motum impellant; igitur si neutrum vel alterutrum liquidorum non influat in sinus, & intrà villos fluere non permittatur, non poterit inflatio fieri tubulorum, quæ requiritur, ut villi concipiant impetum, & suam indolem, vimque motivam exercere valeant, ut funis denegatis aquæ globulis non inflatur: adeoque fasciculis nervorum ad emissaria infartis, vel obstructis à sanguine intrà cava fibrarum latibula partium crassitie, & terrestreitate stagnante, licet reuertat spiritus, & sanguis, per ductus non excident in sinus fibrarum, sed frustra ad canalium emissaria nitentur; undè contractio musculorum, & motus tolletur. Itaque dùm in paralyfi, in qua materia viscida, ac quasi lapidea in nervis, ac minimis vasculis musculorum solidè viget, sudorifica nullius efficaciam sunt ad excuneandum in nervis, & fibrarum lacunis impactos humores, felicius salivatio experitur, qua apprimè concreta salia inciduntur; dùm particule mercuriales in fixa liquidorum corpuscula impingunt ab invicem ea dissociando facile dissipant, dein cerebro trajecto ductus nervorum subeundo, coacervata fluida in minima dividunt, & spirituum vias resserant: hinc indè portiones subtiliores sanguinis summe tenues, atque elasticæ, partesque tenuioris lymphæ ab alterna meningum constrictione in pervios nervorum tubulos propulsæ, in latera eorundem validius nitentes, ordinatas ad muscularem motum fibras instant; adeoque extensis fibris, & machinulis musculorum spiritu irrigatis, non solum oscillatione propagatur sensibilium impressio ab extremis nervorum filamentis concepta, sed apertis arteriarum osculis, & nervorum fasciculis in pristinam libertatem restitutis concinnè remittitur sensus, atque motus.

Nunc quoniam Mercuriales particule per tenuissima vascula, & spongiosas substantias trajectæ in eorundem ductibus lentescunt, inertes fluidi moleculas in motum concitare valent, eodem conatu, & feliciori eventu, ut optimè addit Dolæus cap. 7. de scirr. tumores scirrhusos dispescent, & calculosam viscerum duritiem dissolvent; cujus generatio subsequitur à succorum in cellulis glandulosis diversæ indolis coag-

men-

mentatione. Cum sanguis acido salinis terreisque scatet particulis, testudineo motu partes corporis perluit, & ad angustos glandularum ductus per arterias delatus, crassiores in ipsis vasculis portiones relinquit, quæ venarum ostiola subintrare nequeunt. A glandularum porro circumpressione, & motu, subtiliores sanguinis in vasis contentæ particulae in motum adactæ, dum à graviorum connubio desciscientes ad ora venarum impingunt, crassiora salia, & terreo sulphurea in parte remanent, quorum acido terreæ particulae à sanguinis præterlabentis appulsu validius pressæ, in alkaliorum poris, & sulphurum ramis altius involvuntur, mutuòque nisu inter se ita combinantur, ut undequaque pressis propius ad se invicem accedentibus exhaustis tenuioribus aqueis, tumor exurgat. In hoc graviore casu, licet mercurialia educere possint viscositates sale, acidoque effætæ per glandularum salivalium tubulos, raro tamen, nisi post defatigatum medentium opus, usurpentur. Quoniam scirrhusus tumor in partibus mollioribus genitus per successivum fluidorum appulsu, laxas tubulorum, ac cellularum fibrillas inflando ita distendit, ut vehementius distractis glandularum villis, fortius ab invicem divulsæ non resiliant in contenta fluida, fit ut à vehementiori fundente, & impellente majori, novus distensis fibris addantur impulsus, quæ ad susceptum impetus momentum sustinendum impares, uberiores materiæ copiam ad laxos membranarum poros defferri patiuntur; undè concrementum quasi lapideum in folliculis conclusum, à solidorum nisu nec ullo incutiente commotum, ab appellentibus succis jugiter irrigatur atq; ex plurium fibrillarum fasciculis à fibroso sanguinis crassamento mediante salivatione depromptis majus conficitur, adeoque in dies magis increscens lapidum ritu in insignem molem extuberat: proindeque in morbis, si summa adsit fibrarum mollietates, quarum resiliationis vires à quocumque percutientis impetu facile frangantur, licet jam dudum à mercurio avernecetur morbus, reddit tamen, ejusque radix in ipsa villorum flacciditate, & fibrarum laxitate parva vi extendenda regerminat, ut observavit VVedellius podagricum salivatione liberatum, post tres annos in eundem morbum incidisse, sed mihiorem.

Scorbuticam affectionem septentrionis, & maris incolis fre-

frequentissimum morbum per salivationem fugari, fatentur Joannes Burgius in dec. 2. anot. 3. Joannes Acholutus in decis. 2. anot. 9. at dumtaxat in illo scorbuto in quo sale eveccto, & fluore potito, mobiliore sanguinis particule crassioribus implicitæ detinentur, atque crassam, & veluti acido mucilaginosam consistentiam induentes, pigrè in vasis circulantur, à quibus sanguinis massa compage magis restricta, & crassiori donata, salibus quidem acutis, sed glutine cohibitis, simulque incumeatis detenta, torrentis instar lutum secum rapientis lento progreditur motu ad viscera minimæ pressionis, & ad vasculorum angustias delata in ipsis sæculentias, quasi limosas affigit. Tunc in hujusmodi diathesi scorbutica, in quâ crassum est attenuandum, stagnans mobile, & cohærens fluidum reddendum, salivare erit sanum facere.

Hoc consilio in amaurosi sine optici filamentum dilaceratione, & absque eorumdem antiquata obstructione festinanda est salivatio, si à crasso humore in nervorum meatu illapso, vel ab arteriis retinæ compressis obstructisque denegetur tremor nervorum ad sensorium, vel à tumore in cerebro nervos opticos premente (ut doctissimus Platerus observavit) impediatur directio opticorum, & pupillarum planities, ut angustatis canalibus, vel in ipsis hærente glutine, adeoque spirituum via impedita aboleatur visio. Ad hunc humorem ex opticis evellendum, & tenacius in capite impactum proliciendum, felici successu mercurialis salivatio experietur. Sic artificiali pthyalismo suffusiones curatas testantur Riverius, Fonseca, & Schenchi.

Ubicumque serum, vel lymphæ sanguinis extrà vasa decidua in cavitates aliquas exudando colligitur, vel sanguinis cursu pigrè fluente pars ejus aquosa præter modum vasa distendens tandem eadem emollit, ut partium vigore non restituto, & fibrarum elatere sufflaminato extrà venas, vel lymphaticas erumpat, hydrops succedit, quem vidit D. Andreas Ernius misc. c. dec. 2. anot. 4. obser. 36. à salivatione artificiali de medio sublatus. Verum ne salivatio à scopo aberreat ad quem collimat, in hydrope thoracis à pulmonum labe congenito fugiendam consulo. Pulmone hydatide, vel vomica aquosa turpiter affecto, inter ejusdem sinus lymphæ accumulatur, vel

vel rupta vomica in thorace recipitur, quæ quousque in fistulosis pulmonum vesiculis hæret, cognoscitur à tussi sicca, dyspnæa, dolore gravativo, quibus additur hoc unicum tanquam pathognomonicum à Riverio relatum, quo solo hydrops pectoris à cæteris difficultatis respirandi speciebus distinguitur; quando nimirum spirandi difficultas primo quoque somni tempore invadit, ac per noctem magis urget, quæ adventante sensim die lentescit. A practicatorum vulgo hic morbus confunditur, licet graphicè ab Hip. delineatus sit 2. de morb. *Febris, & tussis tenet accervatim respirat, & pedes tument, & ungues contrahuntur, & patiuntur talia, qualia is, qui suppuratus est, sed debilius, ac diuturnius; & si quid infundas, aut fenum aut sissitum adhibeas, pus non sequitur; atque ex hoc sanè cognoveris non pus, sed aquam inius esse; & paulò post subdit; & si multo tempore aure ad latera adhibita audire tentaveris, ebullit intus, veluti acetum; laceratis inde sinibus, & vesiculis lymphæ fætole olens diaphragma inundat, quæ in thoracis cavo collecta distinguitur à novo dolore, & pondere diaphragmatis fornicem premente, hinc à decubitu in latera cum strepitu lymphæ ad motus; huic supervenit hecticæ febricula, fames sublata, rubor genarum, anhelosa difficilis, & erecta respiratio, tussis perpetua sicca cum metu suffocationis jacenti, quibus addit Gal. 4. de loc. affectus cap. 9. fluctuationem; nam ubi quis inguit assatim à decubitu transmutatur; idque maxime si ab uno latere in aliud se convertens defluere aliquid sentiat paræ multitudinem ibi contineri hæud dubia conjectura est.*

A vasorum lymphaticorum laceratione subortus hydrops, prout omne auxiliorum genus spernit, sic à salivatione mercuriali exasperatur. Juvenculam viginti quatuor annorum dissecuit Theophilus Bonetti, quæ per sexdecim annos Ascite detenta, indeque tandem mortua, in ipsa nullius visceris vitium invenire potuit; crudeliter hæc enim in pueritia tractata, ictibus pedum sæpissimè cæsa, ob lymphaticorum disruptionem occubuit, quæ per tot annos vitam produxerat misella, ob viscerum labem non subsecutam. Affectus hic prout curatus, sic etiam cognitu difficillimus est, nam licet exterior ventris subdurus tumor unà plurimorum iudicio evidentissimè percipiatur, attamen quæ sit materies, quæ sit causa tumorem producens, & quomodo in ventre progignatur, aut aliun-

aliundè illic adveniat planè nescitur ; ideirco huius morbi naturam, & causam latere arbitror, quia cum prima ejus initia non advertantur, subitò in immensum excrescens, statu ejus peracto aliam sibi consciscit naturam, & suam amittere videtur. Quapropter opinor ubi sanguifera vasa, nempe illorum oscula nimis laxa non existunt, aut vasa lactea, aut lymphatica non sunt discissa, innatum cordis vitium, & solidorum mala conformatio hydropem soventium in suspicionem non cadit (excrescentiam enim ramosam in utroque ventriculo cordis infixam, & per vasa in pulmonem delatam in sectione hydropici reperit *Gaspar Bauhinus apud Ger. Horstium* tom. 1. *Loverius* historiam de Pericardio in tract. de corde cap. 2. fortiter cordi adhærente recenset : post cordis palpitationem Ascitem irreperisse observavit *Bonetti* lib. 2. de palpit. cordis, cuius cadaveris cor relaxatis involucris circa septum transversum descendens os gerebat) salivationem inquam sepositis recensita organica vasorum, & viscerum labe, esse in hydropes fortassis unicum auxilium, quod valet ceteras hydropis causas dispescere, antequam æger tenuiori medentium genio indulgens in lethalem hydropem incidat, in quo fauciatis lateis ductibus minima spes salutis affulget.

Nemini latere puto omne hydropis genus produci primo ab omni causa, quæ valet serosam sanguinis partem ita cohercere, ut reddere nequeat in venas, aucta deindè vasa distendit, & tumida reddit, in distensis proindè vasculis elastico robore orbatis sensim restagnans, eadem ita obstruere potest, ut in hiisdem partibus liquor concreseat, cuius humoris concretio comprimens, aut obstruens, ora vasorum obliterando, vel arctando Icterus, vel cachexiam parit, donec tandem læsio viscerum indè procedat, tumque hydrops priores effectus sequatur. Omnes itaque ægros pertinacibus viscerum obstructionibus hydropem minantibus affectos mercurio succurrerem. Dom. Panarolus pentec. 4. obser. 24. helluonem hydropicum fecavit, cuius hepar in tantam molem excreverat, ut universam ferè diaphragmatis cavitatem repleret, totus durus, & magnitudine monstruosus. Pet. Panujus obser. 13. virum, qui hydropes objerat, secuit ; huic lien adè intumuerat, ac induratus erat, ut tres libras lance libratus penderet ; jecur inde optimè constitutum, & naturali temperie præditum invenit.

nit. A renum calculo ureterem obstruente hydropem notavit Hollerius ad cap. 39. lib. 1. de morb. Ab eisdem pinguedine undique obstitis observavit Albertus Kiperi. Mesenterium serè innumerabilibus strumis per totum ventrem se offerentibus reperit Franciscus Caillei Genuensis, ut serè ab illis oblitteratum esset, hinc in hydropis cadavere, qua obiit, causam inquisivit. A glandulis mesenterii obstructis hydropem refert Christianus Rudnicius in miscell. curios. anno 1673. observat. 159. Holaus Borrichius in actis Medicis Barthol. cadaver dissectuit, quod ex hydropes obierat habens glandulis omentum scirrhis refertum. Hujus census infinita extant exempla, quæ hydropem à viscerum obstructionibus oriri non ægrè patiuntur.

Ea enim est universi corporis, & vasorum omnium harmonica constructio, ut humores per intervacuos loculos, & spongiosas inanitates circumfluentes per eorundem ductus æquè, atque per poros undequaque elabantur: ex hoc inoffensam mixtionem servantes per pervios fibrarum canaliculos trajecti omnes machinulas instaurant, & partium æquilibrium conservant, tandemque quicquid supervacaneum est per innumera cribra separatur; verum si obstruantur ductus, illic comprimantur, alibi sordibus alluantur, fibræ, villi contractiles, glandulæ, & diductilia vasculorum filamenta debitam liquidorum quantitatem nec absorbent, nec æquali nisu in fluida nituntur, nec contenta fecernibilia separant: hinc ab ostaculo obstruente, vel circumprimente præpeditis facultatibus contractilibus, non solum retardatur influxus fluentis liquidi, ne per totam longitudinem, & canalium amplitudinem diffundatur, sed cum non possit extrudi à contactu vasorum quicquid est inutile, & stagnat, magis mobile per poros fibrarum exsudat, aut per glandularum vascula erumpit in membranarum lacunas, & paulatim viscerum sinus, atque cavitates laxat, & alluit. Causæ hujus collectionis aquarum est stagnantium fluidorum in glandulis inertia, vascula occludens, & membranas distrahens, quæ præpeditens virium, ac facultatum exercitationes, privat fibras contractionum, & distractionum vi, ac proinde pressionum ac circumpressionum momento, adeoque stagnantes liquidorum particulæ à machinulis villorum, atq; fibrarum valde distractis, ob violentam distractionem,

S

atque

atque tunicarum extensionem ad pristinam cohaesionem, & naturalem statum non restitutis, in circulum impelli non possunt: ita affluentes, & undequaque impellentes fluidorum moleculæ, vires, & fibrarum resistentias estenuant, ut impetum appellentis liquidi, & pondus stillantium guttularum sustinere non valeant, ne poros fibrarum præterfluant, ac in cavitates aliquas decendant. Igitur salivatione artificiali moliri poterunt separationes opportuna, antequam ob villos contractiles nimio conatu dilaceratos in interiecta spatiola, inter oscilla infracta vasculorum, latentia inter filamenta, spongiolas, atque fibrarum moleculas extrâ suum locum sitas derivent humores, qui ab hyantibus vasculorum oscillis, & fibrarum poris in proximiores lacunas indefinenter erumpunt.

A R T I C U L U S VI.

De Phænomenis salivationem concomitantibus, & consequentibus.

Mercurius per plures dies exhibitus, parvaque quantitate assumptus quaquaverfum pergit, atque tam suæ gravitatis, quam impetus ratione, crassos liquidorum pigre circulantium lentores incidit, solvit, ac fluidos reddit; quin paulatim, inde confertim, & magna copia per arterias ad glandulas salivares deducit, donec salivatio succedat. Humores in glandularum cavitate existentes, & in arteriolarum capillamentis summè distensis à successivo, & indefinente liquidorum appulsu moram trahentes, pituitosi, & glutinosi, acresque soluti, exitum sibi parant per salivæ vias, quæ vitiosis humoribus enormiter instantur, ac propterea incipiunt intumescere gingivæ, atque angi, dolere tonsillæ, inflammari maxillares, ardere fauces, dum magna copia se ferente ad salivares glandulas pituita, non tantum glandulæ superiores, quam inferiores inde replentur, ac intumescunt; verum tota oris, & faucium tunica glandulosa eodem glutinoso sero tunc impletur, ac distenta levem, & nonnunquam periculosam producit (si nimium festinetur salivatio) in faucibus angustiam, quæ saliva viscosa subsistente in canalibus suis, ac proinde eosdem

extror-

extrorsum extendendo in tumorem attolluntur, à quo glandulæ vehementer distractæ dolore, atque ardore plectuntur; & cum fibrarum distractio fieri non possit absque eo, quod membranæ canaliculorum, & quarumlibet aliarum partium in parte, quæ distenditur, à proprio termino recedant, neque à sua positione distrahi, quin ab invicem dividantur, poterit aliquandò succedere laceratio aliquot canaliculorum, & multò facilius, si acria, ac effera soluti lentoris saliva fibrillis insigantur, & ipsa sint tanti momenti, ac impetus, ut vasculorum connisum, & resistentes glandularum villos superare possint, ex qua canaliculorum laceratione, vel apertione contentus liquor jugiter effluet cruentus, sincerus, mixtus, qui absque illa laceratione poterit pedetentim in os derivare, si per stimulum contractiones, & fibrarum distractiones sint tanti impetus, ut quæcumque continentur intrà partem, quæ contrahitur, atque distrahitur, exprimere possint extrà glandulas, & eo faciliùs, quo illæ fuerint vividiores, & cum sensu doloris conjunctæ.

Tumefactis gingivis, quæ ulteriùs firmant, & stabiliunt dentes in suis alveolis satis profundis, maxillis insculptis impares fiunt (dum à ligamentis succingentis membranæ distensis trahuntur, pellunturque) resistendi distractarum fibrarum viribus, eaque ratione vacillantes, ac proinde minus firmi extrà ordinem quasi per novos alveolos prodeunt, ut excidere videantur, semperque quasi tremore quatiantur; quo casu ut plurimum extrorsum, introrsum, ac si nova foret dentium series protrusi à Mercurio, veluti ab hasta Achilis, quæ vulnerat, & sanat, pedetentim firmantur, & suis fossulis detumescentibus gingivis denuò recomittuntur.

Mirè commoti, & ad fauces in primis propulsi humores glutinosi, alique eis admixti per universam sanguinis massam, immò corpus universum diversis in glandulis oris aggeruntur, & spumæ ad instar malè olentis continuò ab ipsis exstillant, adeoque fætor anhelitus qui stagnantis lentoris eruptionem in procinctu esse manifestat, & salivationis stadium plerumque comitatur. Subsistente glutinosa saliva intrà arteriolas, & glandulas, easque proinde distrahente, particulæ succorum quorundam acutissimæ cum ipsa conjunctæ, dum transitum nullo obice impeditum non reperiunt, in vicinas illas

fibras vehementius agunt, & impetuosius pelluntur, easque discendo, perterebrando, non tantum dolores graves, & molestias immanes producant, quin confertim effluente humore acri, oris ulcera, & linguæ relinquunt.

Salivatio itaque cum fiat per humoris pituitosi ubique, ac imprimis in sanguinis massa dissolutionem, hinc ad salivæ glandulas deductionem, quoties paulatim, ac successivè à mercurio similis materiae pituitosæ secretio contingit in glandulis pancreatis, & ventriculi, toties humoris pancreatici, & stomachici, & quidem viscidioris, & acrioris ita contingit copiosior separatio, ut ad tenue intestinum, ac ventriculum copiosius diductis humoribus, irritetur potentius eorundem utraque pars. Ab illa enim molesta vellicatione exprimitur copia liquidi summè mobilis per nervos major in ventriculi musculum, aut in fibras intestinorum, undè illius motus peristaltici violenta inversio, atque indè cum subita, ac valida ventriculi constrictione, si quæ sint contentorum, per os eiciuntur, atque proindè à confluentibus in intestina humoribus, ibique agitatibus ad illorum expulsionem eadem convelluntur, & alvi fluxus satis gravis, & nonnunquam periculosus consequi solet.

Quoniam verò inflata lingua, in tumorem elevatis faucibus canales cibi, & potus ita comprimuntur, ut naturaliter non pateant, & liberè moveri non possint, non solum prohibetur pharyngis motus, sed fibræ musculorum Buccinatorum, Zygomaticorum, elevatorum, depressorum labiorum cum cæteris musculis cibum in œsophagum protrudentibus, humorum copia adeò contrahuntur, & vasorum tilia infarciuntur, ut materia quælibet deglutienda ad palatum perducta per impetum à linguæ motu vitiato conceptum, & musculorum vires in cavitatem œsophagi exprimat difficiilius. Prout igitur glandularum, & musculorum tumor canalem comprimet, ex æquo vitiabitur deglutitio, & eò magis si pharyngis musculus plus juxto lædentur; Hinc aliquandò in artificiali hac per mercurium excitata salivatione, prout comitantur oris ulcera satis ampla, genas inprimis, & linguam depascentia dum effluit saliva acris, ac exedens, ubi eadem serò ad curationem tendunt, cicatrices molestissimas relinquunt, quæ quoniam motrices fibras ad majores contactus eas crispando redigunt, indè

indè partes nimis arctè colligunt, ex quibus denuò non explicatis fibrillis, non rarò linguæ motus manet impeditus, ex parte prohibetur deglutitio, genarum motus vitiatur, & propter fibrarum inflexilitatem constituitur pars veluti rigida, ut mihi semel in praxi videre contigit, quæ ob influxum sanguinis, & liquidi per nervos impediti, à nulla vi, à nullo volente in motum agitur; undè illa pars paralytica fiet, & quamvis linguæ, labiorum, genarumque motus, gargarismis, (si in tempore præveniantur hæc mala,) qui humores acres temperant, ulcera mundant, atque blandè exsiccant, restitui possit, cavendum autem, ne confertim, & diutius promoveatur salivatio, dum non tantùm glandulæ successivæ replentur, atque indè intumescunt, verùm tunica glandulosa post peractam salivationem jugiter pituita impletur, & relaxatis fibris distenta molestum, & nonnunquàm periculosum phtyalismum continuò fovet.

Post longum salivationis cursum tum sanguis arefcit, tum copiosa excretionem succi nutritii per glandulas salivales facta, partes musculosæ debita nutritione privatæ in naturalem quasi atrophiam incidunt, quæ tamen non succedente excandescencia sanguinis, & spirituum, adeòque calore hectico fixo non irrepente, & colliquante in partibus solidis, ulterius magis non marcescentes à novi oleosi chyli pabulo in sanguinem continuo delato, in dies reparantur, atque indè tota novo massa sanguinis succo jugiter saturata, magis apta alitioni partium redditur, & consequenter massæ sanguineæ emendatione atrophia totius corporis sensim evanescit, adeò ut indè novo euchy-mo, & oleoso succo in pristinam oleosam, & nutritioni aptam naturam sanguinis crasi restituta, melius in dies se habeat æger, quo vires carnesque continuò refarciuntur, usque dum sanitate firma, & atletico corporis statu fruatur.

A R T I C U L U S VII.

De Methodo Salivatoria.

Nunc præstat Gallica forde marcescentes, ut cum Celso sternatur via Medicamento Mercurialium suffragia non ornatum cum ipso Celso edocere, ut sciant ubi syrtes, & scopuli

pili lateant, & quomodo sint vela trahenda, quibusve plagis advertenda prora, ne mentis lenocinio, ac blanditiæ laboris decepti, præcoci nimium experimentalis impatientia amplectendæ salivationis defudantes, artis constantiæ, & salutis officiant, & incremento. Utile quippè, ac pulcrum est experimentalis, ac empiricæ rationali reïmedicæ veritati inniti, ut Celtici curationem à rudi experientia vindicem, & in rationalem methodum discentibus æquè, ac docentibus pronam convertam; experimentorum laboribus mixtorum rationali analysi operam navans, intimamque ab ipsis naturam extorquens, in hac re plura phænomena obscuritate naturæ involuta, pluresque agentium facultates aperta luce mihi paravi, quibus ad ea, quæ in corpore humano salivando operantur, accommodatis, iisque tanquàm causis in agendo ad praxim demonstrativam adhibitis, non exiguæ vires arti salivatoriæ accessere, quæ mentem artificis in experimentalis inventione excitando, eam in observatorum examine, ac iudicio exacuit, ut in percipiendis viribus, ac corporum legibus expendendis securior facta, minùs erroneam, ac commentitiâ methodum constituat. Itaque per ipsam ad quoddam veri specimen perducti, si nescimus adhuc quid sint Venereorum morborum radices, addiscimus saltem (pluribus inaccessum) quibus curantur; quo fit, ut disruptis Theoriæ medicæ repagulis, ac veluti mei juris factus, per immensum salivationis æquor discurrâ. Explanatis igitur difficultatibus, & excisis ab arte alienis phylatrorum aberrationibus, erigitur animus, & me ad jactica prælia revoco, ut certi sciendi, docendique in arte salivatoria omnium vastissima limites statuantur.

Cum verò ut propius ad rem accedam venerea lues eòisque invaluerit, ut durior huiusce morbi feritas extirpari non possit, nisi per salivationem mercurio excitatam, mihi onus incumbit, quæ in ea promovenda, tum etiam regenda observatio mihi dictavit, ediffere; cum enim eò res redigitur, ut non adscitis temerè suppetiis salivatio promovenda sit, nulla ratione quidem assequi possum, qui fiat, ut ad frangendos huius conatus, æger adhuc viribus vegetus, sanguinis missione rectius subiiciatur mercurio, cum testante experientia nulla sanguinis evacuatione debilitati, proindeque pares Mercurii conatibus, salivationis impetum nullo labore sustineant.

Cum

Cum sanguis non solum impellatur à corde , & nisi succedenti sanguinis , quem exercent particulæ quæque ad contactum politæ intrà vasa à tergo urgentes , sed etiam ab arteriarum tunicis impingente sanguine distractis , & sese post dilationem restituentibus , fit , ut villi membranas arteriarum texentes nimio sanguine distenti , indeque prohibiti , ne possint se planè contrahendo in sanguinem niti , sanguis fluat minori velocitate , quàm quæ requiritur ad mutuam partium cohesionem divellendam , & eo minùs in divulsionem nitetur , quo in arteriæ distensione minor vis attritionis dabitur , adeòque quoniam per sanguinis missionem fit , ut ipsius particulæ in mutuum contactum minus nitentes à frequentiori , & celeriori arteriarum oscillatione majori nisi agentur , sequitur ut quicquid si sanguinis relinquitur in vasis , validius in motum agatur , & si nifus major fuerit resistentia à partibus cohibentibus , & coactis proveniente , intimè dimovebitur liquidorum cohesio à motu prohibens partes magis mobiles , & reliquis impellendis aptas ; quoties igitur in celtico morbo dabitur sanguis nimis coactus , & arteriarum tunicas ità distendens , ut partes sanguinis succedentes , dum in antecedentes impingunt , per illam pressionem non possint se invicem allidentes divelli (quæ major allisio faceret , ut una particula fortius attrita majori vi divideretur ab alia) ille igitur coalitionis nifus per sanguinis missionem minuendus erit , & arteriarum distractio removenda , ut partes divulsæ extricentur , & à solidorum inertia cohibitæ in maiorem motum nitantur .

Si vero his , cui mittitur sanguis , sit imbecillioris , & minimè constantis roboris , ut videre sæpè contingit in venerea lue confectis , è sanguinis detractione concidat oportet virium robur , è sanguinis enim quantitate minore in Arteriis contento minùs extenduntur meningum fibrillæ , à quibus minori momento impelluntur per nervos spiritus , undè minor quantitas spirituum in villos cordis derivata cum ejusdem contractionem remittat , cor in sanguinem nitens , suiq; motus impertiens iners pressionis momentum , debiliorem nifum fluenti sanguini imprimet . Hinc successivè ob rariorem , & solidorum debiliorem motum augentur liquidorum resistentiæ , undè sanguis recedens minori velocitate per vasa , quàm antè missionem , minori momento alliditur ; & cum facultates fluidorum

rum attritionem molientes sint maximè infirmæ, earum momento non majori momento cohæſionis ſanguinis non poterunt particulas inter ſe cohærentes dimovere, idcirco lentor in ſanguine augebitur, qui major non fieret, ſi ſanguis emiſſus enervata cordis contractione reſiſtentias fluidis non adderet. Quoties igitur certus eſſe poteris majorem quantitatem ſanguinis, quod perarò videre eſt, quam quæ fluere poteſt per canalialia ſine vehementi diductilium laterum diſtenſione cum particularum preſſione in gyrum languidiùs rotari, ne dubites, ut motus, & reſiſtentiarum æquus exiſtimator ſanguinis miſſione ægro oportunè occurrens, nocere poſſis; alias miſſo damnoſo huiusmodi præjudicio, in omni ſalivatione feliciter exitanda præmittendum eſt catharticum aliquod, quod humores in ventriculo, ac inteſtinis collectos per alvum educat, ne imprudenter prius adhibitis medicamentis ſalivationem excitantibus, Vomitus, aut ventris tormina exurgant: indè phtifana humectante, & laxativa ægri lûæ tabeſcentes præmuniuntur, quæ conficitur Sarsaparilla, Radice Bardanæ, Graminis, Semine Ordei, paſſulis exacinaſis, Liquiritia, & Aqua fontis, quæque pro modulo potus uberi copia, ſi fas ſit, per duodecim dies exhibeatur.

Quoniam celticus lentor à fluidis concreſcentibus inſpiſſatus, ſanguinem privat ea portione, quæ corporis partes humectando ad motum diſponit, lentè rapitur per vaſa, nec poteſt intimè ab ullo ſolvente recludi, donec humido omnium fluidorum vehiculo occurrens, laxato nexu cohæſionis, promptius non compleat circuitus; hinc aquæ moleculæ intrà poros viſcidi ſanguinis concluſæ ejuſdem contactum dimovent, reſiſtentias lentoris imminuunt, quibus pariter laxatur rigida ſolidorum tenſio, & elasticitas, ut poſſit ab impulſu grave Mercurii diſtenſa alternatim reſtitui: rigidorum vaſculorum tonus validè contranitens Mercurii momento, ejuſdem impetum eludit, at corpus illud, dum diuturnè in tunicas arteriarum impingit, ſui motum villis impertiens, ſucceſſivè tandem totum in ipſos tranſfert; impreſſo autem fibris impetus accelerati momento, ſolvitur virium contranitentium æquilibrium, undè cum arteriæ nec majori impulſu diſtrahantur, nec impellentis corporis ſubſtineant niſum, à ſe invicem diſſiliunt. Idcirco prius præparato ægro laxativis diluentibus,

mercurio dulci in pillulas efformato cum gum. traghan. vel cum conserva viol., paulatim, ac successive salivationem promoveo, adeoque cautè procedens lentè moveo. Posti quartam, vel quintam diem gingivæ intumescunt, & phtyalismus suboritur; cum æger expuere incipit, gradus salivationis summa diligentia expendo, an erumpenti salivæ frænum, vel calcar sit iniiciendum: ubi autem phtyalismus eousque evehctus fuerit, ut nycthemeri spatio quatuor libras expuat æger, nullum amplius stimulum addo, ut non intendatur salivatio, & cum hoc modo illa satis procedat, caveo ab omni mercurii usurpatione ulteriori, ne à nimia quantitate delatis ad salivæ glandulas humoribus glutinosis, æger in vitæ discrimen coniciatur. Hoc modo protracta salivatio, si fortè prius elanguet, antequam morbus penitus evanescat, novo subindè stimuletur mercurio, quousque mephiti mercuriali, salivæ lentore, & sputi falsitate glutinosa omnimodè cessante, æger in totum convalescit.

Quandoquidem accidit præsertim in corporibus sæcibus impuris refertis, ut simul ac mercurio sanguis afficitur, tormina ventris, & dejectiones mucosæ quasi dysentericæ eveniant, quibus non solum curatio morbi retardatur, perturbaturque, verum impeditur, nè salivatio succedat. In urgentibus hisce malis cohibenda est diarrhæa, & sedandus dolor opiaris, & paregoricis pharmacis, quousque hæc symptomata penitus evanescant, atque salivatio satis procedat. Cæterum benè procedente salivæ purgatione quoniam in diuturno salivationis stadio non tantum sanguinis fibrosi, & serosi colliquatio, verum etiam saburra veteris effæti, & novi chyli oleosi copia per salivæ ductus liberè indefinenter excernitur, fit ut ob continuam sanguinis depauperationem partes corporis solidæ debita nutritione privatæ prorsus marcescant; idcirco ad præcavendam hanc vasorum inanitionem, & carnis marcorem, massa sanguinis novo jugiter aquearum succo tempore salivationis saturetur, quo rasura c.c. passulis, aniso: & aqua fontis confecto solidorum colliquatio, & consequenter atrophia totius corporis reparatur. Si in sustinendo urgenti gingivarum, & linguæ dolore impar sit æger, colluatur gargarismate ex rad. alth. liquir. fol. mal. sem. ord. decoctis in aqua fontis, addendo syrup. de hybisc. Si verò cum gingivarum dolore in

T

dies

dies cum suffocationis periculo augeatur phtyalismus, opiaris, & anodynis liquoribus compescatur, vel aliò divertatur catharticis, ceterùm ægri regimen id tantùm exposcit, ut à vi frigoris se defendat, cibus enchimis, & moderate vescatur.

A Venerea lue evasi hujusmodi ægri, si æconomiam illorum corporum eversam, & vires prostratas resarciendi minùs idonei sint, sed sanguine eorum accessente incalescant, ne in lethalem tabem incidant, siccoque marasmo afficiantur, ad juscula avenacea, gelatinas, & lactea, spiritus defatigatos, & vires deperditas restaurandas apta delegentur. Interim ægrò convalescente post salivationem peractam nec cathartica, nec sudorifica alia in usum revocanda veniunt. Attamen nescio qua ratione quidam freti quicquid malignitatis à Mercurio, ut vulgus ait, in corpore relinquitur, aut Mercurii reliquias per catharsim, aut diaphorism expellere conantur. Hujusmodi autem hallucinationes in practicis illorum præjudiciis fundatæ, ita in eorum animis infiguntur, ut pro Jmone umbram captantes, delirantium insomnia pro fundatis principiis concipiant. Serio verò cum Sidnham animadvertendum est, in quibusdam reperiri idiosyncrasiam, quæ ita salivali purgationi resistit, ut nullo modo excitari possit salivatio, quæ ad eradicandam mali radicem par sit; igitur ab isto evacuationis genere recalcitrante natura, ne loco perfectæ salivationis dolores ventriculi, sudores frigidi, dejectio dysenterica cum ventris torminibus insurgant, cave, ne obstinate salivationem importunius urgeas.

Cum igitur allata methodus, nec dies præparando corpus ante salivationem inutiliter consumat, nec decoctis post salivationem ægros extorqueat, quisque experimento discat in praxi versatus, eandem longè faciliorem esse, magisque tutam. Nec vos deterreat deglutitionis difficultas, oris labor, & dirigendæ salivationis requisita solertia: Quid autem pulcrum in accurato naturæ, & artis experimentalis labore pluribus inaccessio quod non idem arduum! ad hanc itaque salivationis methodum per repetita experimentorum tentamina, perque nunquam intermissas historiarum notationes consecutam, nupergisque historiis exultam animos erigite, quæ eventuum certitudine, & virium constantia, in laborum tædiq rationalem disciplinam constituit.

H I S T O R I A I

GAllus homo originaria veneris labe fædatus, sensimque febrili algore emarcescens, universali quasi macie conficitur; pedetentim in dies increfcens, tophus in septima propè os pectoris, ubi os definens cartilaginem recipit, costa protuberat. Venetiis veris tempore cum decocto exsiccati, & sudorifico hypocausto committitur, at post octavam circiter diem copiosis sudoribus subtilioris seri depauperatus sanguis, magis perenni febrili stadio incalescit, atque tophus febrili incendio magis urens doloribus ardet; Hinc calore sanguinis inflammatae tophi particulæ, motuque ejusdem urgentiori commotæ, ita se invicem allidebantur, ut concretionis nexum diffringerent; sic in supurationem abeunte tumore ulcus satis ingens, graveque olens cum ossis erosione circumscitas fibrillas depalcebatur. Verùm benignioris auræ lumine afflatus ab hypocausto recessit, & successivè solventi blando liquore, sed aqueo continuo rigatus, indè salivationis cursum feliciter exegit: Interim solo spiritu vini camphorato prò ulcere adhibito absque ulla symptomatum sævitie, & doloris rerudescencia perdomata febre, repurgato, & consolidato ulcere, ultrà expectationis spem triginta diebus evasit.

H I S T O R I A II.

Juvenis bilioso melancolici temperamenti, gracilis habitus, angusti pectoris celtica labe autumnò, & hyeme grassante affectus emarcescit, & magis febre lenta, quandoque etiam quotidiano typo algens, atque incalescens, nocturnis doloribus ad artus ferè omnes torquetur cum sicca impetigine faciem, ac ferè universam cutem fædante. Eger ab enormi fluidorum vitio, & subsecuta solidorum labe vexatus, veris tempore salivationi committitur, quam post largum viscidissimi phlegmatis effluxum circa summos labores trigessimum circa diem remittentem, excepit (præcesso dolore pectoris cum tussi) purulentum sputum, phytis lethalis epyphæno-

phænomenon à pulmonari infartu , aut tuberculo antè salivationem in pulmonibus latente, & salivationis tempore suppurato, aut disrupto ; interea ad diluentia, balsamica, & lactea irrita medella delegatus, à nova tuberculorum inflammatione, & pulmonum exulceratione unà cum colliquativa diarrhæa è vivis funeste sublatus est.

Hoc eventum videtur mercurialia salivatoria proficiscenti tabi pulmonari calcar addere, & quæ extergendis, exsiccandisque internis aliis, externisque partium ulceribus præstantissima passim experimur, in infartis pulmonibus crimine non carent. Clarissimus Morton in phtysi symptomatica à celtica lue haud veretur mercurialium usum. *Ideòque inquit nil melius excogitari potest, quàm ulcerum pulmonarium sanationem, & crasis sanguinis à fermento venereo eversa restitutionem mercuriali aliqua salivatione tentare.* Hac fortasse adhibita in tertio ejusdem stadio post tuberculorum suppurationem ad extergendum, & exsiccandum consequens ulcus, non verò in eorundem cruditate, aut in pulmonibus prius obstructis, & in phtysim dispositis ; cum in hoc casu videantur mercurialia spontè irrepentem phtysim promoveri, adeòque ad inhibendam tuberculorum latentium inflammationem, & suppurationem inepta, licèt fortasse ad eorundem exulcerationem abstergendam, exsiccandumque consequens ulcus apta.

H I S T O R I A III.

JUvenis quidam circà annum ætatis suæ vigesimum octavum, lascivus, & nequàm post concubitum venereo veneno per contagium adedò inquinatus fuit, ut non obstante plurium medicaminum anticelticorum ope à medico instituto, aliisque curationis methodis incasso molimine accersitis, post uvulæ erosionem, atque alia luis venereæ stigmata foris, & intus excrefcentia, in summam incideret deglutitionis difficultatem à tonsillis intumescens, atque inflammatis cum febre, & totius corporis emaciatione incipiente. Ob glandularum folliculos à contento fluido summè turgescens maximam indebat formidinem mercurialium usus, utpote ab intus commota materie fluidorum, & ad glandulas jugiter affluente tonsillarum infla-

inflationem promoventium ; Verùm salivatione promota , dùm cæteræ salivæ glandulæ à confluyente liquido distentæ intumescunt , simulque exulcerantur , ab ipsis tonsillis depluentibus sanioris fluxus filamentis , sensim humorum infartus in ipsis gliscens detumescebat , quousque perenni fluxu viscidi , atque erosivi phlegmatis erumpente perfectè patiens , & sine ulla recidivatione à tonsillarum tumore , ulceribus æquè , ac reliquis luis cruciatibus penitus vindicaretur .

H I S T O R I A IV.

Mulier ante gestationis tempus lue venerea affecta , dolore , febre , tophisque in diem incrementibus circumscripta , feliciter mercurialem , cum diræ luis feritatis remissione salivationem transegit : at post stadium salivationis transactum fecundationem passa , uteroque gerens , in quarto mense celtico veneno denuò inquinata , aut recrudescente (ut sæpè recidivam patiuntur hii , qui vario lenocinii apparatu phthyalismum demulcent , aut salivationis tempus non explent) lenta febre , & macie denuò conficitur ; in osse frontis novus extuberat , aperiturque tophus , ac recens ulcus suprà uvulam palatum exedit , à quo exorta deglutitionis ingenti difficultate solida , tum fluida quæque per nares regurgitante , summus virium lapsus augefcit ; in hoc gravi morbi statu alteræ salivationi subiicitur sialogogis pilulis , hiiisque repetitis , aut intermissis juxtà tardum , aut celerem phthyalismi impetum , nulloque interim uterino symptomate obvio , quod abortum prænunciaret , copioso sanè effluxu mucosi , ac uliginosi phlegmatis salivatione peracta integrè convalescens , filiam completo gestationis tempore salubrem , absque sui ipsius recidivæ metu , obstricante mercurio , peperit . Igitur quam sit male sanum commentum , & inanis timor eorum , qui in prægnantibus mercurialium usum abhorrent , apertè evincitur , & clarè elucet .

HISTORIA V.

VIr quadragesimum annum natus admodum robustus, laxatis victus habenis, & cum scortis avidissimè luxurians nulla virulenta infectus gonorrhæa, celtico rheumatismo gravissimè afficitur, maximè noctu prædixis cruciatibus in capite, medisque tibis, brachii dexteri contractione, alibique corporis citrà ullum tumorem sævientibus afflictus, ut nec cubi se continere potens, nec lecto affixus miserrimè trahe-
ret spiritum; in dies incrementi dolori accessit febris, postquam perenni circuitu increbescentem gummosus tumor diu delitescens in sinu dextero versus oculum protuberans se manifestavit. Remedia minora serè innumera sine ulla symptomatum allevatione adhibebantur: Mercurialium usu catharticatorum primò melius habere visus, exindè tandem deterior factus, eò tempore præ immensi cruciatu ferro tumorem discindi passus est, sed frustraneo conatu. Quapropter cum methodus quæpiam nihil opis contulisset, sed recrudescente lue, salivationem remedium cæteris, quibusque validius ultimum experiri consulitur. Statim corpore per catharsin, & phthisanam humectantem ritè preparato, salivationis stadium sublimato dulci inchoavit, qui ad finem morbi anhelans per quinque dies 36. grana mercurii in dulcem confecti devoravit; à pharmaco quinta vice repetito sputatio copiosa, & laudabilis incepit, quæ finè malo quovis symptomate per mensem processit, & decresciente salivationis visciditate, ac pondere ad residuum spumescentis glutinis compescendum novo usu mercurii per paucos dies ad 3. 5. interiecto curam confecit. Ante cursum hunc phthyalisini finitum, dolores omnes cum febre evanuerunt, indeque à gummate ulceroso exsiccato, licèt longo morbi decursu defatigatus æger intrà quadraginta dierum spatium integrè convaluit.

HISTORIA VI.

JUvenis æques vix celtico seminio tactus, jam primùm inquinatur, & virulenta gonorrhæa torquetur, à qua nescio quo, & fortassis malefana medella vindicatus, doloribus vagis incalescens accensa febricula inhorruit, à qua statim ingravescens morbus brevi ad feritatem perveniens, cum ossium carie, & gummatibus cranii ad musculos temporales protuberantibus, invictis tum unà, tum alia quacumque methodo, per tres annos tyrannidem suam exercuit. Quare remedia diversimoda cujusve ferè generis tentata cum potius exacerbationem intulissent, animatur æger salivationis cursum subire. Itaque ex consilii votis mercuriali salivationi committitur, à qua tumefactis glandulis, & fluidorum impetu dehiscentibus tubulis, crassa saliva ab osculis vasorum apertis indefinenter effluxit, unde nullo amplius salivationis stimulo incusso, nulloque addito impulsu phlyctis per mensem ciebatur. octava tamen die salivalis saburra confertim nimis versus ductus salivales irruens compescebatur syr. papav., & opiatibus. Hinc mitigatis gingivarum doloribus, & compede injecto uberiori salivæ effluxui, lento morboſi liquidi cursu stadium salivationis peragitur, quod curriculo dierum triginta pertingens à repetito Mercurii usu trigesimo quinto omninò desit. Hic æger cura consumpsit centum grana mercurii, quibus tophus, febris, dolorque capitis ex toto cessavit.

HISTORIA VII.

FÆmina quædam sanioso gonorrhææ fluxu miserrimè preta, inde doloribus nocte recrudescentibus vehementer conqueritur. Verùm quia parum primò in affecta parte doloris sensit, tanquàm leve malum contempsit: subſequentibus inde diebus evanefcente sanioso icore, tumor quidam in ſincipite interdum indolens ferè ſuccrevit, qui nullo negotio à periti chirurgi industria ſublatus, novos in vertice moliebatur tophos, extuberantes ſucceſſu temporis in palato plures puſtulas in

læ in ulcera cachoetica, & putrida terminarunt. Hæc foemina dum patrati sceleris sordes expiare cogitat, tuberculum exiguum in mamma dextera exuberat lentè proserpens, & vix pili magnitudinem exequans, quod inæquali pede, & mole con-
 crescens, venis in ambitu turgidum cum colore livido, & obscuro, tactui insuper renitens dura veluti crusta obducitur, firmiterque subjectæ parti adhærens teterrimis, ac gravissimis symptomatis excruciat. Mulier de incolumitate sollicita licet plurimis morbis labefactata curæ salivatoriae se concredidit, quæ sputationis cursu per mensis spatium repetito, indeque pustulis, & tophis, fætidisque ulceribus ubique evanescentibus, tunc ad valetudinem se recuperare videbatur; verum gallica totius corporis defædatione ex istius votis intimè perdomata, recrudescit diù delitescens cancerosus tumor punctio-
 nibus quibusdam, ac si acu fierent se patefaciens. Porro ex hoc in dies actus tumor tot ærumnis reviviscit, præque diro dolore ita ingravescit, ut de repente ad ultimum stadium perduceretur, in quo apertis, & corrosis folliculi, & glandularum fibrillis, putris sanies, mox nigricans continuo emanavit, quibus diù obnoxia mulier tandem in lethalem lapsum incidit.

Hoc lethali morbi experimento per salivationem habito turpi inscitia puniuntur, qui mercurialibus carcinomma discutere, ejusdem coagulum resolvere, atque salia corrosiva cicurare nituntur. Nucleus enim canceri, qui longos in annos naturæ, & medicamentis suavioribus inexcussus manet, incidentium, & resolventium usu commotus agitur, inflammaturque, unde incalescentibus acrium salium coacervatis moleculis non mirum si in apertam cladem terminetur.

F I N I S.

1. **Introduction**
 2. **Background**
 3. **Methodology**
 4. **Results**
 5. **Discussion**
 6. **Conclusion**
 7. **References**
 8. **Appendix**
 9. **Index**
 10. **Table of Contents**
 11. **Figure**
 12. **Table**
 13. **Figure**
 14. **Table**
 15. **Figure**
 16. **Table**
 17. **Figure**
 18. **Table**
 19. **Figure**
 20. **Table**
 21. **Figure**
 22. **Table**
 23. **Figure**
 24. **Table**
 25. **Figure**
 26. **Table**
 27. **Figure**
 28. **Table**
 29. **Figure**
 30. **Table**
 31. **Figure**
 32. **Table**
 33. **Figure**
 34. **Table**
 35. **Figure**
 36. **Table**
 37. **Figure**
 38. **Table**
 39. **Figure**
 40. **Table**
 41. **Figure**
 42. **Table**
 43. **Figure**
 44. **Table**
 45. **Figure**
 46. **Table**
 47. **Figure**
 48. **Table**
 49. **Figure**
 50. **Table**
 51. **Figure**
 52. **Table**
 53. **Figure**
 54. **Table**
 55. **Figure**
 56. **Table**
 57. **Figure**
 58. **Table**
 59. **Figure**
 60. **Table**
 61. **Figure**
 62. **Table**
 63. **Figure**
 64. **Table**
 65. **Figure**
 66. **Table**
 67. **Figure**
 68. **Table**
 69. **Figure**
 70. **Table**
 71. **Figure**
 72. **Table**
 73. **Figure**
 74. **Table**
 75. **Figure**
 76. **Table**
 77. **Figure**
 78. **Table**
 79. **Figure**
 80. **Table**
 81. **Figure**
 82. **Table**
 83. **Figure**
 84. **Table**
 85. **Figure**
 86. **Table**
 87. **Figure**
 88. **Table**
 89. **Figure**
 90. **Table**
 91. **Figure**
 92. **Table**
 93. **Figure**
 94. **Table**
 95. **Figure**
 96. **Table**
 97. **Figure**
 98. **Table**
 99. **Figure**
 100. **Table**

